

ويسألونك عن الحب

الكتاب: ويسألونك عن الحب

المؤلف: هاني رمضان

تصميم الغلاف: مروة فتحي

تدقيق لغوي: أحمد أسامة

رقم الإيداع: 22985/2016

الترقيم الدولي: 978-977-778-088-9

20 عمارات منتصر- الهرم - الجيزة

ت: 02 35860372

Noon_publishing@yahoo.com

جميع حقوق الطبع والتوزيع محفوظة للناشر

للنشر
والتوزيع

ويسألونك عن الحب

رواية

هاني رمضان

للنشر
والتوزيع

obseikan.com

إهداء

إلى وطني الحبيب (مصر) التي حبيت بترابها وعشقت نيلها..
إلى جميع أفراد عائلتي التي لا أملك غيرها..
إلى كل قارئٍ همّ شغوف بالقراءة..
إلى جميع قراء الروايات..
إليك أنت قارئ هذه الرواية..
أقدم إليك عملي هذا لعلنا ندرك سويًا أسمى معاني الحب..
وأغلى منازل السمو والعطاء..
شاكراً لك اقتناءها بين مكتبتك..
وأسأل الله أن أكون في محل تلك الثقة التي وضعتها فيّ..

obseikan.com

مقدمة

لست أعلم من الجانى..

قلبي أم عقلى..

أهو الذى أودعنى بين جنبات النيران..

أم أننى اقتنيت العذاب رقيقًا لى..

أؤمن تمامًا بقضاء الله وقدره..

لكن..

رافقنى العذاب كثيرًا إلى أن فاض به مئى..

فهل يتركنى ويرحل أم أدعه ينال مئى..

obseikan.com

(1)

في إحدى سيارات الأجرة..

جذبت انتباهي نعمة معهودة اعتادتها أدنى في تلك الآونة الأخيرة .. إنها نعمة

هاتفى

الهادئة، التي قَلَّمَا أسمعها في بعض الأحيان من فرط هدوئها التي تضيق بين

سحبات موتور سيارة الأجرة ونحيبها المتهالك الذي يثير الاشمئزاز في نفسى.

انتزعته بشيء من الضيق خارج جيبى وأجبت:

- السلام عليكم .. مين معايا؟

- أيوا يا باسم .. أنت فين؟

- إياي .. أنت بتتكلم منين؟

- مش مهم دلوقتى .. المهم إنت قريب ولا لسه؟!

- قريب .. مفيش أخبار عن النتيجة؟

- لسه ما إتعلقتش.

- طيب .. أنا قدامى حوالى 10 دقائق واوصل.

- هستناك بس ما تتأخرش.

- حاضر.

- مع السلامة.

- سلام.

أغلقت هاتفي في توتر ملحوظ وأسكنته جيبي الأيمن في هدوء ثم نادى مساعد السائق على الأجرة وبدأ يجمعها.

يسير بنا كالسحابة من أجل جمع أكبر عدد من الناس دون تقدير لقيمة الوقت الذي يمر على مروراً كالقطار الذي يدهسني في كل دقيقة أجهل بها نتيجة الامتحان.. عليك أن تتخيل قفزات قلبي وإفرازات جسدي من العرق الذي يتصبب مني رغم أنه لا يغادر جسدي أحد غيري بالحافلة.. مشاعر القلق والتوتر التي تنتابني من المجهول. وبعد دقائق قليلة وصلت إلى الكلية (كلية الفنون التطبيقية) وبحثت عن حائط النتائج فوجدته.. ثم لاحظت إيراد منتظراً في ترقب وسط الطلبة الذين ينتظرون مصيرهم المجهول، وبعد عدة دقائق خرج علينا اثنان من العمال يحملون لوحات الكشوف وبدأوا في تعليقها واحدة تلو الأخرى.. فهناك من يجهر بالبكاء ومنهم من يصد صدمة مكتومة وغيرهم من المبشرين بالنجاح عندها تملأ أصواتهم بالفرحة بعدها فُسح لنا الطريق أمام أعيننا.. فاقتطع إيراد نظري وهو يصرخ بصوت عالٍ:
- نجحنا يا باسم.. نجحنا.

فانتابني الفرحة المؤقتة إلى أن وصلت بعيني إلى اسمي وقرأت بترقب:

باسم محمود على - الفرقة الرابعة - ناجح - التقدير العام ممتاز.

عندها تملكنتني المفاجأة.. لقد هرمت من أجل هذه اللحظة بعدما عانيت 5 سنوات دراسية منهم سنة إعداد قبل اختيار القسم وبذلك التقدير الذي طالما حلمت به من قبل.. والذي انتظرتة عائلتي نظير مساعدتي على الدراسة والنجاح فاحتضنت إيراد بفرحة غامرة بعدما حصل على تقدير عام جيد جداً لكنه لم يبالي بالفرق فهو يحسبها بالنجاح دوماً.

بعدها اتجهنا لشؤون الطلبة لمعرفة التفاصيل التي تساعدنا على إنهاء إجراءات الشهادات والأوراق من الكلية ثم ذهبنا إلى كافتيريا الكلية لاحتساء مشروبنا اليومي (الكابتشينو) وبدأنا في الحديث:

- مبروك يا عم إياي .. فرحت طبعًا صح؟
- طبعًا وانت أكثر مني .. مش كده؟
- أكيد .. إنت عارف إيه اللى حصل لي عشان أخذ الشهادة دي.
- عارف .. ده إنت طلعت عيني وكأنك خدت الدكتوراة.
- معلش بقي .. أديك هترتاح مني شوية.
- وأنت هتسينا يا عم بعد ما أخذت الشهادة والتقدير .. طبعًا ما اللى على علي يا عم.
- عمري ما هعلي عليك يا صاحبي .. ده انت الخيط والبكرة.
- هههه .. فوقت دلوقتي بعد ما عيشتنا في رعب وخليتني أستني عند لوحة النتائج من الساعة 7 الصبح.
- ما انا جيت بدرى كمان وأهي جت بفايدة ونجحنا ما تقعدش تقطمنا بقي.
- طيب يا عم إشرب...
- إشرب الكابتشينو.
- ارتشفت الكابتشينو برشقات متتابعة بنكهات السعادة .. فالطعم اليوم مختلف عن ذي قبل مما جعلني أذوق طعمًا جديدًا للحياة.
- بالحق .. إنت كلمتني من تليفون مين النهاردة؟!
- تليفون نور زميلتنا .. أصل رصيدي خلص فكلمتك منه.
- وفجأة وبدون مقدمات:
- بتجيبوا في سيرتي ليه؟!
- نور .. ده باسم كان بيسأل أنا كلمته منين النهارده.
- طيب يا بنتي قولي إحم ولا حاجة حرام عليكي .. عملتني إيه في النتيجة طبعًا أنا عارف مقدمًا بس حابب أطمئن.
- لأ .. إطمئن أنا تمام وانتوا يا باسم؟

- تمام والحمد لله.

- هو صاحبك ده مش هيشحن تليفونه رصيد بقى ويخلصنا.

- شوفت يا باسم أديك جيبتيلى الكلام أهو عاجبك كده.

- خلاص يا عم خد منى عشرة جنيهه وروح اشحن على حسابى هدية، حلاوة

النجاح.

- طيب وأنا مش هتدينى حاجة؟

- حتى إنتى يا نور .. طلباتك؟

- طلب بسيط .. تصالح حنان .. بالمناسبة هى نجحت كمان بس حساها مش

فرحانة بالنتيجة عشان حاجة معينة والحاجة دى هى إنت يا باسم.

- هى نسيت هى عملت إيه قبل كده .. صعب الطلب ده يا نور دا أنا نهيتها أكثر

من مره عشان تتفادى اللى بتعمله ومفيش فائدة.

- معلش يا باسم حاول عشان خاطرى .. هى بتحبك بس الخلاف ممكن يدوب ما

بينكم.

وبعد إلحاح من نور قررت أن أذيب أى خلاف بيننا حتى تصفو النفوس خاصة

فى ذلك الوقت الذى عمطنا السعادة فيه.

مططت شفقى بامتعض لكن ما شفح لها عندى حبي لها .. لم أدرك أننى أحياها

بمثل هذه الدرجة تسبقنى قدماى إليها وعقلى يمتعض عنها .. ما ذلك الحب

العجيب المتناقض فذهبت إليها فوجدتها جالسة ومستندة بظهرها إلى إحدى

الأسوار الحديدية التى تحيط بالحديقة الخاصة بالكلية فجلست بجانبها تبعد بيننا

مسافة ذراع وقلت:

- مبروك يا حنان النجاح .. أنا لسه عارف من نور دلوقتى.

فنظرت لى نظرة عتاب ثم قالت:

- وما حاولتش تعرف لوحدك ليه .. هو أنا ما أهمكش.

هممت بالوقوف ونويت الرحيل لكنها جذبتنى من يدي فى ندم وقالت:

- أنا مش عارفه إنت بتعمل معايا كدا ليه.
- إنتى عارفة .. أنا ما بحبش أشوفك واقفة مع حد تانى غيرى .. فما بالك وانقى عماله تهزرى معاه.
- دا زميلى يعنى عادى.
- لأ مش عادى .. طالما قررنا الإرتباط ياريت تبقى قُدّه.
- ويا ترى إيه هو الإرتباط من وجهة نظرك.
- من ناحيتى أنا أحب اللى تحتوينى وتراعى وتراعى مشاعرى مش تجرحنى وتضايقنى بتصرفاتها.
- هو ده رأيك؟
- على العموم أنا حبيت أصالحك وأباركلك عشان النفوس تبقى راضية وحببت أسلم عليكى عشان مش عارف هنشوف بعض تانى ولا لأ بس على العموم أكيد هحاول أشوفك تانى.
- فترقرقت دمة فى عينها البنيتين وسقطت دون إرادة منها عندما لامست يدي فاخرقت قلبى بعنف أدمعت عيني لكن تماكنت نفسى عندها تجمعنا جميعاً واستقلينا إحدى حافلات الأجرة وجلست بجانب حنان وأمسكت يدها بحب وأنا لا أدري.
- هل ستسمح لى الفرصة مرة أخرى كي ألمس يدها الرقيقة الناعمة التى تملك دفاء العالم بينها لا أدري .. فنظرت إلى المقاعد الممتلئة والخاوية فى الحافلة فلم أجد أحداً منتماً لنا وعندها حانت اللحظة التى انتظرتها منذ أن بدأت علاقتنا اللحظة التى أتصور عشقاً من أجلها وأتوق إليها ولم أظفر بها من قبل على الإطلاق.
- فنظرت مرة أخرى .. فلم أجد إلا الصمت وعدم الانتباه يخيم على الحافلة ومن فيها عندها أدركت أنها جاءت وحنان تنظر إلى حنان ورغبة بالغة فى الاحتواء.
- عندها ضممت يدها بالقرب من قلبى فشعرت بنبضاته واقترب وجهها من وجهى

حتى شعرت بأنفاسها تختلج قسماًت وجهى.

وفجأة وبدون أى مقدمات.. طبعت على يدها الدافئة قبلة حانية تحمل أسى
معانى الحب والحنان ونظرت فى عينها نظرة تَنَمُّ عن الرغبة المكبوتة التى تقبع
داخلى عندها أدركت حى لها وأدركت حها لى لكن بعد فوات الأوان.
فى مدينة الطلبة..

عدت إلى غرفتى فى المدينة منتشياً بالنتيجة واليوم الرائع الذى قضيته مع حنان
لكن انتابنى شعور مغاير يُحْرِقُ تلايبب قلبى من جدوى عدم رؤياها مرة أخرى
بعدها شارفت علاقتى بالكلية على الانتهاء.

عَلَّقْتُ ذَهْنِي بها أفكر فيما نشأ بيننا طيلة سنوات الدراسة.. آمالنا وأحلامنا
حبنا الذى نشأ بيننا بالفطرة .. مَرَّ عَلَى كَشْرِيطِ طَوِيلٍ يُقَلِّبُ ذَكْرِيَاتِ الماضى والتى
حتمًا ستصبح ماضٍ بعيدٍ .. إلى أبعد مدى.

تعلقت عيني بأوراق الرسم خاصتى .. أريد أن أنسى ذكرياتى حتى وإن كانت
جميلة .. طالما لا أحيها الآن .. فسأظل أتذكرها وأتأملها طالما حييت. فالتقطت
أوراقى وأشعلت الموسيقى فى هاتفى المحمول وبدأت فى الرسم عشقت الرسم منذ
أن كنت فى المرحلة الإعدادية .. عندها اصطحبني والدى إلى العديد من الورش
الخاصة بالفنون التشكيلية القابعة فى مدينة السحر والجمال مدينة الإسكندرية
.. حيث البحر وعيق التاريخ والتأمل الفكرى الذى يخلق فى حياة أى فنان إبداعًا
حقيقياً لا محالة.

ومن يومها أصبح الرسم جزءاً لا يتجزأ من حياتى .. فهو لم يكن موهبة فقط
بالنسبة لى لكنه أيضاً عشق وراحة نفسية ينال من ما يعكس صفوى دائماً والآن
وبعد دراسته اكتمل عشقه فى قلبى وأصبحت حياتى مُعَلَّقَةً به وصار هو ملاذى الأخير
للهرب أحياناً من الواقع الأليم.

وبعد عدة ساعات جاءنى (عم جمعة) حارس المدينة والذى ظل قرابة الثلاثون

عامًا يعمل بالمدينة .. لم تكن علاقتي به قَطَّ علاقة حارس بطالب على الإطلاق بل كانت علاقة بسيطة كأى صديقين أو ربما كوالدٍ لى.

رجل أكل عليه الدهر وشرب حتى نال من قسّمات وجهه وأطبّقها في عنف يرتدى الجلباب دائمًا ولا شىء غيره .. يفتخر به كوسام ناله في حفل تكريم يعتز بأصله الصعيدي الشامخ الذى نشأ وترعرع فيه .. يقدس العادات والتقاليد التى تربى عليها وبصرامة لا يعرف المجاملات ولم يتغلى عن لكنته الصعيدية.

- صباح الخير يا باسم.

- صباح النور يا عم جمعة .. إيه أخبارك؟

- الحمد لله .. أنا شايفك النهارده فرحان .. خير إن شاء الله.

- أصل أنا نجحت يا عم جمعة.

- يا ااااه ... ألف مبروك .. والله فرحتك جوى.

- ربنا يكرمك يا عم جمعة وتشوف ولادك دايماً ناجحين يارب.

- شكرًا يا ابني .. وناوى تعمل إيه بعد كده.

- ناوى أريحكم منى بقى.

- يووه .. ما تجولش كده يا باسم .. ده إنت منورنا والله.

- يا راجل ما انا خلصت دراسة هقعد إزاي فى المدينه تانى .. مكانى فيه

حد تانى أكيد هيبجى وياخده وده حقه .. عشان هيدرس فى الجامعة.

- طبعًا بس هتوحشنا بجد والله يا باسم بس إوعى تنسأنا بقى وتقول

عدّولى.

فابتسمت ابتسامه عريضة على دعاية عم جمعة وأكملت:

- لأ طبعًا .. وأنا أقدر أنسى أصحابى وأهلى اللى قضيت معاهم خمس سنين من

عمرى .. دا حتى يبقى قلة أصل وأنا من بيت محترم .. وقليل الأصل ااااه .. إنت عارف

أصلى كويس يا عم جمعة.

فقهقه عم جمعة من دعايتى واستطرد:

- بيت كريم وأصل عظيم يا باسم .. ده إنت عشرة نصّ عُمر.

- طيب والنص التانى؟!

- سيبتة في البلد وجيت هنا.

فاتبسمت كثيرًا من دعابات عم جمعة التي تهون على معيشتي دائمًا .. فهو يعيش الفكاها والدعابات مهما كُثرت لأنها تهون عليه عمله وحياته على وجه الخصوص في غربته عن بلدته.

- يعنى ناوى تعمل إيه؟

- والله ناوى أخلص ورقى واروح على اسكندرية عشان أزور عيلتي وابلغهم بالنتيجة وبعد كده ربنا يسهلها من عنده بقى.

- ربنا يوفجك يا ابني ويسرلك الحال.

- تسلم يا عم جمعة .. ربنا يكرمك.

- أسيبك بقى عشان بينادوا عليا تحت .. مش عايز حاجة؟

- متشكر.

- أشوفك على خير.

- مع السلامة.

فخرج عم جمعة من الغرفة .. واستطردت الرسم والحالة الانعزالية التي كنت عليها قبل دخوله .. لكن حالتي الآن أفضل قليلاً مما كانت عليه بفضل دعابات عم جمعة.

وفي صباح اليوم التالى...

ذهبت إلى الكلية حيث قابلت إياد هناك لكننى لم أقابل حنان فهى لم تحضر قطعاً فكلما سألت عنها أحد لا يفيدنى بشيء .. حتى هاتفها مغلق فذهبنا سوياً إلى شؤون الطلبة وبدأنا في عمل الإجراءات واستخراج الشهادات المؤقتة التي ستفيدنا قطعاً في حياتنا العملية وبعد الانتهاء من الإجراءات الرتيبة.

ذهبنا إلى الكافيتريا لتناول الإفطار .. حيث أننا ذهبنا في ساعة متقدمة من الصباح ولم يلحق أحد منا تناول الإفطار.

- فيه حاجة حصلت بينك وبين حنان يا باسم زعلتها وخليتها تقفل التليفون.
- لأ مفيش أبداً دا أنا حتى وصلتها امبارح وكنا كويسين أوى وصالحتها زى ما نور طلبت.
- طيب إيه اللى حصل؟
- مش عارف والله .. أنا زبي زيك.
- ما حاولتش تكلمك إمبارح بالليل حتى؟!
- لأ .. برضه.
- الحكاياه دى غريبة فعلاً.
- مش عارف بس ممكن يكون ظرف طارئ وهيعدى ولا حاجة .. طالما ما عرفناش حاجة لغاية دلوقتى .. إن شاء الله خير.
- إن شاء الله.
- ناوى تعمل إيه بقى بعد ما أخذنا الشهادات وخلصنا الورق.
- أنا عن نفسى أول حاجة هعملها هسافر إسكندرية عشان أظمن أهلى وبعد كده ربنا يكرم وادور على شغل .. وانت؟
- أنا هدور على شغل هنا وربنا يكرمى ومش هغلب حتى لو ضاقت بيا الدنيا هشتغل فى محل تصوير .. إنت عارف إنى بحب التصوير ويبقى شغل مؤقت على بال ما ألاقى شغل مناسب.
- قاطعتنا نور مره أخرى:
- إنتوا قاعدين هنا والكشوف نزلت.
- فتعجب إياذ قائلًا:
- كشوف إيه.
- رحلة مطالعها الكلية عشان الأوائل لأكبر متحف فى فى القاهرة.

(2)

فانتفض جسدى من مقعدى وأسرعت وراء نور التى دلتنى على طريق الكشف
وما أن وقعت عيني عليه حتى انتابتنى الدهشة والتعجب فإسمى فى كشف المتفوقين
فشعرت بثمار النجاح تتساقط من على شجرة الإرادة ثمرة تلو الأخرى وتغرقنى
فى لذتها التى حلمت أن أتذوقها وأشعر بحلاوتها.

اتجهت مرة أخرى إلى شؤون الطلبة لأستعلم عن تفاصيل الرحلة وعلمت أن
أساتذة كبار وفنانين عظام هم القائمين عليها وسنتعلم منهم كثيرًا فسعدت بتلك
الأخبار.

حينها أعددت حقيبتى وسافرت .. إنه عالم آخر من عوالم الفن يجتاحنى وتعدد
الأذواق واللوحات قد أبهرنى.

وبدأت فى تدوين كل ما أحصل عليه من تلك الرحلة الممتعة والغنية بالمعلومات
الذاخرة التى حتمًا ستفيدنى فى حياتى العملية .. أتنقل بين اللوحات وأتخيل إن
كنت سأرسمهم كيف ستكون يدى عندما أخط خطوطها .. الألوان كيف أستخدمها
والدرجات, الخامات, الأدوات.

كل تلك الأسئلة تراودنى كأنى لم أرسم من قبل أو كأننى لم أدرس طيلة الخمس
سنوات أصول وقواعد الفن التشكيلى وأمارسه وأتمرس فيه.

كانت تلك بالنسبة لى هى الأمل الجديد الذى يشع نضارة المستقبل وتحمل لى
العديد من المعلومات المفيدة والجديدة.

وفي طريق عودتي مررت على إحدى مكاتب السفريات لحجز تذكرة سفر للإسكندرية وحجزت بالفعل وبعد انتهائي عدت إلى غرفتي بالمدينة كان يومًا مرهقًا بحق لكنه كان مفيدًا لى تمامًا .. لكن سرعان ما تناسيت الإرهاق أمام متعة التعلم واكتناز المعلومات.

بعدها كنت في تلك اللحظة على اتفاق مسبق مع المشرف من قبل على أن أسلم كل متعلقات الغرفة إليه .. فأخذت ألمم حاجياتي في الحقيب .. ينتابني صراع داخلي مريبين عودتي إلى الإسكندرية والبقاء بها والعمل بالقرب من عائلتي وبين بقائي في القاهرة والبقاء بجانب حنان والتي جمع بيننا الحب طيلة الأعوام الماضية. ترى هل أعود من أجلها مرة أخرى لأبث لها حنين الماضي .. أم سينتزعني المستقبل من بين براثن الحب ويلقيني بعيدًا عنها. وفي الصباح...

انتزعت حقيبتي بهدوء مودعًا بعيني كل جنبات غرفتي التي لازمتني لسنواتٍ عديدة أتحمس كل ركن من أركان الغرفة والمدينة بأكملها تكاد لا تحملني قدمي خارجها، لقد تعودت ضوابطها وقوانينها وموظفوها وحراسها وجوها .. كل شيء. مررت في طريقي على المشرف وَسَلَّمْتُهُ مفتاح ومتعلقات الغرفة ثم صافحته وصافحت عم جمعة ودموعه ودموعي تخالج أنفسنا .. إلى أن أنهيت ذلك الموقف الموقفا المريب على نفسي وسلكت طريقي إلى موقف الحافلات كي أسافر إلى بيتي في الإسكندرية حيث عائلتي التي لم أخبرها بموعد قدومي. أردت أن أطلق نجاحي فجأة في وجوههم، أدرك تمامًا مدى سعادتهم بذلك ورؤيتي أيضًا ستجعل من المفاجأة شيئًا مميزًا حقًا.

وفي الموعد المحدد... صعدت الحافلة وجلست في المقعد المجاور للنافذة الزجاجية طبقًا لإشارة رقم المقعد المدون على التذكرة .. إنه وقت التأمل وقت التفكير حينها علقته الهاند فرى بهاتفى المحمول وقمت بتشغيل بعض الأغاني الرومانسية والتي لا

تخلو إطلاقاً من هاتفي وقليلاً من الأغاني الحزينة التي تعصر القلوب عصرًا نظرت عبر النافذة أتأمل الشوارع والطرق والمارة حينما انطلقت الحافلة وما أن ظهرت الرمال الذهبية على جانب الطريق حتى شعرت ببعيد المسافة بيني وبين حنان التي تركتها خلفي بعد قصة حب استمرت 4 سنوات حين التقيتها لم تكن المسافات حائلًا بيني وبين التفكير فيها .. فكلما سنحت لي الفرصة لكي أتذكر موقفًا بيننا أو مشاعري نحوها أنساق وراء أفكارى المحلاة بعبير حبهما الذي اغتال قلبي.

صراع مرير يعتمل في نفسي بين ذهابي إلى عائلتي التي أشتاق إليها وبين حنان التي امتلكت تلايب قلبي وعقلي وأسرتني بين جدران قلبها النابض.

أوقفت الأغاني التي كنت أسمعها بتفاعل شديد وأطلقت اتصالاً بحنان التي لم تُجِب على هاتفي بالأمس وبعد عناء الشبكة المتقطعة أثناء السفر التقط الهاتف الشبكة أخيرًا وبدأ يقرع جرسها .. لكنها لم تُجِب وبعد محاولات عدة أجابت:

- إزيك يا حنان عاملة إيه؟

- الحمد لله وإننت إيه أخبارك؟

- بخير .. ماردتيش عليا ليه إمبراح؟ أنا كنت مستنى تردى.

- ليه خير فيه حاجة؟!

- خير .. بس إحنا روحنا الكلية إمبراح عشان نسحب أوراقنا والشهادات وعشان كمان أقولك إنى مسافر.

- أنا بس كان عندى ظروف عشان أمى كانت تعبانة و.... بتقول إيه؟!

- أنا سافرت النهاردة وبكلمك من العربية دلوقتى.

- كده .. وما تقوليش يا باسم؟!

- ما أنا قولت أقولك إمبراح بس إنتى ما ردتيش عليا على العموم

أنا كده كده كنت لازم أسافر عشان أعرف أهلى بالنتيجة وعشان

أنا سيبت المدينة الجامعية كمان.

فتحدثت بضيق ملحوظ:

- وناوى تعمل إيه بعد كده؟

- والله مش عارف بس أكيد لما هزورهم هَوْضَبَ أمورى وبعدين هقولك.

- لسه هتعرف وتقول يا باسم .. إنت تعبتنى بجد.

- معلش يا حبيبتي إنتى عارفه ظروفى عامله إزاي.

فهدأت الكلمة من حدة نبرتها ولطفت قلبها ومشاعرها تجاهه ثم استطردت:

- تمام .. بس ياريت ما تنسانيش ولا إنت مسافر عشان تبعد عنى؟

- أبعد عنك .. ده أنا أصلاً ما كنتش عايز أسافر عشان أبقى جنبك.

- بجد يا باسم؟

- بجد والله يا حبيبتي .. وإن شاء الله علاقتى مش هتقطع طبعاً بالقاهرة.

- بس أما تنزلها أويجد جديد فى الأمور إبقى قولى.

- أكيد طبعاً هتعرفى فى أول واحدة حتى قبل منى.

فشعرت بابتسامة خالطت صوتها وهى تقول:

- تسلم يا بيسو.

فابتسمت أيضاً لما قالتة ثم أكملت:

- لا إله إلا الله.

فأكملت أنا الآخر النصف الآخر لكل المحبين والعاشقين:

- محمد رسول الله.

حتمًا سعدت بتلك المكالمة التى أشعلت نيران الحب التى كادت أن تنطفى من

قبل، لكن شاء لها القدر أن تشتعل مرة أخرى فى قلبى كى تهون على نفسى صراعًا

مريبًا أصابه وقصّر المسافات التى كنت أراها بعيدة المدى.

وبعد ساعة من عناء وشقاء السفر.. وصلت إلى موقف الحافلات فخرجت إلى

موقف الميكروباصات حاملاً حقيبتي الثقيلة بضجر ومنها استقلت سيارة أجرة إلى

شارع 45 ذلك الشارع الذى نشأت فيه فصعدت إلى شقتنا وطرقت الباب وما أن انفتح الباب حتى وجدت أختى ليلى أمامى .. بالطبع لم تكن تصدق وجودى أمامها فارتمت بين ذراعى فى فرحة عارمة مرددة:

- باسم رجع!!

قالتها وهى تدخلنى وحملت حقيبتي إلى الداخل فوجدت أبى وأمى .. انتفض أبى من مجلسه حينما رأتى واحتضنته بقوة وشوق وقَبَلْتُ يده وانحنيت بعدها وقَبَلْتُ يد أمى ورأسها أيضًا إنها حقًا لحظة تمنيتها كثيرًا .. إنها من أصعب لحظات حياتى على الإطلاق .. حينما رأيت الدموع فى عيونهم وعيونى أيضًا التى فاضت وكأنها لم تَفِض منذ 4 سنوات.

فقطعت ذلك المشهد الميرليلى فى محاولة لتخفيف مرارته:

- تلاقيك تعبان وما أكلتس وأنت جاى .. أنا بعمل الأكل دلوقتى وهجيبلك تاكل.

فقلت بصوت مبحوح:

- لأ شكرًا يا ليلى أنا كلت ساندوتشين فى السكة .. بس أنا تعبان شوية

وهخش أناام الأول.

واستطردت قائلاً:

- أنا عندى ليكم مفاجأة .. أنا نجحت وجيبت تقدير امتياز.

فتهللت أساريرهم جميعًا وأطلقت ليلى زغرودة عالية فرحة بنجاحى وأطلق أبى

عبارات التهنئة هو وأمى بذلك النجاح والأحضان مرة أخرى ثم قال أبى:

- وما قلتناش ليه يا ابني!؟

- والله يا بابا حبيت أعملها لكم مفاجأة.

فقال ليلى:

- مفاجأة جميلة .. بس كنت تقولنا حتى عشان نحاول نجهز نفسنا ونحاول

نعمل حفلة ولا حاجة.

- مفيش داعى يا ليلى .. ده نجاح .. هو جواز؟!

- وماله لما تتجوز إن شاء الله نبقى نعمل حفلة تانية .. بس خلينا دلوقتى فى الحفلة الأولانية.

- معلىش يا ليلى خلينا كده أحسن .. وممكن نبقى نحتفل حتى بس على الضيق .. نجيب تورته وكده بعد الغدا ولا جاتوه ونحتفل إحنا بس.
فقال أبى:

- ما يجراش حاجة يا ابنى المهم إنك نجحت وحققت جزء من حلمك وعقبال ما تحقق كل اللى بتتمناه.

- كل ده يا بابا من خيرك إنت وماما واللى وصلته ده بفضل دعواتكم ودعمكم ليا.

فقال أمى والبسمة لم تفارق وجهها:

- ربنا يخليك يا ابنى ويكرمك دايماً وتناول كل اللى بتحلم بيه ونفرح بجوازك بقى بعد الشغل.

- تسلى يا ماما .. ربنا يكثر من دعواتك .. هى دى أكثر حاجة محتاجها دلوقتى بالذات.

فقال أبى:

- طيب يا ابنى قوم نام وريحلك شوية من السفر عشان تقوم فايق.

- حاضر.

فقبلتهم مرة أخرى ودلفت إلى غرفتي كل شىء فى مكانه لوحاتى القديمة معلقة على الحائط كما هى وأدواتى فى مكانها التى تركتها فيها آخر مرة كل شىء مرتب وكأنى تركت الغرفة بالأمس فشعرت بدفء جميل حينما دلفتها لم يخالجنى ذلك الشعور من قبل بالطبع .. فهنا نشأت وتعلمت ورسمت.

رتبت حاجياتى بالغرفة ووضعت ملابسى فى الدولاب وأعددت كل شىء ثم بدلت

ملا بى وارتميت على الفراش ثم راح عقى فى سُبَاتٍ عميق. وفى المساء قمت من نومى وذهبت إلى الخلاء كى أهندم نفسى وأهذب لحيتى وخرجت فوجدت أبى قابعًا على إحدى الأرائك فجلست بجانبه، فقال لى:

- قوم كُلِّ بقى .. إحنا سبقناك عشان ميعاد الدوا بتاعى والأنسولين بتاع أمك.
- ولا يهملك يا بابا.

وفى ذلك الوقت أعدت ليلى الطعام لى فجلست على السفرة وبدأت فى تناول الطعام .. بالطبع أول طعام يؤكل من البيت لقد اعتادت معدتى على أنواع الطعام الرديء الذى يباع فى المحال والذى أصبح مقررًا علىَّ بين مواد الدراسه غضبًا واضطرارًا.

وبعدما انتهيت من تناول طعامى سمعت طرق على الباب ففتحت ليلى فإذا بعى يدخل علينا فقبلها ثم ألقى على الجميع السلام واحتضنى بشدة وبادلته ذلك فلم أراه منذ قرابة العام منذ أن كنت فى آخر زيارة لى هنا وقام بتهنئتى .. وبعد قليل بدأنا الاحتفال وأخذ كلاً منا قطعة من التورتة وكوبًا من عصير المانجو.

(3)

وبعد الاحتفال والحديث الحميم الذى حُرمت منه طيلة السنوات السابقة قدم لى كلاً منهم هديته كانت هدايا أقل ما يقال عنها (تحفة) كانت كلها تخص الرسم من أقلام وباليتات وألوان وأوراق رسم غالية والأغلى منهم كانت هدية أبى وأمى فأبى أعطانى مصحفًا مرصعًا جميلاً وأمى أعطتني سجادة صلاة.
وبعد انتهاء الحفل.. قبعنا مع عمى نتحدث ونتسامر سوياً .. فما فاتنا حان وقت تعويضه الآن.

- مبروك يا باسم .. ربنا يوقفك فى اللى جاى شد حيلك بقى.
- إن شاء الله يا عمى .. لكن إنت جيت إسكندرية إمتى؟!
- والله كان عندى شغل هنا فى إسكندرية خلال اليومين دول والحمد لله
خلصته وبابا بس اللى كان عارف قولت اعملها مفاجأة لكن انتوا اللى فاجئتونى.
- ومرات عمى والولاد عاملين إيه؟
فاستطرد قائلاً:

- هما كانوا عايزين ييجوا معايا لكن الولاد عندهم واجبات كتير وبعد كده هتروح مراتى لامها عشان تزورها أصلها تعبانة شوية وكمان أنا جاى عشان شغل وراجع القاهرة بعد يومين.
فقال أبى:

- ألف سلامة عليها .. إبقى طمناً عليها والله أنا لو قادر ولا الحاجة قادرة كُنَّا روحنا لحد عندها عشان نتطمئن عليها ونعمل الواجب.

فأكمل عى:

- كإنك زرتها يا حاج .. وبعدين الموضوع مش كبير والحمد لله.
- ربنا معاها.

بالطبع لم ينادى عى أبى باسمه من قبل فهو أخوه الأكبر ويكبره بحوالى 10 سنوات منذ صغره كان يناديه (أبيه محمود) أما الآن وبعد حجة أبى الأخيرة أبدل لقبه بـ (الحاج) حفاظاً على وقاره .. فعائلتنا محافظة إلى أبعد مدى.

فاستطرد عى باهتمام:

- وناوى تعمل إيه يا باسم بعد ما أخذت الشهادة .. خصوصاً إن الرسام ما تأخذنيش يعنى صعب جداً يشتغل في مجاله.

بالطبع لم أشعر بالضيق تجاه كلمات عى التى مرت على مريرة مخجلة فهو من بيت فنى نشأ وتربى هو وأبى في بيت ينضح بجميع أنواع الفنون من أدب ورسم وغناء. فالعائلة دومًا تخرج الفنانين .. لكن عى كان عمليّ جدًّا حتى أنه ترك الفن وعمل بإحدى الشركات الهندسية حتى يحصل على المال .. لا ألومه على كل حال لكن قلما يزعجنى تدخله في شؤونى دون مراعاة مشاعرى المرهفة.

- هكّمل تدريبات في ورش وازور متاحف فنية كتيرة عشان أكتسب خبرة
الأول وبعدها أفكر هعمل إيه .. خصوصاً إن إسكندرية أهلها مهتمين بالفن.
فهز رأسه محاولاً إقناع نفسه ثم أكمل:

- ربنا معاك يا باسم .. ما تزعلش منى يا ابنى أنا بس مهتم أشوفك في أحسن حال
إنت إبنى التانى.

- أكيد ولا يهملك يا عى.

فلاحظ والدى الضيق الذى ارتسم على وجهى ثم سرعان ما اختفى فقال أبى:
- باسم مَيَال إنه يبقى فى القاهرة .. عشان يستفيد أكثر من الورش الكثيرة ويتابع
دراساته هناك.

قال عمى وهو يحك رأسه قليلاً:

- ولقيت مكان يا باسم تقعد فيه ولا لسه؟
- والله أنا لسه ما نويتش أصلاً إني أسافر القاهرة .. بس كنت عايز أكمل دراساتى
هناك وابقى أدور على أوضة حتى أعيش فيها.
- على العموم لو فكرت .. إحنا عندنا فى العمارة اللي أنا قاعد فيها فى القاهرة
غرفة وحمام للإيجار فى الدور الأرضى محندقين يعنى ومش غاليين .. يبقى قوللى بس
وأنا أأجرها لك.
- شكرًا يا عمى ربنا يكرمك.

- أقوم أنا بقى عشان ألحق أروّح .. ومبروك مرة ثانية يا باسم.

- الله يبارك فيك يا عمى وإبقى سلملنا على المدام والولاد.

- يوصل يا حبيبي إن شاء الله.

فتبادلنا السلام سويًا ثم انطلق عمى إلى بيته .. فشكرت عائلتى وهنأونى مرة
أخرى ثم دلفت إلى غرفتى ملاذى وعشقى لكنها الآن عشقى .. أتوق إلى استنشاق
عبيرها وعطر الألوان الذى يثير قلبى ومشاعرى .. خطوط لوحاتى المعلقة على
الحائط كوسام يقتطع من جسدى قطعة متوجة للحلم وللتاريخ.

وانطلقت أشدو بترانيم الفن بين جنبات غرفتى .. أمتع لحظاتى بلمساتى الفنية
التي تودعنى فى عوالم الخيال والسمو الروحي الذى يستهوينى دومًا حينما تنتابنى
الفرحة تكن هى نشوتى التي أرغبها وفى وقت الحزن تكن ملاذى الذى أحتى به من
تقلبات الحياة وعنفوان البلاهة والحمق.

ظللت قرابة الساعة أعتصر قلبي كي أخط ولو خطأ واحدًا فلست مؤهلًا لذلك

الآن بعدها غلبني النوم وثقلت أجفاني من فرط الإرهاق حتى نال من عزيمتي الفنيه وأودعني بين طبيعتي البشرية والتي لن أتخلى عنها إلا حينما تنتهى في يومٍ من الأيام.
وفي الصباح..

تناولت طعام الإفطار مع عائلتي ثم هبت في عقلى ذكرياتي الماضية والتي تحمل لي أجمل اللحظات التي مررت بها فاستأذنت أبي وأمي ثم خرجت إلى شاطئ البحر حيث منبع الذكريات ونسمات العطاء المحلاة بعبير الذكريات تطلعت إليه برغبات متناقضة بين حنين ممزوج بماضٍ أتمنى عودته وبين حاضر مجهول يحمل بين طياته المجهول البعيد .. لكن رؤيته تبعث الصفاء في نفسى بغض النظر عن ما أفكر .

نزلت على الرمال الصفراء الذهبية وخلعت حذائي وأودعته تحت ذراعى ما أجمل أن أتذكر حينما كنت صغيرًا تداعب أنامل قدمى الرمال الناعمة تتخللها قطرات المياه الممزوجة بها والتي تحمل إلى دفاء المشاعر .

فأخذت أتطلع إلى آخر خطوط البحر حتى ألمسها .. حينها شعرت بروحى تسعى في ملكوتٍ آخر حينما تذكرت كثيرًا من ما مضى .. والناس حولى تنتشى بعبير البحار وسخونة الرمال وحلاوة اجتماعهم على شىء واحد يجمعهم ويحمل رغباتهم فيه ويمحو كل ما جارت عليهم من عقبات .

تنتابى الحيرة كثيرًا .. لم أجد القرار المناسب .. أهو البقاء بجانب ذكرياتي التي لازلت أرغبها حتى يومى هذا والتخلى عن قلبى وعقلى المعلقين بعائلتي أم أذهب إلى المكان الذى أودعت به روحى التي لم تفارقنى حتى وإن سألت ذكرياتي على جدران قلبى وغمسته غمسا في أحقاب الماضى .

إنه القرار الأصعب في حياتى الذى لم أدرك مدى صعوبته .

فماذا أفعل!؟

حننًا يجب أن تشاركنى فيه حنان .. سأتصل بها .. والآن .

حينما هاتفتها لم يكن هاتفها متاحًا لكن بعد فترة قررت المحاولة مرة أخرى فنجحت تلك المحاولة وأجابت:

- حبيبي عامل إيه؟
- الحمد لله .. إنتى إيه أخبارك؟
- الحمد لله .. مالك صوتك متغير شويه فيه حاجة؟
- مفيش أنا محتار جدًا يا حنان ومش عارف أعمل إيه.
- فى إيه؟!
- فيه قرار محتاج أخده وبسرعة ومحتار فيه أوى.
- وإيه هو القرار ده؟
- أنزل القاهرة واقعد فيها أكمل دراستى وأكون جنبك ولا أفضل فى إسكندرية
- عشان مش قادر أستغنى عنها وعن أهلى .. وبصراحة إسكندرية حتة منى.
- فقال فى ضيق ملحوظ:
- ما أديك أخذت القرار لوحدهك أهوه عايز رأيى ليه.
- فقلت لها:
- ساعديني يا حنان .. أنا بجد مش قادر أستغنى عن إسكندرية وكمان مش
- قادر أستغنى عنك بجد ومش عارف أعمل إيه.
- أنا شايفة إنك لازم تيجى القاهرة عشان إنت إتعودت عليها 5 سنين وكمان
- دراستك كانت هنا وهتقدر تستفيد منها أكثر ولو على العيلة وإسكندرية ممكن تبقى
- تزورهم من وقت للتاني عشان ترتاح نفسيًا.
- إنتى شايفه كده؟
- طبعًا .. إلا إذا كنت إنت شايف حاجة تانية.
- والله أنا تعبان من جوا أوى .. الحيره هتموتنى بعد ما قعدت مع أهلى وحسيت
- بدفا العيلة اللى إتحرمت منه سنين طويلة .. بس كنت عايز أكون معاكى بصراحة.
- مشكلتك يا باسم إنك عايز كل حاجة .. لكن لازم تضحي بحاجة عشان حاجة
- هى دى الحياة.

مطلبت شفتي وقلت باستسلام:

- فعلاً هي دى الدنيا .. لازم تاخذ حاجة وتدى حاجة .. مش كل حاجة بناخذها ولا كل حاجة بنديها.

- معاك حق والمفروض القرار قرارك على كل حال عشان ما تقولش إن حنان هي اللى قالتلى وترجع تلومنى.

- معاكى حق .. هحاول أخذ القرار وربنا يسترها ويختارلى الأحسن.
- يارب.

- شكراً يا حنان .. وإن شاء الله لما هاخذ قرار هبقى أكلمك.

- أوك وأنا هستناك يا حبيبي .. مع السلامة.
- سلام.

لملمت وقتها ما تبقى من ذكريات الماضى فى جعبة الحاضر واتجهت إلى غرفتي وعزلت نفسى فيها تعتصر قلبى حلاوة الذكريات ومرارة فراق العائلة مرة أخرى وبين مرارة فراق حنان أكثر من ذلك.

فحياتى مع حنان لم تكن نَمَطِيَّةً على الإطلاق .. لكنها لا تزال عشقاً لائعاً يعتصر قلبى وروحى عندما أفارقها فهى جزء مَنى لا أحتمل البقاء بعيداً عنه على الإطلاق.

فماذا أفعل؟!

هل أظل هنا أم أذهب هناك؟

ما هو القرار؟

وأين هو؟!

وبعد ساعات عديدة من العزلة خرجت بالقرار الصائب الذى ستتوقف عليه حياتى كثيراً إنه القرار الأصعب الذى اتخذته فى حياتى حتى الآن.

فجالست أبى قراية الساعة لكى أخبره به .. هو حتماً ما سهون على

صعوبة ذلك الموقف وقد يفيدنى أكثر بما سيؤكد قرارى سواء هذا أو ذاك.

وفي النهاية قال أبى:

- إعمل اللى فيه مصلحتك عشان ما تضيعش تعبك ونتيجتك يا ابنى عشان
لو لمت حد مش هتلوم بعد كده حد غير نفسك.

حينها اتخذت القرار المناسب..

القرار المستحيل.

وبعد عدة أيام...

انزعجت حقيبتى بعدما نويت السفر والعودة إلى القاهرة من جديد .. ونظرات
والدى يتخللها قليلاً من الندم لمساعدته لى فى اتخاذ ذلك القرار الذى لا يتمناه على
الإطلاق ودموع ليلى التى كادت أن تدرك إننى قد جئت ولن أعود مرة أخرى وحيرة أمى
وقلقها الذى يزداد على يوماً بعد يوم حتى ولو كبرت قامتى واشتد عودى.

ووسط تلك المواقف التى تذيب القلوب وتحير العقول .. لم أجد ما أقوله
لكنوقتها نظر إلى أبى نظرة تفهمتها كثيراً نظرة نمت على دعاء واحد يتردد دائماً على
أذنى وهو) "ربنا معاك)

انطلقت من المنزل وسط حزن ودموع أمى وأختى ووالدى الذى يحاول أن يتمالك
نفسه حتى وإن خالفه شعوره فدموعه تغالبه .. يحاول تهدئتهم دون جدوى ولم يجد
هو من يهدئ من ألمه.

كم تمنيت إن كان الأمر بيدى لكى أقبع معهم فى تلك الحياة التى نشأت بها لكن
ساقتنى قدمائى إلى طريقها .. الذى يفتش تارة بالأشواك وتارة بالزهور العطرة ..
تحملنى على فلك مُشرَّعة بين أمواج العشق ثم تلقينى خلسة فى أعماقه.

وفى الطريق .. أخرجت هاتفى من جيبي ثم هاتفت عمى :

- السلام عليكم.

- وعليكم السلام يا باسم .. عامل إيه يا حبيبي؟

- الحمد لله تمام.. إنت أيه أخبارك يا عمى؟

- بخير.

- كنت عايز أكلمك في موضوع مهم .. ممكن؟

- ممكن يا حبيبي .. إتفضل.

فشعرت بقليل من الإحراج وأنا أتطلع لمثل تلك الطلبات التي لم أتخيل أن أطلبها يومًا من الأيام من شخص أعرفه حتى لا يظن أنه يُحملني جمائل فاعتدلت في جلستي ثم استطرقت:

- في الحقيقة يا عمى أنا كنت عايز أقولك إن أنا في الطريق للقاهرة، وكنت عايز حضرتك تحجز لي الأوضة اللي قولتلى عليها دي.

- إتضمن يا باسم .. بابا قاللى على الموضوع وحجزتها هما بالغوا شوية في إيجارها بس ولا يهمك.

- معلش يا عمى تعبتك معايا ومتشكر قوى على اللي بتعمله معايا.

- ولا يهمك يا باسم .. معلش يا ابني اعذرني .. بيتي إنت عارف يادوبك لامننا بالعافية أنا ومراتي والولاد .. ولو كان عندنا أوضة فاضية ما أعزهاش عنك ولولا كده ما كنتش سمحتلك أبدًا إنك تسكن بره بيت عمك اللي هو يعتبر بيتك.

- معلش يا عمى .. الخيره فيما اختاره الله.

- على العموم كل حاجة جاهزة وأول ما هتيجي هتلاقيني مستنيك في موقف

الأوتوبيس .. قدامك قد إيه؟

- تقريبًا حوالى ساعة.

- طيب هستناك من قبلها عشان ما تستناش كثير بالشنطة.

- متشكر أوى.

- تيجي بالسلامة .. إن شاء الله.

- مع السلامة.

حينها شعرت بالجوع .. فأخرجت من حقيبتي قطعة باتية مغلفة .. فتحتها بلهفة
ثم قضمتها بعنف وأخذت ألوك قطعها في فمي وبدأت أشاهد شاشة التلفاز المعلقة
أعلى كابينة السائق .. وبعد أن أنهيتها تجرعت إحدى معلبات العصير.
الرطوبة سيده الموقف الآن..

تسيطر على هواء الحافلة وأنفاس المسافرين تلتهم كل نسمة هواء
منعشة يفرزها التكييف بصعوبة بالغة .. إنه تكييف متمالك لا تجد
الشركة جدوى من تصليحه أو حتى صيانتة .. نظرًا لأن التذكرة
فئتها قليلة ولا يوجد فائض من ثمن التذكرة يكفى لإصلاحه.
حينها وجدت أن الحل الأمثل هو النوم هربًا من شدة الحرارة
فأسندت راحتي إلى النافذه المجاورة .. وأخذ يداعبني النوم إلى
أن نال منى.

وبعد فترة أثقل كتفى عن ذى قبل فقمتم ناظرًا إلى اتجاهه فوجدت الفتاة التى
تقبع بجانبى قد غلبها النوم هى الأخرى مسندة رأسها على كتفى.
فى الحقيقة كنت فى البداية أجد حرجًا فى إيقاظها أو حتى ملامسة وجهها
لكى أزيحه بعيدًا عن كتفى خشية أن تستيقظ من نومها وتعلن عنى كمتحرش ..
والمؤكد أنك تعلم ما سأناله فى تلك الحالة إنها بركة ذلك الفعل .. لو علم القابعون
فى الحافلة أنى لامست فتاة بالطبع سيهجمون علىّ كي يجاملوا أو يتقربوا .. حتمًا
ستظهر النخوة والكرامة ولكن على حساب رأسى .

لكننى فضلت الهجوم عن إبعادها عنى .. فعيناها متسعتان بأهدابٍ رشيقة
وكثيفة ملامح وجهها كطفل بريء نائم فى مخدع دافئ قوامها ممشوق كغزال شاردي فى
غابات غريبة .. تبعث فى نفسك الشعور بالجمال النائم والأساطير الملونة.
أجمل أوقات تشاهد فيها المرأة وهى نائمة .. تكون أشبه بالملك النائم تحمل
بين ملامحها البراءة والوسامة والهدوء .. أنفاسها الدافئة التى تتسلل إلى قلبك

وأنت تتحسسها بنظرك .. خصلات شعرها المتناثرة بعشوائية بلهاء على جانبيها تثير
النشوة في نفسك لتلامسها بأناملك الذى تعترضه حمرة الخجل .. ماذا تريد
أكثر من ذلك.

كان ذلك كل ما طرأ على عقلى حينها حتى وصلنا إلى القاهرة.. ما أصعب ذلك
الموقف.

عندما تحلم حلمًا جميلًا لا تريد أن تفيق منه إلا بإرادتك أنت.
عندها استيقظت الفتاة على صوت مشرف الرحلة معلنًا وصولنا القاهرة
فقامت من نومها ونظرت إلى فى تعجب وهى ترمقنى بنظرة (يا سَم!) ثم غادرت
الحافلة فى تَرْفَع .. فقلت فى نفسى:
- أبوس إيديكى .. خليكى نايمة أحسن.

بالطبع أدركتم الآن ما هو الوقت المناسب عندما تقترب من المرأة أو تبتعد
عنها.

وفى تلك اللحظة غادرت الحافلة والتقطت حقيبتي فوجدت عى فى انتظارى
وبعد التحية والسلام استقلينا إحدى سيارات الأجرة إلى منزل عى.

وفى الطريق:

- حمدلله على السلامة يا باسم.

- الله يسلمك يا عى إيه أخبارك وأخبار الجماعة والولاد؟

- فى أحسن حال يا ابنى .. أنا تممت على الأوضة والحمام وحطيتلك فيهم
كل اللى محتاجه .. ولو احتجت حاجة إبقى قوللى ما تتكسفش.

فقلت بعشم وامتنان:

- تسلم إيدك يا عى ما كانش له لزوم تعبك دا أنا كنت هتصرف.

- لأ ما فيش صرفة فى حاجة .. إنت هتكون هنا تحت عيى لو احتجت حاجة وما

تعملش حسابك فى الأكل لأن مرات عمك هتقوم بالواجب وهتتغدى معنا كل يوم.

- لأيا عى معلى دى الحاجة الوحيدة اللى لازم أجيها أنا كفاية اللى عملتوه معايا.

- لا يمكن يا باسم إنت هنا إبني.. أنا ما بخلش إبني يشتري حاجة من بره.

- معلى يا عى ريحني بالله عليك أنا هكون مرتاح كده.

- خلاص زى ما تحب بس مش هتنازل عن إنك من وقت للتانى لازم

تيجي تتغدى معانا .. ماشى؟

- إن شاء الله يا عى .. ومتشكر جدًا على اللى عملتوه معايا.

- ما تقولش كده يا باسم .. المثل اللى كان زمان بيقول الخال والدة .. لازم

يزودوا عليه إن العم كمان والدة.

فابتسمت قليلاً قبل أن نصل إلى المنزل وعندما وصلنا دلفنا إليه.

كانت غرفة وحماماً .. ففتح عى الغرفة بالمفتاح وعبرنا للداخل غرفة شاسعة

وكبيره كأنها غرفتين متصلتين بلا جدار تفصلهما مرتبة وبفضل الله ثم عى وأسرته

كانت كما الشقة 200 متريل وتحتوى كل ما أحتاج إليه من أساسيات الحياة .. ومن

فرحتي احتضنت عى بشده وشكرته شكراً كثيراً على ما فعله تجاهي بعدها قال:

- هسيبك دلوقتي يا فنان عشان تستريح شوية من تعب السفر .. وهستناك

عشان تيجي تتعشى معانا.

فنظرت إليه نظرة عتاب ثم قلت:

- ما احنا اتفقنا يا عى.

- وما تنساش إننا اتفقنا كمان على إنك تيجي تتغدى معانا من وقت للتانى معلى

حتى النهارده بس عشان إنت راجع من السفر متأخر ومش هتلتحق تجيب حاجة ..

وزى ما قلتلك ما تتكسفش وتعمل فرق لحسن أزعل منك.

- ما أقدرش على زعلك يا عى .. وربنا يكرمكم وينولكم اللى فى بالكم.

فسلم عى علىَّ مرددًا تحيته وفرحته بسلامة وصولي ثم تركنى بعدما وعدته

بحضور العشاء وأغلقت باب الغرفة وأخذت في نقل ملابسى إلى الدولاب، وأخرجت (ترنج) وارتديته بعدها مددت جسدى على الفراش متأماً أتحسس الغرفة الواسعة في ذهول لما آل إليه حالى .. وأتأمل حياتى القادمة وماهيتها المجهولة حتى الآن.

ماذا أفعل؟

ومن أين سأبدأ؟!

ومن هنا راح عقلى فى نوم عميقٍ أجتاح تلايبب عقلى معلناً هبوط خيوط الليل السوداء على جفونى التى استسلمت عندما انطلق أول خيط عليها كأنما تنتظره بفارغ الصبر حتى ترتاح من يقظتها المفرطة.

قبلها كنت أفكر فى حنان التى قد نالت النصيب الأكبر من تفكيرى عند عودتى للقاهرة.

ماذا سأفعل تجاهها وتجاه العمل المجهول الذى ينتظرنى؟!

ماذا سأقدم من أجلها وماذا ستقدم هى من أجلي؟!

فأخذت أفكر وأفكر فيها وحدها حتى حلمت بها.

الساعة الثامنة مساءً...

عاد عقلى من رحلته بعدما انطلقت أصوات غريبة مهمة بعض الشئ إنها أصوات أبناء عمى فقررت عدم النوم مرة أخرى .. فأى محاولة منى لن أجد إلا قلة راحتى منهم ولن أنال إلا الفشل الزريع فى كل محاوله للنوم منهم.

قمت من مرقدى .. متأماً من تكسير عظمى وطأطأته المستمرة التى تنم عن إرهاق شديد وجهد مرير يتجول بين أوصالى فى عنف فتحسست طريقى وعينائى شبه مغلقتين إلى الخلاء وحينما وصلت شعرت بالسعادة نوعاً ما .. لقد اعتدت قليلاً على المكان.

أكملت طريقى تجاه الصنبور أتحسس مكان المقبض إلى أن ظفرت به وفتحته فاندفعت منه المياه اندفاعاً شديداً .. فقللت من اندفاعها ثم أخذت أطلقها على

وجهى بكثافة كى تمحو ضيقى وهمومى وحنقى من عدم إكمال فترة نومى إننى أحتاج قرابة العشر ساعات لكى أعوض ما فاتنى، فنظرت إلى وجهى فى المرآة فوجدته شاحبًا نوعًا ما.

تحسسته بأناملى حتى اعتقدت أن الهرم قد نال منى حقًا .. لكن سرعان ما قاطعتى صوت عى من الأعلى .. وأولاده الذين يلعبون ويعبثون بجانب الغرفة بعد ما صافحونى وأنا شبه نائم مستدعيًا إياى لكى أصدع.
عندها التقطت أدوات الحلاقة وأخذت أشذب لحيتى والتى لم أقو خلال يومين من الاقتراب منها .. ثم هندمت نفسى وبدلت ملابسى فى قليل من الضيق مرددًا فى نفسى..

* هذه ضريبة العيش بجانب الأقارب بل والأقرب منهم أيضًا.

عندها انطلقت للأعلى وخلفى أبناء عى .. يصيحون فى بلاهة ويقرعون على الحوائط وعلى الأوانى التى يلعبون بها كمن يزفوننى إلى مثنواى الأخير كما الزفة فى ليلة الزفاف .. لكننى وحتى الآن لم أحصل على الزوجة.

فاستسلمت للأمر .. مازلوا صغارًا يلهون ويمرحون دون أى حساب .. بالفعل كنت كذلك عندما كنت صغيرًا .. لكننى لم أكن شقيًا مثلهم بل كنت أهدى من ذلك بكثير.. ما أن انتهيت من درجات السلم حتى توقفت الزفة وانفتح الباب فرأنى عى فابتسم ابتسامة صفراء ممتعضة قائلًا:

- إيه يا ولاد اللى بتعملوه ده والزيطه والزمبليطة دى .. إنتوا مش عارفين إن باسم جاى تعبان من السفر ولا إيه .. يلا خشوا على جوا .. إتفضل يا باسم.

(5)

دلفت إلى المنزل ميتسماً على استحياء .. لم أتقبل يوماً ما العزائم عند أى شخص حتى الأقارب .. بات ذلك في نفسى كمن يعطينى شيئاً وأنا لا أقدر أن أردده إياه نتيجة قلة حيلتي في جلب المال أوحى عذوبة حالي التي تثنيى عن القيام بها. لكننى كنت مرغماً على ذلك فإلحاح عمى جعلنى أوافق بلا تفكير وحتى لا يأخذها بحساسية بينه وبين أبى فقبلت.

فأجلسنى عمى على إحدى الأرائك بابتسامة ثم أردف:

- إتأخرت أوى يا باسم .. إنت كان واحشك النوم كل ده.

- إنت عارف يا عمى إن بقالى حوالى يومين ما بنامش كويس .. عمال أحضرفى

الشنط وافكر هعمل إيه .. بصراحة الفترة اللي فاتت ما كنتش عارف هعمل إيه.

- ربنا يعينك أكيد موضوع كان صعب جداً معاك لكن ربنا حلها والحمد لله.

عندها أطلق عمى حنجرته قائلاً:

- العشا فين يا فريدة؟!

فخرجت زوجته من المطبخ وهى تضع آخر صحن على السفرة محيية إياى ومريلة

المطبخ معلقة على رقبته:

- خلاص جاهز إتفضلوا .. حمد لله على السلامة يا باسم.

بدلة المطبخ فى ذهنى تعتبر أكبر وسام ترتديه المرأة على صدرها فهورمز للتضحية

من أجل الزوج والأولاد فلم أرمطلاً امرأة تستحى أن تقابل بها أحداً فقلت والخجل

ما زال متمسكاً بى:

- الله يسلمك يا مرات عى .. ومتشكر على التعب اللي ما كانش له لزوم ده.

فقال عى عنها:

- يا سيدى مفيش تعب ولا حاجة .. وقولتلك قبل كده بلاش الكلام ده إنت مش

غريب.

- شكرًا يا عى.

فدفعنى عى بخفة إلى السفارة مرددًا:

- إتفضل.

فجلسنا جميعًا على السفرة بما فينا أبناءه الذين اعتادوا الفرع على الصحن

ولكن تلك المرة بالمعالم باعثة أصخب أنواع الموسيقى النشاذ التي لم أستمع إليها في حياتي ولن أفعل.

ثم عادت زوجة عى من المطبخ بعدما تخلت عن مريبتها وأحضرت آخر صحن

وهممنا بتناول الطعام ثم بدأنا بسم الله.

وبعد أن انتهينا من تناول الطعام .. جلسنا أنا وعى سويًا نسترجع معًا قليلًا من

ذكريات الماضى البعيد .. فعى مثلى قليلًا في غربته على حد قوله وغربتى أيضًا عن

مسقط رأسى ومهد طفولتى الإسكندرية وبعد فترة منالحديث صمت عى لبرهة ثم

قال:

- أنا شايف فيك يا باسم نفسى أيام ما كنت بحاول أشق طريقى هنا فى القاهرة

بس بصراحة حالى كان أصعب من حالك بكتير .. كنت بشتغل شغلانتين صغيرين

عشان أقدر أصرف بيهم على نفسى مع الدراسة .. لكن الحال دلوقتى الحمد لله بقى

كويس معايا.

- الحمد لله ربنا يزيدك من نعيمه يا عى.

فأشعل عى سيجارة وهو يستطرد:

- ما حددتش هتعمل إيه يا باسم؟!

- والله لسه بفكر بس ربنا يسهل واقدر ألاق حاجة تظبطنى على بال ما ألاق
حاجة كويسة.

- ربنا يوفقك يا باسم بس خد بالك .. الشغل هنا مش بالساهل عايز تعب وشقى
عشان توصل للى إنت عايزه .. وبمناسبة اللى إنت عايزه .. ما قلتليش عايز
توصل لإيه بالضبط.

- والله يا عمى أنا نفسى أكون رسام كبير ولما معارض كتير وطبعًا الريح المادى
مطلوب لكن لسه محتاج تدريب وتفكير عشان أشوف هعمل إيه.

- بص يا باسم .. حكاية الرسم دى مش هتجيب حاجة بجد .. وكل اللى هتدفعه
فيها مش هتعرف ترجعه وتكسب عليه حاجة .. أنا راجل عملى وبقولك الحقيقة
عشان مصلحتك.

- أنا عارف يا عمى بس ربنا يسهل واشوف بس هعمل إيه وهدور
على شغل وربنا يكرم.

- ربنا يوفقك يا ابنى.

بالطبع لم يروق لى على الإطلاق كلام عمى العملى فى ذلك .. فالرسم هو
عشقى الوحيد الذى يخرجنى إلى عالم آخر بعيدًا عن المتاعب .. يفصلنى
عن الواقع بجلوه ومُره.

فماذا سأفعل؟!

هذا هو السؤال المحير الذى يجتاح عقلى بعنف كأعصار مرير زادت قوته
واستمد لوعته من كلمات عمى المريرة التى حاولت أن أعصر جردل من
الليمون على نفسى لكى أسمع.

فى ذلك الحين خرجت علينا زوجة عمى بالشأى ووضعته على المنضدة ثم عادت
إلى غرفتها كى ترعى الأولاد .. فاحتسينا الشأى مكملين حديثنا بالطبع أصبح الآن
معلومًا لديكم ولا داعى لسماعه حتى لا ينتهى الليمون من الأسواق.

وبعد الليمون .. أأأأ

أسف وبعد الحديث الشيق .. شكرته بشدة وحييت زوجته على تعيها بعدما تحملت عناء تجهيز الطعام وبالطبع عناء تحمل عى الذى بات عملياً إلى أبعد مدى حتى كاد ينحدر أكثر وأكثر لكن العناء الثانى لم يخرج من ذهنى مطلقاً.

اتجهت بعدها إلى غرفتى الواسعة حيث أدواتى ولوحاتى الرائعة من وجهة نظرى والتي علقتها على حوائط غرفتى لكي تكون دافعاً لى فى تحفيزى وعملى القادم خاصة وأنا فى أمس الحاجة إليها بعد حديث عى المحيط.

عندها قررت طمأننة أبى بوصولى وبما فعله عى تجاهى فهاتفته وشعرت بفرحته من ما فعله عى معى وأطمأن قلبه علىّ ثم طمأنت أمى بنفسى وطمأنت شقيقى حتى شعرت بالرضا والطمأنينة منى وعلمهم. بعدها جمعت أدواتى وجهزت هاتفى النقل لسماع الموسيقى المحببة إلىّ وصنعت كوباً من القهوة كنت قد أحضرتها معى من إحدى المحال التجارية المختصة بالبن الذى أحبه وبدأت فى الرسم. إنه حقاً عالمى الرائع والذى أتناسى فيه نفسى وأشعر بعلوروحى فى السماء أتحمسه فى كل وجه أرسمه .. منظرًا طبيعيًا أخطه أو ألقيه على الورق تلك قدرة الله سبحانه وتعالى فى خلقه وحلاوة قوة التفاصيل فى كل نعمة من نعم الله سبحانه أبداع وصور الإنسان فى أحسن صورة .. فليس علينا أنا نُقَبِّحَهَا على وجه الإطلاق بأى حالٍ من الأحوال.

وبعد ساعاتٍ طويلة...

شارفت على أذان الفجر فتركت ما بيدي من رسى الذى أعشقه وقمت لى أعد نفسى لصلاة الفجر .. تلك التى تبعث فى روحى نشوة الإيمان وتعلو وتسمو بها إلى أعلى سماء .. خلوتى مع بارئى وقت ما يخلد الناس إلى النوم.

وبعد الصلاة..

أسلمت جسدى للفراش دون مقاومة إلى أن أطبق النوم على جفونى وأثقلهما. وفى غيابات عقلى انطلقت الحياة وانطلق الحب يشدو بأجمل تعابيريه ونغماته التى باتت رسائل العاشقين معلقة على عبيرها .. ينتقل حينها بين القلوب فى تبختر

وشموخ يوزع بسماته علي القلوب بالعدل .. لا فرق بين قلبٍ وآخر إلا بدرجة صفائه
ونقائه من الحقد والكراهية.

حينها ارتسمت الابتسامة على وجهي ممزوجة بحنين الماضي البعيد عندما رأيت
حنان قابعة على إحدى الجوانب المغطاة بالحشائش في حديقتنا المفضلة اتجهت
إليها معلقًا عيني بها .. تتطاير خصلات شعرها من عبير زهور الحب المتناثرة بين
جنبات الحديقة.

جلست بجانبها حينما وصلت .. ثم مددت يدي إليها والتقطت يدها في حنوٍ
ونظرت إليها نظرة لم أظلمأ بعدها أبدًا اغتالت عطشي لرؤياها وعززت رغبتى في
البقاء بجانبها.

ضمنت يدها إلى قلبي في حنانٍ بالغ حتى بادلتنى الحنان وأراحت رأسها على
كتفى في سكون .. استسلمنا حينها إلى سهام الحب التي انطلقت علينا دون شفقة أو
رحمة كي تخترق قلوبنا العاشقة في لحظة ضعف.

قبلت باطن يدها حتى أظل دائمًا لها وتظل دائمًا لى ونحيا سويًا في عالم خاص
بنا لا يسوده إلا الحب وليس عليه سلطان إلا العشق .. تحرسه الملائكة من وحوش
الكراهية وتحميه بدرع الحب من سهام الحقد.

وبينما كنا قابعين هناك.. قامت حنان من مجلسها انفطر قلبي ببعدها عنى
وسارت بعيدًا إلى أبعد مدى وصوتى يعلو ويعلو حتى أنها لم تستجب له وهى تختفى
رويدًا رويدًا وراء أشجار الحديقة .. حينها انطلقت منى صرخة عالية لكن لم يُسمع
لها صدى .. أخذت أنادى عليها بكل قوة فلم يصدر من فى أى صوت تجاهها .. ماذا
حدث لى .. ماذا حدث؟!

حينها فزعت من نومى .. إنه حلم .. قطعًا حلم .. لكن مُزجت نهايته بكابوسى مرير.
زرع التوجس والقلق بين جنبات قلبي في حين نظرت حولى؛ فوجدت كل شىء
كسابق عهدى به .. حينها رنَّ جرس الهاتف المحمول فجأة .. حتى كاد قلبي ينشطر
نصفين من فرط المفاجأة فالتقطته حينها كانت حنان فأجبت:

- ألو.. أيوا يا حبيبتى إزيك.
- الحمد لله يا حبيبي .. عامل إيه؟!
- الحمد لله .. إيه أخبارك إنتي؟!
- والله مش ولا بُدّ.
- ليه .. خير؟!
- وحشتنى بجد يا باسم.
- وإنتي كمان والله يا حبيبتى .. بس أعمل إيه بقى.
- عملت إيه فى قرارك اللى كنت عايز تاخده .. أخذته ولا لسه؟!
- إيه؟!
- بقولك .. عملت إيه فى قرارك .. خدته ولا إيه؟!
- لسه محتار.. شوفتى مش حلمت بيكى دلوقتى.
- بجد؟! حلمت بإيه؟!
- حلمت إننا قاعدين مع بعض فى الجنينة اللى بينحما على النجيلة جنب بعض وحضنتك وبوست إيدك كمان.
- الله يا باسم .. أهو أنا نفسى تكون معايا دلوقتى.
- والله أنا من وقت ما كنت معاى آخر مرة وأنا ما ببطلش أفكر فيكى.
- عشان كده حلمت بيا؟!
- وهفضل أحلم بيكى طول ما أنا عايش لأخريوم فى عمرى.
- فابتسمت حنان ابتسامة خفيفة شعرتُ فيها بأنوثتها تتوهج منها ثم قالت:
- ما قلتليش يعنى هتعمل إيه .. هتيجى القاهرة ولا هتفضل فى إسكندرية.
- خمى إنتى أكون فى دلوقتى؟!
- ما تلعبش بأعصابى يا باسم إنت فى بقى؟!
- أنا هنا.
- لا والله .. أنا كنت فاكراك هناك .. هنا فى غلس.

- في الـ .. الـ .. القاهرة.

عندها شعرت بفرحة عارمة اجتاحت قلب وعقل حنان .. حينما شعرت وقتها
بمدى حبي لها وعشقي أيضًا .. وعدم قدرتي على الحياة بدونها وبعيدًا
عنها .. فقالت:

- حبيبي والله مش قادره أوصف سعادتى بوجودك جنبى دلوقتى .. حقيقى
فرحتنى أوى.

صمتت قليلاً ثم قالت لى:

- بس عشان خاطرى قولى بصراحة إنت جيت علشانى ولا علشان الشغل.

- الحقيقة أنا كنت جاي علشان الشغل.

- بطل غلاسه بقى وقول مش كل شوية تقعد تبوظ أعصابى كده.

- بصراحة أنا كنت ممكن أشتغل فى إسكندرية وكمان الشغل هناك موجود

وكتير لكن أنا فضلت أجمع بين الشغل وبينك فضلت آجى القاهرة.

- ربنا يخليك ليا يا حبيبي وما يحرمينش منك أبدًا.

- ولا يحرمنى منك أبدًا .. بس بصراحة أنا عايز أشوفك.

- لأبقى مش هنقضبها خروجات ونسيب الأهم .. عايزاك الأول تدور على شغل.

- معلش قبل ما أبدأ لازم أشوفك عشان بتفائل بيكى.

- والله أنا كمان نفسى أشوفك .. بس هنتقابل فين.

- فى نفس الجنيئة اللى بدأنا فيها حبنا هو فيه غيرها .. شهدت على حبنا وأحلامنا

وطموحاتنا وكمان كانت أجمل مكان جمعنا سوا.

- طبعًا يا حبيبي .. طيب هنتقابل إمتى؟!

- دلوقتى لو ينفع.

- لأ .. سيبنى بس أوضب نفسى عشان أقابلك .. ممكن نتقابل الساعة واحدة.

- طيب مفيش مشكلة .. هستنى الميعاد ده بفارغ الصبر.

- وأنا هستناه يا حبيبي .. قوم بقى إفطروشوف هتعمل إيه قبل ما نتقابل.

- لأ.. أنا مش هاهدى ولا هعمل أى حاجة غير لما أشوفك. فابتسمت مرة أخرى قبل أن تقول:

- طيب .. هستناك هناك فى الميعاد .. إوعى تنسى.

- ده أنا أنسى نفسى وإسى ولا أنساكي أبدًا.

- تسلملى يا حبيبى .. لا إله إلا الله.

- محمد رسول الله .

عندها أغلقت الهاتف وأخذت أعد نفسى لكى أقابلها .. طيلة ذلك الوقت كنت

فى انتظار رؤياها بكل شوق وقد حانت اللحظة التى كنت أنتظرها.

وفى الموعد المحدد..

كنت قد اتخذت موقعى أمام الحديقة فى انتظارها .. انتظرت كثيرًا حتى جعلنى

الانتظار كإقباى المحبين .. أنتظر قطرات الغيث التى لم يحن الأوان أن تسقط فلكل

شئ موعدا وموعدا غيئى لم يأت بعد.

وبعد قليل .. وصل الغيث .. وصلت حنان تبختر وتتمايل فى فرحة ملحوظة

حينها ارتسمت على وجهى ابتسامة أضاءت ثغور الدرب المظلم الذى بات مخيمًا

على قلبى فى الفترة الماضية حتى لامست يدها فاحتضنتها بعينى وقلبى حتى وصلها

ذلك الشعور.

وبالطبع بات فى ذهنى رغبة بأن أحتضنها بشدة ولكن ذلك الفعل يتطلب

مجازفة ولا يرضيكم أن أقضى ليلتى بعيدًا عنها وأنتم تعلمون جيدًا فى أى مكان

سأقضيها حينها.

قطعت تذكرتين من شباك التذاكر وانطلقنا داخل منبع الذكريات إلى حين

الماضى وروعة الحاضر وجمال وآمال المستقبل .. وفى طريقنا صادفتنا النافورة

الصغيرة فى المدخل التى أخذنا عندها العديد من الصور وقتما كنا فى الكلية.

(6)

كانت هي مقصدنا وقت حفلات أعياد الميلاد .. وملاذنا من الروتين اليومي
الدراسي المعتاد .. تغير من مزاجنا من حالٍ إلى حالٍ حتى أصبحت كبيتنا نذاكر
بها.. ونمرح ونلهو بها.. نستنشق الهواء النقي منها. إلى أن أصبحت جزءًا منا وما أن
وجدنا الحشائش حتى قررت أن نجلس عليها الحديقة كما هي منذ أن تركتها .. تجتاح
الحديقة جميع الزهور والزروع البرية التي تعرفها والتي لم يحالفك الحظ لمعرفتها
تطل على مساكن قديمة من التراث الجميل الذي ندعوه الماضي .. متسعة إلى أبعد
مدى تحيطها روعة المعمار الإسلامي وعبق التراث .. ديكورات مذهلة كلوحة فنية
رائعة حتى صناير

المياه كان لها نصيب من الديكور .. فلم يكن أى شيء في تلك الحديقة طبيعيًا
واعتياديًا على الإطلاق. بل كان كل شيء بها مميز حتى وإن كانت صغيرة بالإضافة إلى
قليلٍ من الإضافات كالنافورة الكبيرة وغيرها.
بالطبع كنت أرسم كل ما أشعر به فيها في حين كنت أجلس بها وأتحسس روعة
الفن والجمال الطبيعي الخلاب.

أما الآن فمعي القمر لحظة تمامه .. تجلس جانبي.

هل هذا حلم أم حقيقة؟!

هل مازلت في الواقع أم غالبى النوم أكثر وأكثر حتى جعلنى غير مدرك؟!

ألمس يديها حقًا..

أرى سعادتها بوجودى بجانبها..

أشعر بأنفاسها الساخنة..

تختلج أنفاسى برغبة..

أرى فى عينها الماضى والحاضر وبزوغ المستقبل..

أشتمُّ عبيرها الوردى الذى يسعد ملامسته خصلات شعرها المسلسلة كالذهب

الخالص .. من هى يا ترى؟!

هل هى ملاك أم بشر؟!

شمس تكون أم قمر؟!

تضع عبيرًا اصطناعيًا أم أن قلبها ينضح بأغنى العطور؟!

بريق عينها ينيرلى طريق المستقبل الذى بات غائبًا.. لكن بريق عينها السوداء

أنارلى طريق المستقبل كى أسيرفيه دون شقاء. فهل ستدعنى الحياة أكمل رحلتى فيها

بسلام؟! أم أن للقدر رأيا آخر؟!

وقتها سنعرف .. لكل شىء موعد.

فى الحقيقة..

نظرت كثيرًا إلى عينها الساحرتين لكى أستمد منهما بريق عيني .. أنهل من عشقها

وحنانها جرعاتٍ متتابعة حَلَّت محل شوقى إليها الذى طال.

جذبتُ يدها إلىَّ ثم قبلتها بهدوء وقلت برومانسية بالغة:

- وحشتنى أوى يا حبيبتى.

- وإنت كمان يا حبيبى .. وحشتنى أوى.

- هفضل معاكى طول عمري.

- وأنا هكون معاك دايماً يا حبيبى.

وفى تلك اللحظة لفت انتباهها الرباط الضاغط الذى ارتديته فى معصمى الأيمن

فنظرت إليه في تعجب ملحوظ ولمعت عينها لمعة عجيبة فتساءلت:
- إيه اللي حصلك يا حبيبي .. إيه الرباط اللي إنت حاظه ده .. إيديك مالها؟!
- مفيش ده جزع بسيط جالى فى إيدى اليمين فربطته ولا يهملك .. مفيش حاجة
تقلق.

- طيب الحمد لله .. خد بالك على نفسك عشان إنت تهمنى.
- تسلميلى يا حبيبتى.
فنظرت إليها نظرة حاملة قبل أن أقول متأثراً:
- حبيبتى .. إيدى بتوجعنى أوى .. مش عارف فيه إيه .. ممكن تشوفها لى.
فمددت يدي إليها في سكون ناظرًا إلى حنان عينها الذي بات بين جفونها ثم
مدت يدها إلى الرباط .. فأشرت إلى المكان المقصود فمدت يدها فوجدت وريقة
صغيرة فقلت لها:

- اسحبها .. ورقة في الرباط .. غريبة أوى دى؟!
- طبعًا .. غريبة أوى يا باسم .. إنت كنت بتريطه وانت نايم ولا إيه.
فابتسمنا ثم هَمَّت برمها بعيدًا فمتعتها وقلت لها:
- إفتحها ممكن يكون فيها حاجة مهمة ولا حاجة.
فقالمت متعجبة:

- ولو كانت مهمة إيه اللي هيحطها هنا؟!
- معلش شوفها بس مش هتخسرى حاجة.
ففتحت الورقة ببطء في تعجب من إصرارى فوجدت فيها كلمات بعثت في نفسها
التحفز لضربي .. فمدت يدها إلى كتفى بضربة خفيفة جعلتني أبتسم كثيرًا من ذلك
الموقف وابتسمت هي أيضًا ثم قلت لها:

- الورقة دى فيها اللي كان نفسى أقولهولك من زمان .. بس ما لقيتيش حاجة
تنفع غير كده عشان أعملها.

فنظرت إلىَّ في حنق لذيد وهي تضم شففتها:

- كده يا باسم.

- بحبك أوى.

خططت تلك الكلمات كي تؤكد لها على حبي .. كانت دعاية منى كي أُلطف بها الأجواء أكثر وأكثر.

حينها نظرت لها وابتسامتي مازالت على وجهي وارتسمت على وجهها ابتسامته إعجاب وقالت:

- وأنا كمان بحبك أوى.

حينها انطلقت في أذني كل أغاني الرومانسية تشدو بترانيم صوتها العذب الذي احتواني واحتوتني بحنانها وبسماتها وكلماتها العذبة .. شعرت وقتها أن الحياة ملكي بمفردى .. هل حلمي مازال ينبض أم أنها الحقيقة؟!

هل يجتمع في الحقيقة الحب والطبيعة الخلابة والرومانسية التائهة؟!
بالفعل ليس حلمًا .. إنها الحقيقة التي أخشى أن أصدقها .. لم أصدق حينها نتيجة ما حدث لي بالماضي .. كثيرًا ما ضاعت من بين يدي أحلى الأوقات لأنها كانت زائفة لكنني الآن بين يدي الحب

أتنفس هواءه..

أتجرع شهبده..

أسبح في أعماقه.

قاطعت تفكيري حينها حنان قائلة:

- نتكلم في المفيد بقى.

- هو فيه أفيد من الحب؟!

- عشان خاطرى يا باسم.

- طيب يا قمر .. نتكلم.

- ناوى تعمل إيه بقى الفترة اللي جاية؟
- والله يا حنان ناوى أدور على شغل ربنا يسهلها وأقدر ألاقى شغل بسرعة.
فنظرت إلى نظرة انتظار ثم قالت:
- وبعد كده؟!
- بعد كده .. أكيد هاكون نفسى عشان أقدر أتجوز.
- والله .. ما قلتيش إنك عايز تتجوز؟!
- ليه .. عندك عروسة؟!
فنظرت إلى في عدوانية جعلتى ألملم ما تبقى من لسانى وأسكنه إلى فى
بسرعة ثم قلت:
- ما تخافيش يا حبيبتي .. أنا مش هتجوز غيرك مهما حصل.
- أنا مش خايفة من كده لأنى واثقة من ده .. لكن خايفة منك بصراحه عشان
عارفاك مزاجك متقلب وممكن ترجع فى كلامك.
- لأ ما تقلقيش .. اللي حب مرة بجد مش ممكن يضحى بحبه بالساهل كده.
- طول ما إنت معايا .. أنا مش قلقانة.
- وأنا عايزك ما تخافيش من حاجة طول ما أنا معاكي .. أنا أضحي بعمرى
كله عشان خاطر عيونك.
- تسلملى عيونك يا حبيبى .. ويخليك ليا يا رب.
فضممتها بين أحضانى وأسندت رأسها على كتفى حتى أغلقت عيونها تتحسس
حنانى وحبى لها كأنها غادرت بروحها إلى عالمٍ آخر.
وبعد قليل..
غادرت الشمس إلى مخدعها فى سكون وأسدل الليل ستائره وخيوطه على دنيانا
الحاملة .. فقمنا من مجلسنا وكننا آمال فى إكمال طريقنا الذى رسمناه سويًا منذ
أيام الكلية وحتى ذلك اليوم .. أوصلتها إلى منزلها ينتابى الرضا كثيرًا .. مما دفعنى إلى
استكمال الطريق بعزم وقوة فى سبيل الحب الذى يجمعنا سويًا.

عدت إلى غرفتي .. أفكر في تلك اللحظات التي جمعتنا .. إنها حقًا من الساعات القليلة والمعدودة التي تقتحم فيها السعادة دنيائى وتخيم فيها على مشاعرى أخذت أتحمس فى رسوماتى المزيد من التفاصيل الجميلة والتي جعلها الحب أكثر نضارة فى عيني .. أتذوق حلوها بشراهة بالغة وأستمع بألوانها كمن يراها لأول مرة.

عين المحبين ترى الدنيا بأجمل صورها وعيون المفارقةين ترى الدنيا فى أدنى صورها..

فهى أولاً وأخيراً (دنيا).

حينها .. انتزعتنى هاتفى النقال من أعماق العشق الذى أبحرت فيه دون سابق إنذار إنه إياد .. من المؤكد أنه هاتفى لكى يلومنى لعدم سؤالى عليه فأجبت:

- ألو .. إياد عامل إيه يا غالى؟!

- أول ما افكرت تسأل؟!

- أنا كنت عارف إنك هتلومنى عشان ما كلمتكش الفترة اللى فاتت دى.

- وكنت مختفى فىن بقى إن شاء الله؟!

- مفيش أنا مختفى فى القاهرة.

- القاهرة!! .. هو إنت لسه ما سافرتش؟!

- لآ .. سافرت ورجعت على طول واستقرت هنا.

- طيب تمام .. لقيت شغل ولا حاجة ولا لسه؟!

- لآ .. لسه ما دورتش لكن بكره هبدأ إن شاء الله.

- طيب .. ناوى تدور من أى مكان؟!

- والله مش عارف بس ممكن أبدأ بورش الرسم والتصوير وكمان هدور فى مكاتب

كورسات الرسم وربنا يسهل.

- إن شاء الله .. ربنا معاك عايزين نشوفك بقى .. أنا اشتغلت مؤقتًا فى محل

تصوير بس أما تيجي تنزل تدور على شغل كلمنى عشان أدور معاك.

- أكيد إن شاء الله وربنا يعيننا نحقق اللي بنحلم بيه.

- يارب .. إن شاء الله.

- إن شاء الله.

- سلام.

- سلام.

أغلقت الهاتف ثم مددت جسدي على الفراش مرتديًا كامل ملابسي .. لم أستطع تبديل ملابسي منذ ذلك الوقت .. فأكملت تأملاتي فيما حدث حتى انتابني الملل فقررت الخروج إلى إحدى الحدائق المجاورة كي أستنشق الهواء النقي واصطحبت معي الكاميرا الخاصة بي .. كاميرا صغيرة الحجم رخيصة الثمن أحضرها لي أبي كهدية عندما علم بعشقي لفن التصوير والتي كانت ولا تزال من أجمل الهدايا التي جاءتني حتى الآن.

انطلقت بين جنبات الحديقة أتأمل جمالها وألتقط الصور التذكارية لكل الأركان التي جذبت انتباهي حينها .. ألتمس نظرات المحيين بين بعضهم البعض .. تنضح أعينهم بما ينهمر من قلوبهم من مشاعر.

أكملت التقاط الصور بشراهة .. فالمناظر تبعث على البهجة والتأمل وعبير الزهور يثير العاطفة بين القلوب.

وبعد فترة كبيرة من التقاط الصور .. عدت إلى غرفتي فرحًا مسرورًا بذلك اليوم وما حدث فيه.

(7)

عندها بدلت ملابسى ثم إلتقطت زجاجة مياه من الثلاجه الصغيره وأخذت أتجرع منها رشقات متتابعة أروت ظمأى .. ثم بدأت فى تقليب الصور عبر الكاميرا حتى أنتشى بالمناظر الجميلة والتي باتت محفورة فى ذهنى .. حينها قررت عدم النوم عندما وجدت أن بعض الصور تستحق الرسم من بين ما رأته عيني فجمعت أدواتى وانتقيت إحدى الصور وأطلقت الأغاني الرومانسية من هاتفى احتفالاً بأكثر الأيام المحببة إلى قلبى .. وبدأت فى الرسم.

حينها ظلت المتعة رقيقاً لى تؤنس وحدتى وتقتل مللى بسرعة البرق حتى انتهيت بعد فترة من الرسم قرب صلاة الفجر فصليت الفجر حاضراً ثم قررت النوم حتى أكون أكثر نشاطاً فى الغد لكى أستطيع البحث لساعاتٍ كثيرة دون كللى أو تعب حتى أُثقلت جفونى وغيمت على بؤبؤ عيني أردتُه ساكناً إلى الغد.
ومع أول خيوط النهار..

فتحت عيني بصعوبة بالغة ينتابنى الكسل من فرط الإرهاق.. يثقل كاحلى حتى لا أغادر الفراش .. لكننى أدركت حينها أن ما يدفعنى للعمل هو حى لحنان الذى بات محل قلبى ووجدانى .. فتحاملت على نفسى وخلعتها من أسفل الغطاء ثم اتجهت إلى الخلاء فى ترنج وعيناي لا ترغبان فى الرؤية يكفيم فقط أن يظلوا مُغلقين كى يحافظوا على آثار النوم التى لم تغادر محجرىهما حتى الآن.

وبعد أن هندمت نفسى ارتديت كامل ملابسى .. أخذت أقلب فى هاتفى كثيراً

قبل أن أصل إلى إسم إياد فاتصلت به وبعد فترة وجيزة أجاب:

- باسم .. إنت فين؟!!

- أنا في البيت .. وقولت أكلمك قبل ما أنزل.

- طيب .. إنزل بسرعة عشان أنا قدامى حوالى 10 دقائق واوصل.

- هتوصل فين؟!!

- الكافتيريا اللي بنقعد عليها.

- مقولتليش هنقعد هناك.

- معلش .. أنا بحسبك عارف.

- وهعرف منين؟!!

- مش مهم دلوقتى .. المهم اخرج دلوقتى عشان تلحقنى هناك.

- أولك .. هخرج حالاً.

- هستناك هناك .. سلام.

حينها أغلقت الهاتف ثم الغرفة بعدما أجمعت متعلقاتى منها قبل أن أغادر متجهاً إلى الكافيتيريا التى شهدت معظم أيام الماضى .. حينما وصلت إلى هناك لم أجد إياد بالمكان .. إنه كافيه الذكريات..

أعشق كل ركن به..

ينتابنى الفرح والألم معاً عندما أقبع فيه.

أتذكر أوقاتها التى أنتستى فى وحدتى أو فرحتى عندما ينفطر قلبى من إحدى أفعال حنان كنت أنزوى بها فى وحدة وسكون أستمع إلى كوكتيل الأغانى الحزينة المدجج بها هاتفى .. بجانب القليل من الأغانى الرومانسية والسعادة والتى قليلاً ما أستعملها.

لحظات كثيرة ومتناقضة قد مرت علىّ بين حوائط هذا المكان .. يحمل طراز خاص فى كل تفاصيله تطغى عليه نقوش الأرابيسك الرائعة ولعبة الطاولة والتى

يحمل خشبها عبق القِدَم وأحياناً عرق وبواقى مأكولات الزائرين .. أحياناً أشعر
بالغثيان

عندما أتذكر ذلك لكن يغينى عنه أنه مأواى الذى أختلى به أشكوله أحياناً
تقلبات الدهر وأحياناً يؤنسنى فى وحدتى عندما تضيق بى الدنيا.

فانتظرت أتذكر كل ما سنحت لى ذاكرتى من ذكريات الماضى حينها تغرد الطيور
فى أذنى عازفةً أجمل ألحان الطبيعية التى لن تستطيع أى آلة عزفها بمثل ذلك
الجمال .. لكن قُطعت الألحان وظل لحنًا واحدًا يقبع داخل نفسى وهو لحن الجوع
تذكرت حينها أننى لم أتناول طعامًا منذ أن كنت بصحبة عمى أى قبل يومٍ كامل
هل طغت علىَّ السعادة بكل خيوطها حتى أغمت عيني عن طبيعتى الفسيولوجية
ورغبتى فى الطعام والحياة .. هل نسيت أساسيات حياتى حتى أن الحب بدلها بنجاح
دون أن أشعر.

هل سُحرت؟!

هل فقدت الذاكرة؟!

أم أننى فقدت روحى؟!

لا يهمنى ما فقدت بقدر ما اهتممت بامتلاك السعادة ولو لوقتٍ قصير .. حينها
اندلعت ألحان الجوع أكثر وأكثر تصرخ فى معدتى بولعٍ ونهم .. فلم أستطع أن أنتظر
إياد أكثر من هذا .. فقممت واتجهت للمطعم المجاور للكافيه سريعًا كالعاشق الذى
يهول إلى معشوقه.

اشتريت 2 ساندويتش من الفول والفلافل ثم عدت إلى الكافيه .. فطلبت زجاجة
من المياه الغازية المفضلة لى .. فأحضرها لى عامل الكافيه ومعها كوبًا فارغًا لى لا
أرتشف من الزجاجة شيئًا كأنها خطوة بروتوكولية من عامل المقهى بعدها هجمت
على الطعام وأخذت ألتهمه بنهم .. حتى أن رواد الكافيه أخذوا فى النظر إلى رغبة فى
سؤالى .. ألم تأكل منذ سنوات؟!

- ياعم روح هو الواحد بيعرف يا خد منك حاجة غير التريفة.
- معلش بكره تاخد غيرها كثير.. أنا هاروح أجيب حاجة أكلها أجيبلك
معايا كماله.

- لأ.. أنا خلصت الحمد لله وشهل شويه عشان عايزين ننجز.. لسه ورانا
لف كثير.

- طيب يا عم ما تزقش.

فإبتسمت من دعاية إياد ثم أخذت أتأمل المكان مرة أخرى حتى عاد وتناول
طعامه وشرب مشروبًا هو الآخر بعدها انتويتنا الرحيل.

عندها كان علينا بالبحث كلاً منا على حدة ثم نتقابل في مكانٍ ما بعد كل بحث
فبدأ إياد بمحال التصوير الكبيرة وبعض الشركات الهندسية حيث يملك موهبة
التصوير بحرفية عالية ويتقن العمل على برامج الصور جميعها بلا استثناء، وأكملت
أنا البحث في بعض الورش التي كنت أتعلم بها كي أَحَسِّنَ مستواي والأن أبحث عن
مكان لي كمعلم لفن الرسم وبالطبع وجب أن أمر على بعض العامة والخاصة لعرض
أعمالي ومحاولة عرضها لا بيعها .. فلم أصل حتمًا لتلك المرحلة أن أبيع لوحاتي
الغالية المقام عندي من أجل المال .. وإن باتت الفكرة بالنسبة لي لم يحن أوأنها.
ظللنا نبحث ونبحث حتى انتهى وقت العمل في العديد من الأماكن مما دفعنا إلى
إنهاء البحث في ذلك اليوم وإرجاءه إلى الغد.

حينها قال إياد وهو يخرج أنفاسه بصعوبة في نهيج متتالي:

- أنا تعبت فعلاً ومفيش فائدة.

- معلش يا إياد .. دا إحنا ما بقالناش غريوم بس .. طب هنعمل إيه

في الباقي؟!

- اسمها هتعمل إيه.

- يعنى إيه مش هتيجي معايا بكره؟!

- لأ طبعًا .. أنا عندى شغل مؤقت يا عم هرکز فيه.. لما بيعى يوم الأجازة هبقى أدور معاك.

- أولك .. ماشى.

- طيب مش هناكل؟ .. أنا هموت من الجوع.

- لأ معلش أنا عايز أروح عشان أستريح .. لو إستنيت أكل مش هلحق

أنام عشان مشواربكره.

- زى ما تحب.

- مش عايز حاجة؟!

- لأ .. سلام.

- سلام.

(8)

فصافحته وتركته وغادرت إلى منزلي محضراً معي القليل من الطعام وما أن دخلت غرفتي حتى بدلت ملابسي وقبعت على الفراش محضراً إحدى الصواني الدائرية أمامي ووضعت الطعام وبدأت في تناوله وما أن انتهيت حتى أعددت قهوتي المفضلة ومددت جسدي على الفراش أتأمل ما حدث في إرهاب من كل ما يحدث وأرتشف جرعات من القهوة في سكون إلى أن قطع تأملي الهاتف فنظرت إلى الشاشة فرأيت حبي يتصل بي فأجبت:

- أيوه يا حبيبتي .. إزيك؟

- الحمد لله يا حبيبي .. وإنت عامل إيه؟!

- بخير .

- عملت إيه في حكاية الشغل؟!

- والله أنا دورت النهارده كتير لكن مفيش نتيجة لغاية دلوقتي .

فتنهدت حنان ثم قالت:

- ولا يهمك يا باسم .. المهم إنك دورت وأكيد مش هتلاقي حاجة كده

من أول يوم .

- على كل حال أنا هدور بكره كمان وإن شاء الله يكون فيه نتيجة .

- المهم إنت كويس؟!

- الحمد لله .. أنا بس تعبان من مشوار النهارده .

- معلنش يا حبيبي .. يا ريتنى كنت جنبك كنت هَوَنت عليك التعب ده.
- إن شاء الله يا حبيبتي .. هنبقى مع بعض بس لما ربنا يسهلها بشغل.
- هستناك يا حبيبي .. وهكون معاك دايمًا فى كل وقت .. بس المهم تاخد بالك على نفسك.

- ما تخافيش عليا يا حبيبتي .. تصبى على خير.
- وإن من أهله يا عمرى.
أغلقت الهاتف فى سعادة .. لقد جددت نشاطى ورغبتى فى البحث أكثر وأكثر فأسلمت رغبتى للنوم حتى اندفعت فيه.

وفى الصباح.. أعددت نفسى للخروج والبحث عن عمل .. راجيًا من الله التوفيق فى بحثى لكننى قررت أولًا أن أتناول إفطارى ربما يطول وقت البحث .. ذهبت إلى الكافيه المعتاد ومعى الطعام .. لكن أوراقه تقطعت فطلبت من العامل إحدى الجرائد القديمة لكى لا تتسخ المنضدة .. فوضعت أحد أوراقه أسفل الطعام وحينما كنت منهمكًا فى تناول الطعام لفت انتباهى باقى الجريدة التى أخذت منها الورقة .. ففهمتها وجدت إعلان وظيفة بإحدى المطابع تطلب مصممين أغلفه كتب ومطبوعات.

فنظرت إلى تاريخ صدور الجريدة فوجدتها مؤرخة بتاريخ أمس حينما أخذت أفكر قليلاً.

كيف أقدم فى تلك الوظيفة؟

وكيف أقبل بها؟

وهل تصلح لى؟

تأملت من حولى فى هدوء كأننى أبحث عن الإجابة فى وجوه من حولى.
تأكدت كثيرًا من صلاحيتى لهذا العمل .. لقد كنت أتقن برامج الصور الذى علمنى إيادها بجانب قليلاً من التدريب يجب أن أتبعه كي أحسن من مستواى فيها.

فهممت بالقيام بعدما دفعت مبلغ نظير الخدمة والمشروب واحتفظت بالجريدة
تاركًا الكافيه متجهًا إلى المطبعة.

كانت مطبعة كبيرة تعج بالأشخاص والأجهزة الغربية المظهرت شعر عند دخولها
بأنها جزء من التاريخ كنت حينها أشعر بالتوتر والقلق؛ لذلك الكمّ الهائل من البشر
المتقدمون للوظيفة وضعف احتمالاتي بالنجاح في ذلك الموقف الصعب .. لكن
إرادة الحب داخلي تحركت في قوة وثبات حتى أعادتني إلى اتزاني قبل دخولي المقابلة.
وبعد المقابلة وعند إعلان النتيجة تم اختياري مع اثنين آخرين. بالطبع كان
هناك العديد من الأشخاص يحترفون برامج الصور والتصميم على وجه الخصوص
ولكن تم اختياري.

انتابني الشعور بالفرح والبهجة لما حدث .. لقد حققت شيئًا من ما أردت وتحدد
موعد العمل وقدمت أوراقي لكي أكمل إجراءات التعيين حتى أعود لأبشر أهلي
وحبيبتى حنان.

وبعد انتهاء الإجراءات غادرت المطبعة ومنها إلى البيت فهاتفت عائلتي وطمأنتهم
بحصولي على عمل .. بعدها هاتفنت حنان فلم تُجِب .. مرات ومرات إلى أن سمعت
طرقًا على الباب فقممت من مجلسي وفتحت الباب .. إنه عمى فدعوته للجلوس
وأعددت له قهوته المفضلة ثم أردف قائلاً:

- إيه يا باسم .. ما بتعديش علينا ليه!؟

- مفيش والله يا عمى .. أصلى كنت بدوّر على شغل.

فأكمل بعتاب:

- واللى بيدور على شغل ما يسلمش على قرايبه ويبقى مشغول للدرجة دى!؟

- معلش يا عمى .. كنت مشغول أوى.

- طيب وعملت إيه.

- الحمد لله إتعينت في مطبعة مصمم مطبوعات.

- مبروك يا باسم .. لكن اعذرني هوانت بتعرف بتصمم.
- بعرف .. أصل إياد صاحبي علمنى شوية حاجات كويسة فى التصميم وناوى أحسن مستوايا فى التصميم لكن محتاج كمبيوتر.
- كمبيوتر؟! وناوى تجيبه منين؟!
 - والله مش عارف .. بس بفكر إني أشتري واحد مستعمل من المول لما أقبض عشان هينفعنى أكيد فى شغلى.
 - ففكر عى ملياً قبل أن يقول:
 - إيه رأيك فى اللى يحلللك المشكلة دى .. ومش هتدفع غير حاجة بسيطة.
 - إيدى على كتفك يا عى.
 - أنا عندى كيسة قديمة شوية .. إيه رأيك لو تودها عند أى مهندس كمبيوتر ويحاول يصلحها لك .. وتشتري بس شاشة مستعمله ويبقى كده حليت المشكلة.
 - ياريت والله يا عى .. أنا مش عارف أقولك إيه؟
 - ما تفولش حاجة .. أهم حاجة تنتبه لشغلك وتاخذ بالك على مستقبلك.
 - ربنا يخليك ليا وما يحرمناش منك أبداً.
 - عندها ارتشف عى آخر رشفة من قهوته وسيجارته التى عبأت المكان .. لكننى تجاوزت ذلك .. فى كل مرة يثبت لى أنه خير من يدعمنى بعد أبى الذى لم تشأ الظروف أن تجمعنا .. ثم قال:
 - أنا هطلع بقى أريح شوية عشان راجع من الشغل تعبان وبالليل هَنَزِّك الكيسة تمام.
 - تمام يا عى ومتشكر أوى .. أوى.
 - إنت ابني يا باسم .. مبروك يا حبيبي.
 - الله يبارك فيك يا عى.
 - مع السلامة.
 - سلام.

غادر عى الغرفة مباركاً لى على عملى ثم فتحت إحدى النوافذ لى لا أختنق من دخان سيجارته الكثيف .. والبهجة والسرور لا يزالان متمسكين بأماكنهم على وجهى الباسم حينها تذكرت حنان التى لم تُجِب على الهاتف .. فكررت المحاولة مرة أخرى .. حتى أجابت:

- ألو .. أيوه يا باسم.

- أيوه يا حبيبتي عاملة إيه؟!

- الحمد لله وإنت؟!

- بخير .. عندى ليكى خير جميل أوى.

- خير .. قول.

- أنا هستلم شغل بكره.

- بجد؟!

- ودى حاجة فيها هزار برضو.

- لأ طبعاً .. مبروك.

- مالك يا حنان .. حاسس إن فيه حاجة مضايقاى .. فيه إيه؟!

فقالت بضيق:

- مفيش حاجة.

- وهو أنا ما أعرفكيش .. فيه إيه يا حنان؟!

فشعرت بدموعها تتساقط وبصيص من النحيب يجتاحها فأدرت حينها أنها

لن تستطيع أن تتمالك نفسها أكثر من ذلك قبل أن تقول بصوتٍ مبحوح:

- أمى عماله تتحايل علىّ إنى أتجوز وعايظه تجوزنى أول واحد يتقدملى عشان

حجتي اللى هى التعليم خلصت ف مفيش مبرر إنى أفضل من غير جواز

حتى حجتي إنى أشتغل خلتها متمسكة بالجواز أكثر.

- طيب وبعدين يا حنان هنعمل إيه.

- يعنى إيه هنعمل إيه؟! .. إنت لازم تشوفلك حل وإلا هتلاقينى متجوزة فى أى

وقت.

- دا أنا لسه هاتلم شغل بكرة ولسه ما كَوْنِتِش نفسى أصلاً .. يبقى هتقدملك

إزاي؟!

- طيب وأنا ذنبي إيه بحاول كل شوية ومش عارفه أعمل إيه تانى وأمى مصممه
إنها تجوزنى وخلص.

- طيب سيبينى أفكر وهبقى أكلمك.

- إنت لسه هتفكر يا باسم .. بقولك ممكن أتجوز .. تقولى أفكر؟!

- طيب هبقى أكلمك بس سيبينى أشوف هعمل إيه.

- يا باسم .. باسم.

أغلقت الهاتف عنوة .. لقد علا صوتها في الهاتف .. لماذا تكلمنى بتلك الطريقة؟!
هل قصرت في شيء؟!

بحثت عن عمل وشارفت على استلامه وقاربت أيضاً من تحقيق أحلامى ولكن
لن أستطيع تحقيقها دون خطوات أخطوها لن أستطع تخطى كل الخطوات في
غمضة عين .. فماذا عسائ أن أفعل؟! هل أستمر فيما بدأته؟

هل أبقى على حى وأجازف بالتقدم لخطبتها وأنا لا أملك حتى بيتاً نعيش فيه؟!
أم أضحي بحى من أجل تحقيق أحلامى؟!

ظل عقلى يفكر ويفكر صراع مرير اجتاحتى دون سابق إنذار حتى قادنى إلى
غياهب النوم.

وبعد فترة قمت من نومى في ضيق .. أثقل التفكير عقلى .. فوضعت رأسى أسفل
صنبور المياه في حيرة من أمرى .. ثم التقطت المنشفة وأخذت أخللها بين خصلات
شعرى ثم نظرت في المرأة وعقلى دائر في ذات الصراع المرير بعدها خرجت كي أشتري
طعام الغداء وعدت مرة أخرى .. لكننى لم أتناول الكثير منه حيث أننى لم يكن لدى
رغبة حقيقية في تناوله بعد ما أخبرتنى به حنان.

(9)

حينها طُرق الباب ففتحته فإذا بعى يحمل الجهاز بين يديه فالتقطته منه وأودعته على الأريكة ودعوته للجلوس لكي يستريح وأعددت له قهوته مرة أخرى. وبعد حضوري بالقهوة قال لى:

- دى الكيسة القديمة اللى قلتك عليها .. إبقى وديها للمحل اللى جنبنا وإبقى إسأله على شاشة بقى عشان الجهاز يكمل.
فابتسمت كثيرًا من ما قاله عى وشكرته بامتنان وما أن أنهى قهوته وسيجارته المعتادة حتى قال مبتسمًا:

- ياريت المرة الجاية تجيبلى عصير ولا حاجة بدل القهوة اللى زَرَعِت مَنى.
فابتسمت قائلًا:

- وعد مَنى بس أنا عارف إنك بتحب القهوة.

فقام عى من مجلسه ثم قال لى:

- مبروك يا باسم وربنا يوفقك فى شغلك.

- الله يبارك فيك يا عى.

فربت على كتفى مبتسمًا ثم غادر المكان .. حينها ذهبت إلى مركز الصيانة وبالفعل تم تصليح الجهاز واشتريت شاشة صغيرة وملحقات الجهاز التكلفة كانت عالية نوعًا ما .. لكن ما دام هناك عمل فسوف يعوض ما تم دفعه فيه.

فأحضرت الجهاز إلى غرفتى وسعدت بخطواتى التى اكتملت وأنا

في طريقى إلى النجاح في عملى .. ولم يتبق لى سوى طريق واحد طريق حى الذى
مازال المسار إليه مجهولاً.

وفي اليوم التالى...

ارتديت ملابسى واتخذت طريقى إلى أول يوم عمل .. بالطبع كانت تلك اللحظة
تحمل نكهة مميزة عن باقى اللحظات .. لكنى لم أنتبه لذلك حيث أن هناك هدف
أسى عندى من العمل وهو الفوز بقلب حنان التى ظلت بجانبى طيلة السنوات
الماضية أستمد طاقى من حيا لى وأبعث لها بترانيم حى .. حينها دلفت إلى الردهة
الخاصة بالمطبعة وتساءلت عن مكتب السكرتارية فدلنى إليه العامل فأسرعت
تجاهه حتى وصلت إلى السكرتيرة النصف حسناء .. كعادة السكرتارية يجب أن
تكون على درجة عالية من الجمال وبطبعى وعشقى للفن وللجمال وجدتها نصف
حسناء حينما دلفت إلى مكتبها وجدتها تحمل مرآة وتنظر إلى وجهها آلاف المرات حتى
عندما مررت بالداخل لم تترك المرأة من يدها بل ظلت تنظر إلى نظرات استخفاف
كثيرة لا تشيع منها.

حينها قطعت تركيزها عنوة وقلت:

- السلام عليكم.

فأجابت بامتعاض:

- عليكم.

- أنا لى المديرعبنى ودى أوراقى.

عندها التقطت الأوراق بترفع وأخذت تفرها واحدة تلو الأخرى ثم أشارت برأسها
علامة على الموافقة واصطحبتنى إلى مكتبى المتواضع .. فهو صغير الحجم منزو فى
إحدى الأركان .. لكنى لا أهتم لذلك فكل اهتمامى الآن يصب تجاه حنان.

جلست على المكتب أتحسس أخشابه العتيقة نوعاً ما وأداعب أدواته
والابتسامه لا تكاد تفارقنى أبداً فتلك أول خطوة لى فى طريق النجاح الحقيقى بعدها
دلف إلى شخصاً ما وأخذ يتفحصنى كثيراً إلى أن قطعت تساولاته وقلت:

- أنا باسم الموظف الجديد.

فصافحني مبتسمًا لما سمع ثم قال:

- وأنا هيثم القديم .. بس مش قديم أوى.

فابتسمت لتلك الدعابة وأدركت أنه من المؤكد أنه شخص جيد فجلس بجاني

بعدهما سحب كرسيًا ثم قال:

- ياريت تكون مبسوط معنا هنا إن شاء الله.

- إن شاء الله.

- بُصّ يا باسم .. طبيعة عملنا صعبة وسهلة في نفس الوقت .. يعنى الصعب

يتلخص في إنك تخرج فكرة التصميم اللى في دماغك على الورق وده متعب جدًا

زى ما إنت عارف والسهل يتلخص في إنك تسلم المطابع التصميم اللى إنت خلصته

.. شوفت إنها صعبة وسهلة في نفس الوقت .. الأهم إنك تاخذ بالك من المسافات

وطبيعى تاخذ بالك كمان من أنواع التصميمات.

- عارف أنواعها كويس أوى عشان عملت منها كتير قبيل كده لكن لسه ما وصلتش

لدرجة الاحتراف.

- ولا يهيمك يا باسم .. من كتر الشغل والممارسة هتكون محترف أكيد.

- يا ريت يا هيثم.

- أكيد إن شاء الله وأنا هكون جنبك على طول لحد ما تقف على رجلك.

- متشكر أوى يا هيثم.

- الشكر لله .. ربنا يوفقك في شغلك.

- يارب.

بعدها عاد هيثم إلى مكتبه وأخذ يعمل بعدما دلتى على أعمالي كاملة قرابة

الساعة وبدأت العمل وانهمكت فيه حتى أننى شعرت بالراحة تجاه ذلك نتيجة ذلك

العائد من عملى والذى سيفيدنى حتمًا من أجل الحب.

مَرَّ اليوم كأنه عامًا بأكمله .. فتلك أول مرة أقوم بعمل بعد أعوام متصلة من
الدراسة وبعيدة أيضًا عنها لكنني تعهدت على نفسي أن أبني نفسي بنيانًا شامخًا من
البداية حتى لا تهزني ريح أو أعاصير مارة على سمائي دون سابق إنذار.

وفي المساء...

عدت إلى غرفتي أجرد قدمي جزًا من ثقلهما بعد العمل .. عندها ارتيمت بجسدي
على الفراش في تأوه لكن هَوَّنت علىَّ صورة حنان التي رسمتها من قبل من الدنيا
الكثير كانت تطل علىَّ من الحائط كإطلالة القمر في تمام الكمال .. وبسمتها تجذبي
كشعاع الشمس الذي يجذب نحوه محبين الدفء والوئام .. تبعث في نفسي حلاوة لا
تضاهيها حلوى المولد أو أعتى الشوكولا الفرنسية .. إنه الحب.

ذلك الشعور السحري الذي تخر أمامه كل المشاعر وتدنوا .. فكلما ارتفع دنت
باقى المشاعر من فرط ضآلتها أمامه .. فالحب يجتاح القلب كي يملأ وجدانك وحياتك
بأكملها دون أن يترك مكانًا لمشاعر أخرى تجتاحك دونها .. عندها تدرك أن الحب
كالمايسترو يحرك مشاعرك كاملة دون أن يخلطهم والكلمة العليا بينهم يسطرها هو
بشموخه واجتياحه العاصف.

أخذت أمعن النظر في صورتها وأنتشى بها إلى أن تخللتني صوت هاتفى فوجدتها

حنان:

- ألو .. أيوه يا حبيبتي عاملة إيه.
- الحمد لله .. إنت عامل إيه.
- بخير .. النهارده استلمت الشغل عشان أثبتلك إني جدير بيكي وبحبك.
- صحيح .. ربنا يوفقك يا حبيبي في شغلك.
- مالك صوتك متغير كدا ليه .. هو إنتى تعبانه ولا حاجة.
- لأ أنا كويسة .. بس فيه مشكلة ومش عارفه أعمل فيها إيه.
- إيه هي؟! العريس صح!؟

- صح .. ماما عايزة تقابله بكره وإديتله الميعاد كمان .

- وإنتي عملتي إيه؟!!

- ولا حاجة .. وأنا هعمل إيه؟!!

- لأ .. ما تعمليش حاجة واقعدى إتفرجى .. هو أنا مش قولتلك تحاولى تكلمى ماما عنى وتقوليلها تصبرشوية.

- لو سمحت مش عايزة تريقة .. أنا قتلتها من غير ما إنت تقولى وهى دى النتيجة

قالتي إنك لسه قدامك مشوار كبير وكمان مش قد إنك تتقدملى وفضلت إنها تقابل

التانى عشان جاهز من كل حاجة.

- وبعدين يعنى؟!!

- حاولت كتير لكن ما لقيتيش أى حجة أو حاجة تانية عشان أخلى ماما تبعدى

عن العريس اللى جاى ده لكن مفيش فايده.

- شكلك كده موافقة؟!!

- طبعاً مش موافقة لكن أمى موافقة.

- وهى أمك اللى هتتجوز؟!!

- لأ .. بس أمى هى اللى هتجوزنى وبتنقى لى عريس مناسب.

- بصى بقى يا حنان .. أنا عملت كل حاجة عشانك واشتغلت عشان أكوّن

مستقبلى عشانك برضه وبعد كل ده بيعى واحد عشان فلوسه ياخذك منى حرام

ده ولا حلال؟!!

- ياريت ما تقعدش تعابرنى باللى بتعمله عشانى كل شوية .. إنت لو عملت حاجة

يبقى بتعملها عشان نفسك قبل منى.

- والله .. ماشى يا حنان وبعدين؟!!

- وأنا دلوقتى قدام الأمر الواقع اللى أمى حطتني فيه .. هعمل إيه؟!!

- أنا مش هقدر أتقدم دلوقتى أبداً دا أنا لسه مستلم الشغل النهارده عشان أبداً

أكوّن حاجة تساعدنى إني أتقدملك.

- طيب واياه العمل بقى؟!
- مفيش غير انى اتقدملك بسرعة يمكن احاول اقنعها بأى حاجة.
- وهتقنعها بايه وانت ما عندكش حتى شقة؟!
- سيبها على الله وإن شاء الله تتحل هحاول اقنعها انى هجيب شقة ايجار لغاية ما اشترى شقة قريب.
- لكن انا عارفة انها مش هترضى.
- ما تقفليهاش وحياتك .. انا فيا اللى مكفيينى.
- ياريت تنفع .. ياريت.
- إن شاء الله .. بس حدديلى انتى ميعاد معاها بس وربنا يسهلها.
- يارب.
- وحشتينى.
- انت فايق ورايق والله.
- مش كفاية عكننة الشغل.
- هنعمل ايه ما انت شايف اللى هيحصلى منك.
- إن شاء الله تتعدل.
- طيب استريح شوويه بقى .. عشان شكلك جاى تعبان ونكمل كلامنا بعدين.
- حاضر يا حبيبتي .. مش عايزه حاجة؟
- لأ يا حبيبى .. عايزه سلامتک.
- تسلى .. مع السلامة.
- مع السلامة.

(10)

فأغلقت الهاتف وأخذت أدبر أمرى فى عقلى لما أنا مقبل عليه من تحديات فى حياتى لفترة حتى غالبى النعاس لكننى لم أحتمل أن أنام وفى عقلى ذرة انشغال تشغل عقلى فقمتم من فراشى أغالب أمرى حتى اتخذت قرارًا بالرسوم.

وفى ظل تلك الظروف .. وصعوبة تحريك الأصابع لم أجد أى مخرجًا من تلك المشاكل غير ذلك الشئ الذى يبعث فى نفسى الطمأنينة والهدوء وينسىنى الآلام والجراح فكانت أول مرة أحمل القلم عنوة وأخط به خطوطًا ليس لها أساس من الصور واللوحات .. لكننى أدركت أننى لا أرسم بل أفرغ طاقتى المتبقية بعد يوم عمل شاق فى إحدى الأوراق الملقاة أمامى وأعتصر عقلى وقلبى معًا لكى أخرج ما يمكنى من تجاوز لقاء الأم التى لا تعرف إلا المال والمستقبل الجاهز ولا أحمل أيًا منهما على الإطلاق حتى الآن.

ظللت هكذا قرابة النصف ساعة دون فائدة تذكر حتى أنهكنى عقلى حينها أدركت إننى لن أستطيع التفكير بجدية وبتركيز أعلى إلا حينما أنام لكى أستعيد قواى العقلية التى بددها العمل بعدها استسلمت إلى النوم تاركًا ورائى أحلامًا لا تحصى وأما لى لم تحقق.

وفى الصباح... استقلت سيارة أجرة إلى العمل تتأخر خطواتى التى كانت بالأمس تتسابق من أجل العمل أما الآن فتتحسر قدمائى على ما تسعى إليه دون فائدة بعدما شعرت بهدفى يشق طريقه نحو الهلاك.

حينها وصلت إلى العمل وطرقت بذور الشك والحيرة من داخلي وأودعت أوزار نفسي في غيابات العمل حتى يهديني الله إلى الصواب .. فاستمررت في عملي اليومي الروتيني المعتاد بالطبع شعرت بشيء من الملل تجاه ذلك العمل المتكرر لكن زادت من حدته عندما باتت حبيبتي أبعد مني أكثر وأكثر، ولن يحقق لي العمل شيئاً إلا في المستقبل بعدما أقطع شوطاً طويلاً من العمل الجاد والصبر والإخلاص والالتزام.

استمر العمل بروتينية بلهاء حتى انتهى يومي .. بعدها عدت إلى غرفتي في فتور تام وقد غابت عني كل مظاهر الرضا بذلك العمل عندما اختفت من أمام عيني أهدافي المؤجلة.

استلقيت على الفراش في خضوع وخضوع عقلي أيضاً للعديد من التساؤلات المستقبلية التي لم أجد لها إجاباتٍ إلا التأجيل للمستقبل البعيد .. لا شيء مُبشر على الإطلاق .. كيف سأجري تلك المقابلة مع والدة حنان؟ وماذا أعددت لتلك المقابلة؟

هل عندي ما أملكه لكي أحظى بوعدهٍ منها تجاه زواجي بها؟ وهل ستوافق على وضعي الحالي الذي لا أملك به أي شيء من مقومات الزواج؟! استمرت الأسئلة في مراودتي دون إجاباتٍ تُذكر فالوضع معلوم بالنسبة لي كوضوح الشمس في وضوح النهار.. مبتدئ في عملي ولم أدر شيئاً حتى الآن.

مستأجر غرفة بسيطة لا تصلح إلا للعازب ومغترب.

أخطو خطواتي الأولى في عالم البشرية العاملة والتي أحاول بها أن أكن مسؤولاً عن أسرة وأولاد .. فما زال هناك الكثير والكثير حيال ذلك فما العمل الآن؟! وهل سيفاجئني القدر بشيء غير معلوم بالنسبة لي؟!

أم أنني سأحظى بخيبة أمل في ذلك كالتى التمسيتها في كلام حنان؟! فجأة قطع تفكيرى نغمة الهاتف النقال فنظرت إلى الشاشة في عبوس فوجدت والدى يتصل ففتحت الهاتف في لهفة وخجل .. لهفة على السؤال عنه وعن عائلتي

وخجل من أنى لم أهاتفهم طيلة تلك الفترة.. بالطبع لم يتوقعوا كل هذا الجفاء تجاههم وهم أصحاب الفضل الأول فيما أنا فيه الآن عندها فتحت الإسيبكرنظرًا لتكاسلى فى وضع الهاتف على أذنى عندها خرج صوتى المضطرب:

- بابا إزىك عامل إيه؟

- الحمد لله .. إنت عامل إيه يا ابنى؟

- تمام بخير .. إيه أخبار ماما وأختى كويسين؟

- بيسلموا عليك يا حبيبى .. المهم طمنى إيه أخبارك فى الشغل وبتاكل كويس ولا

لأ؟

- الحمد لله ماشى الحال وباكلى كويس ما تقلقش..

- وعمك عامل إيه كويس معاك؟

- أه الحمد لله .. هو بيساعدنى دايماً وبيسلم عليك.

- هو جنبك؟!

- لأ .. بس هو قاللى لما أكلمك أسلمله عليك.

- فيه الخير .. ربنا يكرمه ويكرمك.

- ربنا يخليك يا بابا وما يحرمينش أبدًا من دعواتك.

- خد ماما معاك أهى عابزه تتظمن عليك.

- أيوه يا حبيبى .. إزىك عامل إيه؟

- الحمد لله يا ماما .. إنتى إيه أخبارك.

- بخير يا ابنى وحشتنى أوى.

- وإنتى كمان يا أمى .. صحتك عاملة إيه؟

- الحمد لله يا حبيبى .. إنت مرتاح عندك .. يعنى بتتغطى كويس ومخلى

بالك من نفسك.

- الحمد لله يا ماما.

فالتقط منها والدى الهاتف في لهفة وقال:

- مش عايز فلوس يا باسم؟

- لأ يا بابا .. معايا لسه يقضيني أنا عايز دعواتكم معايا بس.

- ربنا ينوبك اللى فى بالك ويكرمك ويوفقك فى حياتك يا رب.

- ربنا يخليك ليا يا بابا إنت وماما .. هى ليلية فين؟!

- راحت مشوار مع صاحبها يشترى شوية حاجات .. هسلمك عليها أول ما تيجى.

- ياريت يا بابا .. خد بالك من نفسك ومن صحتك.

- إن شاء الله يا ابني .. مش عايز حاجة؟

- عايز سلامتكم يا بابا.

- الله يسلمك .. مع السلامة.

- مع السلامة.

حينها أغلقت الهاتف في حزن ولوعة من الفراق بينى وبين عائلتى .. فلم أحتمل صوت نحيب والدتى التى تبكى كل يوم على فراقى ذلك الشعور الميرى لكل أم فارقت ابنها أو فارقها لأى سببٍ كان .. إحساس لا يوصف إلا بِشَقِّ الأُنْفُسِ كالبِحْرِ الذى انتزعت منه الملح والسماء التى لا يفارقها السحاب والأرض التى لا يفارقها التراب .. وقتما يفترقوا .. إن افترقوا سيعودون قطعاً إلى موضعهم الأول الذى قَدَّرَ اللهُ لهم أن يكونوا عليه.

عندها سمعت طرقات الباب فسارعت بمسح دموعى حتى لا يرانى أحد فى حسرتى وبكائى ثم فتحت الباب فإذا بعمى يزورنى فدعوته للدخول وذهبت أُعد له قهوته المفضلة وحين عدت وجدته ينظر إلى لوحاتى كثيراً وهو ينفس دخان سجائره

ثم قال:

- عامل إيه يا باسم كويس؟

- الحمد لله يا عمى .. إيه أخبارك وأخبار الأولاد؟

- الحمد لله يا باسم .. عامل إيه فى الشغل؟

- الحمد لله .. ماشى الحال.

- رسمك جميل أوى يا باسم.

- ربنا يخليك .. متشكر.

- ما فكرتش تستخدم موهبتك فى الرسم دى فى حاجة تجيبلك فلوس؟

- والله يا عمى ما فكرتش عشان فى ما يتقارنش بالفلوس.

- طول عمرك طالع لابوك.

فنظرت له بامتعاض ثم قلت:

- وماله بابا؟!

- مفيش .. بيحب الفن ومش عايز يهينه بالفلوس .. وعايز يحسنى إن الفلوس

بتبين الفن.

- ده فى حالتين يا عمى لو قارنته بالفلوس أو إتخطوا مع بعض فى ميزان واحد.

- مش قولتلك طالع لابوك .. على العموم أنا كنت عايزك تشوف حد يشتري

لوحاتك أو تعمل معرض ليك عشان تكسب من وراه وتحسن مستواك ودخلك

عشان مستقبلك.

- هو المعرض ممكن .. لكن مفيش حد ممكن يعملهاولى أو حد مؤمن بقدراتى.

- ما تقلقش من الناحية دى .. إتظمن بس فكر إنت وأنا هساعدك. فتهللت

أسايرى من ما سمعت وقلت باهتمام:

- بجد .. يعنى ممكن أعرف أعمل معرض؟!

فارتشف آخر رشفة من فنجان القهوة ثم أعقها آخر أنفاس سيجارته واستطرد

قائلًا:

- بس فكر وقولى ردك بعدين.

عندها قررت أن أملك وقتى للتفكير فى الأمر جديًا حتى لا يصيبنى أى أذى من

جراء تسرعى فى ذلك .. ثم قلت:

- هبلغك أول ما أوصل لقرار.
- وأنا هستناك ماشى.
- ماشى.
- هسيبك أنا دلوقتى عشان أستريح شوية عشان لسه جاى من الشغل تعبان.
- ألف سلامة .. مفيش مشكلة.
- الله يسلمك .. عايز حاجة؟
- سلامتك.
- تصبح على خير.
- وإنت من أهله.

(11)

فخرج عمى من الغرفه عندها خالجنى شعور جميل وممتع جراء فكرة المعرض هذه إنه شىء إيجابى يلوح فى الأفق بعدما تشابكت سحب الغيوم فى سمائى وأعتمت حياتى ومستقبلى .. فى لى تكون شهرة ومال لى فقط بل ستساعدنى أيضاً فى طريقى إلى حنان الذى بات مهدداً بالفشل .. نظراً لطلبات والدتها التى لا تعد ولا تحصى .

لم يكن ذلك بالشىء الهين الذى أتخذ فيه القرار.. لكن الضرورة تبيح الموافقة على ذلك العمل حتى وإن مالت نفسى لغير ذلك أو لم أتعلم عمى الذى يحمل دائماً شيئاً غريباً عن عائلتنا هو حبه الشديد للمال .. فهو لا يتعامل مع المال كوسيلة للعيش لكنه يتعامل معه كمحبوب يجب أن يتبع .. أو أن يرافقه له عدة دقائق يكشف ظهره ويجعله كالشحاذ الذى يشتاق للمال حتى يرضى جوعه .. بالطبع لا ألوم عليه نظراً لمسؤوليته عن زوجة وأولاد يحتاجون كل يوم ما يكفى وأكثر لسبل الحياة من مأكّل وملبس ومسكن وأيضاً مكملات كثيرة .. لكننى ألوم عليه شغفه به الذى قام بتحويله من ساعٍ للمال حتى يغطى مطالب بيته إلى شخصي نهمٍ بجمع المال جاعلاً إياه همه الوحيد .. وتفكيره المسيطر عليه منه .

أخذ عملى يتأرجح كالبنديول يميناً ويساراً لا أعرف فيم أفكر.. أفكر فى حنان وما سألاقيه من تحديات فى مستقبلنا؟

أفكر فى أسرتى التى فارقتهما من أجل لقمة العيش؟

أفكر فى عمى الذى أضاف على كاهلى مشقة التفكير فى أمر محبب كثيراً إلى قلبى؟

أخذ عقلى يترنح بين هذا وذاك حتى قررت أن أخرج من تفكيرى الحائر إلى معشوقى (الرسم) إنها لحظة السعادة المتبقية لى وسط ذلك الزحام المفعم بالأفكار المتراكمة على عاتقى .. كم أشتاق إليها كفاكهة تأتي من بين الأشجار أو كالزهور بين الأشواك أو كحبة الكرز وسط الحدائق تحلى أيامى وتشغل أحلامى وتبعث النشوة داخلى يفصلنى أوقات كثيرة عن الواقع الذى يتمرر لحظات ويحلو لحظة.

أبحر به فى عالم الخيال القرمزى إلى أن أرسو فى عالم السعادة الذى الأقى فيه الأحبة دون الكُرَاه .. المقربون دون الغرباء .. الأصدقاء دون الأعداء حتى أعود بعدها من رحلة مليئة بالسعادة والأمل إلى واقع لا يعلمه إلا الله لكننى وفى تلك الحالة قررت أن أخوض الرحلة وأستمع بها دون النظر إلى الواقع إلا عندما أنتهى منها لعل وعسى أن أجد فى رحلتى مع عالم الخيال ما يهون على غيابات الواقع وتحركات المستقبل البعيد.

أشرقتم شمس يوم الجمعة..

أفضل يوم أشرقتم فيه الشمس..

استيقظت على صوت مذياع الجيران المحدد على إذاعة القرآن الكريم فهى خير ما تسمعه يوم الجمعة .. تبعث فى نفسى الأمل والحياة من جديد وتحمل لى وقتها نسائم الإيمان من كل أركان الدنيا.

ذهبت إلى الحمام كى أعدد نفسى لصلاة الجمعة بعدما تأخرت فى الاستيقاظ نتيجة سهر الليلة التى أرهقت أوصالى وشتنت عقلى .. وأثناء الإعداد للصلاة اجتاحت عقلى بعض الأفكار التى لم تتركنى حتى الآن .. تصول وتجول داخل ذهنى وتؤرقه من حينٍ إلى آخر حتى باتت زائراً غير مرغوب فيه.

حينها قررت طردها وبقوة .. فذلك الوقت لا يصلح للتفكير فى أى شىء آخر غير العبادة انطلق بعدها بقليل أذان الجمعة .. حينها انتابتنى رعشة قوية عندما تذكرت أفضل ذلك اليوم والأحباب الذين كانوا يزوروننا دائماً فى الإسكندرية فى ذلك اليوم.

ثمة أشياء لم تعد تأتي .. وغيرها لم يحضر .. ولم يتبقى لنا غير الحاضر الذى نعيشه، ونحمل أنفسنا على خوضه بعدًا عن الماضى الجميل.

عندها خرجت متجهًا إلى المسجد وبقلب مؤمن استمعت إلى خطبة الجمعة ثم عدت بعد انتهاء الصلاة إلى غرفتى المتواضعة .. فارتميت على فراشى ثم عاودنى التفكير فى أمر حنان مرة أخرى .. حينها قطع تفكيرى صوت الهاتف فالتقطته .. كأن حنان تجلس داخل ذهنى وتقرأ أفكارى لتتصل بى لتخبرنى بها:

- ألو.. فينك يا باسم .. ما بتتصلش ليه؟!

- معلش يا حبيبتى .. أنا بس بفكر إزاي نحل المشكلة اللى إحنا واقعين فيها وكمان مستنى تحددىلى ميعاد مع والدتك عشان أتكلم معاها فى موضوعنا.

- والله .. يعنى إنت قاعد تفكر لسه .. وما وصلتش لحل.

- لسه .. هعمل إيه يعنى .. الموضوع مش سهل.

- طيب عايزاك تقابلنى ضرورى بعد ساعة .. ماشى؟

- أقابلك فين وليه؟!

- فى مكاننا المعتاد وليه هتعرفها لما تيجى .. يلا ما تضيعش وقت

دى حاجة مهمة.

- حاضر يا حبيبتى .. هكون موجود قبل الميعاد.

- باى.

- باى.

أخذ عقلى فى الترنج يمينًا ويسارًا بعدما أغلقت هاتفى فى تعجب .. لماذا طلبت مقابلتى دون ترتيب .. هل هى رغبة فى ذلك أم هناك ما تريد أن تكمل به عبئًا على كاهلى إنه ذلك الوسواس الذى يدور برأسى والذى أرهقنى كثيرًا حتى تمكن منى .. يزورنى كثيرًا حينما يأتينى المجهول فى صورته الضاحكة لى يخبرنى بأننى لن أتمكن من معرفته إلا إذا سرت فى طريقى دون رجوع.

ارتديت ملابسى وأعددت نفسى وغادرت حتى ألحق بالموعد المحدد وبعد فترة
وفى الطريق رن جرس الهاتف فالتقطته فإذا بحنان تتصل مرة أخرى:

- إنت فين يا باسم .. أنا وصلت.

- أنا فى الطريق أهو.

- لسه فى الطريق؟!!

- هعمل إيه الطريق زحمة ومش عارف أوصل لحد دلوقتى.

- طيب أنا مستنياك ما تتأخرش

- مسافة السكة.

- باى.

- باى.

وبعد عدة دقائق وصلت الحديقة ودلفنا سوياً والقلق يزعجنى مما أجهله أتوق
لأن أعرف ما يدور فى نفسها تريد أن تبوح به لى.

وبعد دقائق من السير المتواصل .. جلسنا على إحدى الأرائك القابعة على جانب

الحديقة ثم بدأت حنان بالكلام:

- أنا عندى لىك خبرين حلوو وحش .. أبدأ بإيه؟

- أبدأى بالوحش طبعاً .. خلىنا نحلى بالحلو.

- طيب .. ماما موافقة خلاص على العريس اللى إتقدملى.

- والله .. ببساطة كده؟!!

- أه.

- والخبر الحلو طبعاً إنها مش موافقة عليا.

- إيه ده يا ظريف .. سيبنى أكمل كلامى بجد.

- قولى!

- الخبر الحلو .. إنها هتقابلك قبل ما توافق موافقة نهائية.

- وإيه لازمته بقى ده .. وإننى بتقولى إنها موافقة على العريس.
- عشان تقارن بينكم .. لكن أنا أفنعتها إنها تقابلك بطلوع الروح وأهى فرصة عشان نحاول نقنعها بموضوعنا.
- بصراحة الموضوع ده يقلق بجد.
- فشعرت حنان بأننى أحاول إظهار الحجج وعدم المجرىء وقالت:
- إنت بتحببى ولا لأ؟!!
- طبعًا .. ودى عايزة كلام.
- طيب .. يبقى تيجى تطلببى وتحاول تعمل حاجة عشان نبقى مع بعض.
- أنا عملت كتير ويحاول أعمل لكن أنا فى نظروالدتك ولا حاجة بالنسبة للراجل التانى .. هو جاهز وكله تمام .. لكن أنا لسه مش جاهز حتى الشقة مش عندى .. يعنى أكيد هترفض .. المقارنة كده غير عادلة.
- يا باسم إرحمنى .. ده أنا أفنعتها بالعافية تيجى إنت تقولى الكلام ده دلوقتى؟!!
- أعمل إيه ما إننى شايقة الوضع اللى أنا فيه.
- معلىش بس حاول تفكر وتشوف حل.
- ربنا يسهل.
- وحشتينى.
- فأمسكت يدها بحنان وقبلتها على ظهرها ونظرت إلى عينها مكملًا:
- إن شاء الله .. هعمل كل اللى هقدر عليه عشان أحاول أسعدك.
- ياربيت يا حبيبى.
- ما تقلقيش .. طول ما أنا جنبك .. بحبك.
- نظرت إلى عينها فوجدت مشاعرها تتأجج من فرط مسامع تلك الكلمة ثم نظرت إلى شفتها فى توقع فقالت:
- بحبك أوى.

فذابت مشاعري من نغمة تلك الكلمة .. التي بُعثت من بين شفيتها الرقيقتين
حتى اخترقت قلبي بسهم من سهام الحب الضارية والتي تصيب أصعب أهدافها بكل
سهولة وقوة .. فأخذت أتأملها كثيرًا .. إنها حبيبتي التي سأفعل أكثر ما في وسعي حتى
أحظى بحبها .. فهي تستحق أكثر من ما سأفعله أو يحملني القدر على فعله.
دعوني أصف تلك اللحظة عندما قالت لي: بحبك تلك الكلمة التي توقفت عنها
دقات ساعات العالم أجمع .. لتبعث مكانها أجمل ترانيم الطيور وقلبي الذي اهتزت
أركانه عندما شعر بسهامها المخترقة تنال منه في حنان ورقة كأنه نسيم البحر في
الغسق.

(12)

فلاش بالك,,,

عندما قالتها .. تحرك قلبي من بين ضلوعي .. لقد رأيت مالم أره من قبل عينها
الجميلتين اللائى يحملن أسى معانى الحب والحنان وتبعث سهام الحب إلى عيني
التي استسلمت في خضوع .. تأرجح حروف الكلمة عندما تنطقها برقة ككمان يعزف
دون قيود أو إيقاع محدد,,

الباء: لها نغمة منفردة وتردد من بين شفتيها يجعلك تنتظر ما سيتبعها من
حروف.

الحاء: نغمة أخرى تنم عن كلمة تذيب قلبك وتضعك في حيرة من الأمر والترقب.
الباء التالية: تجعلك تخمن ماهية الكلمة الأخرى والتي تتبعها وتشعرك بالسعادة
القادمة.

الكاف: مطلب كل عاشق وكل هائم .. تبعث إليك برقية تهنئة لما ظفربه من قلب
امتزج فيه قلبها بقلبك وعينها بعينك.

إنها حقيقة ولوعة الحب وسر من أسرار العشق .. تعلن الأفراح داخل نفسك
من فرط السعادة الزائدة التي ستلاقيها حينها.

تلك لحظة من لحظات السعادة التي عاشت وافتقرت من أجلها أناسٌ وأناس
فهل من الممكن أن تظل لحظات من يحب على هذا المنوال أم أن القدر له رأى آخر
في ذلك الأمر.

عندها قاطعتنى حنان:

- مالك يا حبيبي .. فيه حاجة؟! -

- هه .. لأ بس كنت بفكرهعمل إيه مع موضوع ماما ده .. لكن ربنا
يسهل.

فابتسمت لها كثيرًا ثم قالت:

- ربنا يخليك ليا يا حبيبي وما يحرمنديش من حبك العمر كله.

- يااااه من أجمل الدعوات اللى جتلى فى الدنيا.

تأججت المشاعروقتها ولم أنبس ببنت شفة حتى تطرقت لِصَمَمِهَا تجاهى لكننى
أدركت أن نتيجة فعلتى هذه هى إما أن أنال ضربًا مبرحًا من زائرین الحديقة جميعًا
.. وإما أن تقوم حنان بذلك فأخزيت وساوس الشيطان وقلت لها:
- يلابينا نتمشى شوية عشان أنا عارف نفسى .. لو فضلنا قاعدين كده الله أعلم
هيحصل إيه بعد كده.

- هيحصل إيه يعنى إيه؟! -

- لأ .. ما تخديش فى بالك .. اللهم إخزيك يا شيطان.

ففهمت حنان كلامى فانتفض جسدها من جلستها وضربتنى ضربة قوية فى
كتفى جعلتنى أبتسم وابتسمت هى الأخرى حتى التقطت يدها بعد تردد وذهبنا سويًا
لقضاء يومٍ جميلٍ من أجمل أيام العمر.

وفى المنزل،،،

عدت من الحديقة منتشيًا بذلك اللقاء المحبب بالنسبة لى .. حيث غرفتى
المحبية أيضًا إلى قلبى .. لكن لم تقبع نشوتى كثيرًا نظرًا للتحدى المقبل عليه.
حينها قررت الصعود إلى عمى لإخباره بقرارى تجاه عرضه .. طرقت الباب فإذا
بزوجة عمى فتفحه وتدعونى للدخول .. فدخلت فى استحياء فوجدت عمى يجلس
أمام التلفازوما أن اقتربت منه حتى أغلق صوت التلفازثم قال :

- أقعد يا باسم .. إعملولنا شاي.

- مالوش لازمة يا عمى أنا كنت عايز بس..

- مفيش كلام قبل الشاي .. ده إنت في بيتك.

- متشكريا عمى.

عندها أشعل عمى سيجارته المعهودة وأخذ ينفث دخانها بشراهة وفي لحظات خرج علينا الشاي المعهود في حياة تلك العائلة .. فقدمته زوجة عمى لنا في فخر ثم عادت من حيث أتت بعدها ارتشفت رشقات متتابعة من الكوب الخاص بي قبل أن أقول:

- أنا أسف يا عمى إني جيت في وقت متأخر النهارده .. عشان عايزك في موضوع مهم.

- ما تقولش كده .. ده بيتك وتيجي في أى وقت.

- متشكريا عمى.

- خير يا باسم؟

- فاكريا عمى .. أما قولتلى إمبراح على فكرة المعرض.

ففكر عمى ملياً كأن عقله قد صعداً بين يوم وليلة ولم يتذكر شيئاً وبعد دقائق

قال:

- فعلاً .. أنا قولت كده .. إيه حددت قرارك ولا إيه؟

- أيوه يا عمى وأنا موافق.

- جميل .. أهو إنت كده إبتديت تفكري بشكل عملى .. مش زى أبوك.

فنظرت له بضيق نظراً لوالدى الذى يضعه بين حديثنا دون تمييز أو أن يذكره في

شئ هام فتمالكت أعصابى ثم قلت:

- على العموم .. أنا موافق.

- خلاص .. أنا هشوف الموضوع وهبقى أبلغك بالتفاصيل.

- إنت لسه هتشوف يا عى؟!
 - طيب خلاص أنا هعملك المعرض الصبح وهجيب الناس بكره وما تشيلش هم.
 فنظرت له باستخفاف ثم قلت:
 - إنت بهزر يا عى؟!
 - لأ بتكلم جد .. طبعًا بهزر هو المعرض ده بالساهل يا ابني .. ده عايز ترتيبات كتير
 أوى مكان ومطبوعات وإضاءة وديكور وزوار وغيرها حاجات كتير .. ثم إن فيه حاجة
 مين هيتكلف كل ده?
 - مين?!
 - لما ألاقى حد هقولك .. بس المهم تستنى شوية.
 فنظرت له بخيبة ثم قلت:
 - هو مفيش حل نحاول نسرع بيه الموضوع شوية?!
 - ليه?!
 - عشان مزنوق فى فلوس.
 - إنت مش غريب عايز كام قول?
 - مش عايز حاجة ليا .. أنا عايز أكون نفسى ومستقبلى.
 - وإيه وجه الإستعجال ما إنت بتشتغل والحمد لله عايز إيه تانى?!
 - عايز أتجوز.
 - تتجوز?!
 - أه .. إيه المشكلة?!
 - جميل .. بس الجواز مسؤولية ومصاريف وتحس إنك تقدر تفتح بيت وتكون
 مسؤول عنه وكده .. ومتهياى إنك لسه قدامك وقت عشان الموضوع ده.
 - معلىش .. أنا طالب مساعدتك يا عى عشان أظبط أمورى .. ياريت تساعدنى.
 - ما تقلقش يا باسم .. أنا هعمل اللي عليا والباقي على الله.

- ربنا يخليك ليا يا عمى .. أشكرك .. هستأذن أنا بقى.
- على فين يا باسم .. ده إنت لسه ما شربتش الشاى.
- معلش مرة تانية .. عشان عندى شغل الصبح.
- ربنا يوفقك .. تصبح على خير.
- وإنت من أهله.

فخرجت فرحًا قليلًا .. أنتظر إجابة عمى على ذلك الموضوع الهام الذى سيسهل لى مخرجًا من ضائقتى .. ويساهم فى صناعة مستقبلى بشكل كبير,, واتجهت إلى غرفتى المتواضعة .. فبدلت ملابسى استعدادًا للنوم .. بالطبع أحمل فى خلجات نفسى الكثير والكثير.. خوفًا من المجهول يتملكنى خاصة وأنا لا أملك شيئًا لمواجهةته .. لكن إيمانى بالله ومجهودى هو ما أملكه حتى الآن.

مرت الأيام .. يومًا بعد الآخر فى عمل روتينى متتابع .. يبعث على الملل حتى جاء يوم لقائى مع والددة حنان .. لم يكن الأمرهينًا حينها .. لأننى لا أملك وقتها أى مقومات تسمح بتلك المقابلة .. لكننى كنت مجبر على خوض تلك المقابلة نظرًا لمحاولة والدتها تزويجها بشخص آخر .. لكنه بالطبع سيكون يومًا من أصعب الأيام التى ستمر فى حياتى .. وأكثرها قسوة.

فى منزل تقليدى غير ترف,,

دخلت فى خجل بعدما فتحت لى شقيقة حنان الصغيرة وأسرعت إلى الداخل وتركتنى دون أن أجد من يستقبلنى حينها شعرت بأنى شخص غير مرغوب فيه لكن بعد قليل خرجت على والددة حنان وصافحتنى فى وجوم وأجلستنى ثم عرضت على البونبونيرة لكى أحصل منها على قطعة من البونبون لكننى رفضت ترفعًا فى ذلك الموقف الذى لا أحسد عليه .. فأسندت ظهرها إلى أحد المقاعد ثم بدأت فى

الحديث:

- حنان قالتلى إنك زميلها فى الجامعة.

فنظرت لها بخجل مصطنع:

- ده صحيح .. حضرتك أنا زميلها من أيام الجامعة .. من إسكندرية بس عايش

هنا في بيت عمى عشان بشتغل وأهلى في إسكندرية.

- وقاعد هنا لوحدك؟!

- أكيد عشان بشتغل.

- وببشتغل إيه؟

- مصمم في مطبعه كبيرة ومشهورة.

- ومرتبك قد إيه؟

- والله هو كويس عشان أنا لسه متعين ما كملتش شهر.. لكن أكيد إن شاء الله

هيزيد.

- عندك شقة؟

- لأ حضرتك .. بس هجيب أكيد.

- طيب إنت عايش فين دلوقتي مع عمك.

- عايش في إيجار جديد على قدى تحت عمى على بال ما أشتري شقة.

- ومعاك فلوس على كده بقى.

- حضرتك أنا لسه متخرج وبشتغل.

- طيب معاك إيه .. عشان نتكلم فيه؟

- حضرتك أنا بشتغل وأبويا معودنى من زمان إن أنا أعتمد على نفسى وعارف

يعنى إيه مسؤولية بيت وجواز بس أمورى لسه مش مستقرة بس بتمنى حضرتك

تلى طلى.

- اللى هو إيه؟

- إن حضرتك توافقى على الخطوبة بس .. وأنا أوعد حضرتك إنى أحاول إنى

أوضب أمورى وأجهز كل حاجة قبل الفرح وكمان هأجيبها كل اللى نفسها فيه.

- وهاتجيب منين اللى تطلبه؟!
 - هأعمل المستحيل عشان أوفى بوعدى مع حضرتك.
 - يعنى هتجيب منين برضه؟
 - أنا رسام .. وكمان عندى لوحات كتير هأساعد نفسى بالرسم جنب شغلى وربنا يسهل.
 - والله .. هاتصرف من الرسم .. إيه الرسم ده عشان يجيب فلوس .. ده على أساس إن اللى بيشتروا اللوح دول منك مليونيرات.
 - اللوح!!!
 - آه .. مالها مش عاجبك كلامى؟
 - لأ حضرتك .. بس أنا كنت عايز أوضح إني هأقدر أكون نفسى وعندى المقومات اللى تخلينى أكون نفسى ومستقبلى بس محتاج وقت.
 - وقت قد إيه؟!
 - ربنا يسهل.
 - شوف أنا هقولك الخلاصة .. أنا فيه واحد تانى إتقدم قبلك وجاهز وأنا قبيلته فالموضوع خلاص منتهى وأنا حبيت أقابلك بس عشان بنتى مش عشانك ولو إنت مكاني كنت هتختار الجاهز ولا اللى...
 - بس حضرتك.....
 - جاوبنى بس؟
 - الجاهز
 - شرفت.
- فقمتم من مجلسى ألملم ما تبقى لى من كرامة فى ذلك الوقت المرير .. أجزر أذبال الخيبة والانكسار تارگاً ذلك البيت المشؤوم .. وأثناء خروجى وجدت حنان تشاهدنى فى ذلك الموقف الصعب وعيونها تدمع وعينى وقلبى فى نريف مستمر لا يهدأ لقد ضاع الحلم .. فضاعت الحياة.

لقد كتبت تلك السيدة بيديها نهاية حب بائس كتب عليه الموت قبل أن يحيا
وخطت بيدها طريقًا شائغًا لي لكي يمزقني جراء فعلتى الحمقاء عندما تقدمت
لها.. كم أنا أحمق.

كيف لي أن أتقدم لمن أحبها كي أطلبها للزواج دون أن يكون معي أموال؟
وكيف لي أن أدخل بيتها أيضًا وأطلب ذلك من والدتها وأنا لا أملك شقة؟
ولماذا أحببت من الأساس وأنا لا أملك شيئًا وقتها؟

(13)

إنه ليس ذنبى بطبيعة الحال .. لكنه ذنب قلبى الذى شأنه شأن كل القلوب يحب ويعشق دون مقومات مادية .. ليتها كانت تعلم ذلك حتى تدرك أننى فعلت ذلك من أجل الحب.

وبعد اللقاء,,,

شقت طريقى إلى المنزل أحمل على عاتقى آثار الخيبة والانكسار .. أتألم فى كل خطوة أخطوها بعيدًا عن منزل حنان التى لم أشعر إطلاقًا إننى سأرْفُض من أجل المادة ما أتذكره فى الماضى أن الرفض كان من نصيب من هم أقل خلقًا أو أقل علمًا أو مقامًا ونسبًا لكن تغير الوقت وأصبحت المادة تسيطر على ما تبقى من حب إذا وجدت المادة وجد الزواج وإن لم توجد كأن الحب ما كان قائمًا.

مر اليوم مرور اللثام فلم يحالفنى الحظ بابتسامة قط,, فأخذت أرسم فى غرفتى حتى أذن أذان الفجر فصليت ثم ارتديت ملابسى فى موعدى المحدد وذهبت إلى العمل بالطبع لم أنم من فرط التفكير فى الأمر وظللت أشكوهى إلى الله. ذهبت إلى عملى تسيطر على فكرة واحدة فقط .. لم أكن أتوقعها حتى فى أصعب الأمور هى ملاذى القادم..

لكننى من أجلها فعلت الكثير..

لكن الإحباط يدمى القلوب.

لقد قررت أن أستقيل من العمل..

نعم سأستقيل.

وكثيرًا سيحاولون إرغامى على عدم الاستقالة لكننى سأصبر عليها.
لقد تركتني التي كنت أعمل من أجلها .. وأتحمل كثيرًا من أجل نيل حياها
وبقاءها جانبي فلماذا أستمري في العمل؟!
ومن أجل من؟! ولماذا؟!!

بالطبع سأفعل .. حينها شعرت بأني كالمهرج بلا جمهور أو كالطبيب
بلا مرضى.

فلماذا العمل إذن؟!!

كان قرارًا مريئًا لم أقدر على نسيانه .. لكن نفسى أبت أن أستمري في ذلك العمل
دون دافع حقيقي وراء عملي .. وبتركة تحطمت كل آمالي وأحلامي ولم يبق لي سوى
الله وعائلي وموهبتي التي باتت بلا فائدة .. من أجل الحب.

عدت إلى المنزل بعد تقديم استقالتي وبعد عناء وإصرار من قبلي تم قبول
الاستقالة من المدير الذي تعجب كثيرًا من ذلك الطلب لأنني لم أعمل سوى بضعة
أيام معهم لكنه خضع لرغبتى بعد عناء ومماطلة مملة .. لم أشعر بقدماي من فرط
الإرهاق والذي أَلَمَّ بي .. حينها شعرت ببعض الراحة من العمل لكن خاطري لم يذق
طعم الراحة على الإطلاق كان عقلي شاردًا لا يصدق ما حدث لكن الواقع يفرض
نفسه دائمًا .. حينها رن جرس الهاتف بعنف قاطعًا كل الأفكار مرددًا على شاشته
اسم حنان .. ذلك الاسم الذي حينما أراه على شاشة الهاتف يتراقص قلبي من شدة
الفرح لكنني الآن في قمة الحزن والأسى.

بماذا يفيد هاتفها الآن؟!!

هل ستقول شيئًا يطمأنني أم ستؤنبني على عدم جاهزيتي للزواج؟
بالطبع أنهكت الأسئلة عقلي حتى أجبته متلهفًا لسماع صوتها ولو لمرة أخرى.
فالتقطت الهاتف في تردد قبل أن أقول بصوت مجروح:

- ألو.. حنان.
- ألو.. أيوه يا باسم.
- حينها شعرت بالكلمات تنازع من أجل الخروج من حلقها .. ومرارة ليلة الأمس كانت بالنسبة لنا أشبه بالحداد .. لكننى لم أتمكن من حبس دموعه سلكت طريقها على وجنتى ودموع حنان تفضحها هى الأخرى .. فحاولت الاطمئنان عليها
- حنان .. إنتى معايا؟!!
- أيوه يا حبيبي .. أنا معاك.
- كفاية دموع يا حنان .. أنا ما أقدرش أستحمل أكثر من كده.
- غصب عنى والله .. مش عارفه أعمل إيه .. قعدت أتخانق أنا وماما عشان موضوعنا وهى مصممة على الرفض.
- أنا عارف إنها هتفرضنى عشان إمكانياتى .. كل الناس بتحاول توفّر أكبر قدر من الإمكانيات عشان تجوز ولادها وده حق الناس كلها وأنا مقدرده بس المفروض كمان يعملوا حساب للحب إنه أهم من الإمكانيات .. ولو إتوفر الحب مع قليل من الإمكانيات الجواز بيكون أحسن.
- وما قولتش الكلام ده لماما ليه؟!!
- قولت أكثر منه لكن والدتك عايزة واحد غنى عشان يسعدك .. ده مفهوم السعادة عندها مقياسه الفلوس.
- أنا كنت بكلمك عشان احتمال دي آخر مرة نتكلم فيها.
- ليه إيه اللى حصل؟!!
- اللى كان طلبنى للجواز كلم ماما إمبارح عشان بيعى يقابلها النهارده ويتكلموا فى تفاصيل الجواز.
- إنتى بتقولى إيه؟!!
- زى ما سمعت .. ماما موافقة عليه وغاصبانى أتجوزه وانا مش بإيدى حاجة.
- شكلك كده موافقة إنتى كمان؟

فصمتت حنان قليلاً محاولة تجاهل كلماتي الجارحة والتي أشعرتني بالخجل

ثم قالت:

- إنت فاكِر إن ماما أصلاً قابلتك بعد أما إتجايلت عليها وهي كانت مقتنعة

بالراجل ده

ووافقت تقابلك بس عشان خاطر ترضيني.

- فاكِر يا حبيبتى .. فاكِر.

- على العموم أنا حبيت أكلمك عشان أشوف حل للمشكلة اللي إحنا فيها دي.

- بصراحه مش عارف نعمل إيه .. الحلول أنا طرحتها لوالدتك وهي مش موافقة

على أى حل منهم.

- يعنى إيه الحل هنفضل ساكتين؟!

- أنا عاوزه أقولك على حاجة.

- قول.

- أنا سبيت الشغل.

فتعجبت حنان مما قلت باندهاش وهي تقول:

- بتقول إيه؟!

- استقلت من الشغل.

- إنت مجنون؟!

فحاولت أن أتمالك أعصابي من ما قالته فهي صدمة أخرى ثم قلت:

- لقيت مفيش فايدة من الشغل بعد ما إترفضت فسبيت الشغل .. عشان مش

هو الشغل اللي بحبه وقبلت بيه بس عشان خاطر ك.

- حتى الحاجة الوحيدة اللي كانت عاملاك قيمة سيبتها.

حاولت أن أتناسى ما قالت مرة أخرى لكننى لم أحتمل هذه المرة:

- بدل ما تقطميني شوفي إيه السبب في كده .. والدتك هي اللي حالي مش

عاجبها.

- مالکش دعوة بماما.

- ما هی السبب.

- ما هو انت لو كنت جاهز تمام .. كانت وافقت عليك.

- حتى لو كنت مش جاهز فيه فترة خطوبة أقدر أحسن وضعى فيها.

- أنا مش عارفه أعمل إيه .. أنا تعبت معاك .. ضيعتني وضيعت شغلك.

- ما هو مفيش حلول عشان نتجوز إلا إنك تقنعى ماما إننا نتخطب وأحاول

أحسن من أمورى وبعدها نتجوز.

- ماما مفيش فى دماغها إلا الجاهز ومش مقتنعه أصلاً بيك .. مفيش

حل تانى؟

- لأ .. هوده الحل الوحيد.

- ببساطة كده.

- ولو عايزانى إقنعى أمك.

- أنا بجد تعبت منك يا باسم .. وافتكرك إنك عايز تضحى بيا.

- إنتى اللى ضحيتى بيا عشان عريسك الجاهز اللى فضلتيه عليا.

- مفيش فايده فيك .. أنا قولت اللى عندى وانت حر .. العريس جاى النهارده

وأنا مضطرة إنى أقعد معاه .. شغلك سيبتته .. ومش جاهز بأى حاجة من أساسيات

الجواز .. حتى أنا قاسى عليا .. يبقى إنت اللى اخترت وماتلومنيش على أى حاجة

هتحصل.

وأغلقت حنان الهاتف بعدما أنهت كلامها فعبثت وجهى ووسعنى الضيق من

تصرفاتها السلبيه .. ماذا أفعل فى ذلك الموقف الصعب؟!

هل سأتركها تزوج بغيرى وأنا أحبها وتحبني؟!

فحاولت أن أعيد الاتصال بها مرارًا وتكرارًا لكننى وجدت هاتفها مغلقًا لعل

كلامى معها لم يكن لائقًا ندمت من نفسى وأسفت لحالى الذى تدهور بسبب الحب

ليتنى لم أحب.. أو أذق طعم الحب.

لو كانت الحياة بلا حب لما دامت الحياة..

لكن وجبت المادة معه ..

فإن لم يتواجدا سويًا لما دام الحب,, ولما دامت الحياة لكنها لن تبقى إلا وسيلة

للاستمتاع بالحب.

حينها سمعت طرقًا على الباب .. ففتحت فوجدته عى فأجلسته محاولاً رسم

البسمة على وجهي قليلاً ثم قال:

- عامل إيه يا باسم .. كويس.

- الحمد لله .. إزاي الولاد كويسين.

- نحمد الله .. إيه أحوالك.

- زفت يا عى.

بالطبع لم أجد أحدًا كي أفضفض معه وأنا في تلك الحالة البائسة غيره هو

فقال:

- خير فيه حاجة لا سمح الله؟!!

- أنا سببت الشغل يا عى.

- ليه يا ابني إيه السبب؟!!

- مفيش شوية مشاكل في الشغل كده.

- هو إنت لسه لحقت يا ابني؟! .. ده إنت ما بقالكش حوالى يومين أو ثلاثة.

- كل شغل وله مشاكله.

- ومتضايق عشان كده بس ولا فيه سبب تاني؟

- لأ يا عى .. هي دى مشكلتي محتاج فلوس عشان أكون نفسى.

فضحك عى وقال:

- ليه عندك عروسة ولا إيه؟!!

- مش دى المسألة .. كل الحكاية إني عايز أكون مستقبلي عشان بعد كده

أعيش حياتي مرتاح.

- أخيرًا بدأت تفكر بمنطق صح .. منطلق الفلوس عشان تحقق ذاتك .. شوف يا باسم من حسن حظك إن عندنا وظيفة خالية في الشركة .. لسه فاضية إمبارح بس هيا مالهاش علاقة بالرسم .. إيه رأيك أشوفالك يمكن تنفعك .

- ياريت يا عمى .. أى شغلانة المهم يكون مرتبها حلو .

- من الناحية دى إتظمن .. مرتبات الشركة عالية بس حسب شغلك وما تقلقش أنا هبقى معاك ومتابعك .. قوم نام وارتاح دلوقتي وبكرة إن شاء الله هشوفالك .

- متشكر جدًا .

- ولا يهكم يا حبيبي .. تصبح على خير .

- وإنت من أهله .

بعدها أسلمت نفسى للنوم دون عناء أوسهر .

مراليوم ..

بحكم الفراق على قلبى .. بعدما أدركت أن كل ما كان بينى وبين حنان قد تاه فى ظلماته .. لقد انتهى حبي إكلينيكيًا تجاهها نتيجة نقود لا ترقى لمستوى الحب الذى لا يقايب بها فى يوم من الأيام .. أخذت أتذكر كل ما حدث بيننا من أيام الماضى وأفكر فى كل موقف نشأ بيننا وأيضًا آخرها محاولًا استيعاب السبب من الذى كان السبب فى فراقنا .. أنا أم القدر أم هى أو والدتها كل المواقف تشير إلى أن الحب لم يكن سلعة لتشتري عندما نشأ بيننا، لكن الفراق بات هو النهاية التعيسة لقلوب لم تتخذ لحمها إطارًا عائليًا حقيقة لم أرغب فى أن يظل رقم هاتف حنان على هاتفى الخاص بعدما أدركت منها أنها تحمل موافقة مبدئية على ذلك الرجل الذى تقدم لخطبتها أمم أقصد لشرائها .. هل يعرفها جيدًا حتى يتقدم لها؟! أم يحاول جاهدًا للحصول عليها بأى ثمن؟

(14)

وقليلاً من الأفكار تجعلني أحتقر نفسي بعدما أضعت عملي ولم أحاول فعل شيء من أجلها وتبين مدى لا مبالاتي بأشياء هامة بالنسبة لي.

مرَّ ذلك الصراع في عقلي بعدما استيقظت من نومي مرور اللثام حتى أنهكه من فرط التفكير لم أستفد منه إلا بشيئين .. أولهم بأنني لا أستحق أن أحب قبل أن أعد أساسيات وماديات الزواج كاملة والثاني هو الاستقرار على العمل حينها تحمست لتلك القرارات وقررت أن أعاد غرفتي الضيقة لكي أخرج إلى فضاء الدنيا الواسع بحثاً عن العمل المناسب لكي تسير حياتي بشكل صحيح وبالإطار الذي أتمناه لها. غادرت في طريقى للبحث عن عمل وأخذت أبحث عنه يميناً ويساراً وفي شتى الاتجاهات .. لم أترك شيئاً حتى ولو لم أكن أعلم عنه شيئاً فبحثي عن ذلك العمل فاق التوقعات ولست أملك رفاهية الاختيار.

دخل الليل على الشوارع وأنا مازلت أبحث عن العمل .. بالطبع أثق قليلاً في عي أنه سيحاول جاهداً مساعدتي للحصول على وظيفة .. لكنني لا أحب أن أترك شيئاً للظروف فقررت البحث حتى لا أعلق نفسي بأمال قد تهتك وتتساقط أمام عيني كسابق عهدا.

حينها قررت أن أعود للمنزل حتى أسترح قليلاً وقررت إكمال ذلك في الصباح وبعد فترة طرق الباب بعنف وفي أعنف ما يكون فانتفضت من مكاني وأسرعت إلى الباب وفتحته فإذا بعى يصبح:

- إنت فين يا ابني؟!

- عمى؟!

فتنفست الصعداء وأزدردت لعابي بصعوبة بالغة ثم قلت:

- إيه اللى حصل؟ فيه حاجة؟!

- لأ مفيش .. أنا بس قعدت أخبط عليك لكن ما رديتش عليا فقلقت عليك ..

إنت كويس؟!

- الحمد لله يا عمى .. أنا كنت بره بس ولسه راجع من شوية .. اتفضل.

- حمدلله على السلامه يا ابني.

- الله يسلمك يا عمى.

فحاولت أن أغادر الغرفة فنادانى قائلاً:

- رايح فين يا باسم؟!

- هعملك القهوة اللى بتحها.

- مالوش لزوم أنا جاى أقولك كلمتين وماشى.

- خير يا عمى.

- أنا عايز أبشرك بإن فيه واحد صاحبي اللى ماسك التعيينات كلمته عنك وعن

الرسم ومهارتك فى التصميم وعايز يقابلك بكره عشان الموضوع ده.

فتهلل وجهى كثيراً ثم قلت:

- يعنى كده إتعينت؟!

- تقريباً أه .. لكن ناقص إنك تاخذ ورقك كله معاك عشان المقابلة وكمان إنت

عارف إن مفيش شغل من غير مقابلة.

- طبعاً يا عمى .. أشكرك قوى.

- العفو .. المهم المقابلة عشان تقنعه بيك حاول تعمل اللى عليك .. زى ما أنا

عملت اللى عليا.

- تمام يا عمى .. لسه فيه حاجة ناقصة!؟
- فيه حاجة تانية هبقى أقولك عليها بس مش دلوقتى .. لكن المهم دلوقتى إنك تستلم شغلك إن شاء الله فى الشركة وبعدها هقولك.
- طيب ما تقولى دلوقتى يا عمى .. إنت كده قلقتنى.
- لأ ما تقلقش .. بس هقولك لما بيحى وقتها .. المهم تتعين بس دلوقتى.
- حاضر يا عمى ومتشكر أوى .. طيب هروح الساعة كام والعنوان فى.
فقام عمى من مجلسه متجهًا إلى مكتبى الخاص وسحب ورقة وقلم وكتب قليلًا ثم أعطانى الورقة ثم قال:

- هتروح لأستاذ عصام فى العنوان ده وتسأل عليه السكرتيرة وتقابله ومعاك الورق .. أنا أصلًا موصيه عليك بس الباقي عليك إنت وإن شاء الله يصدر قرار بتعيينك وأنا هتابعه معاك .. تمام.

- تمام.
فَهَمَّ عمى بالخروج فاستوقفته:
- طيب ما تقعد معايا شوية.
- معلش يا باسم محتاج ارتاح شوية .. عشان كان عندى النهاردة ضغط شغل وكمان ما نمتش من امبارح.
- زى ما تحب يا عمى وأشكرك مرة تانية.
- الشكر لله .. تصبح على خير.
- وإنت من أهله يا عمى.

فأغلقت خلفه الباب وارتيمت على الفراش فى سعادة بالغة وأخذت أحمد الله على عنايته بى وأدركت أن العمل والحصول عليه وعلى ما يعادله من احتياجات لن يأتى إلا بالسعى والاجتهاد حتى وإن لم تستفد بشيء منه .. فيكفيك شرف المحاولة. حينها أدركت أن الخطوة المطلوبة الآن هى أن أطلب حنان على الهاتف لأبشرها

بحصولي على وظيفة أخرى في محاولة حتى لا تضيق مني فالتقطت الهاتف واتصلت

بها فأجابت على وقالت:

- ألو.. أيوه يا باسم.

- ألو وحشتيني يا حنان.

- إنت عامل إيه؟

- بخير.. إيه مالك صوتك مش عاجبني؟!

- لأ مفيش دا أنا بس عندي شوية برد.. المهم إنت إيه أخبارك؟!

- الحمد لله.. أنا عايز أبشرك بحاجة هتعجبك قوى.

- خير يا باسم؟!

- أنا بكره.. إن شاء الله هاستلم شغل في الشركة اللي شغال فيها عى وإن شاء

الله هيكون معايا فلوس عشان نشوف حياتنا ونبنمها سوا.

- بجد يا باسم.. أهوده أحلى خبر سمعته النهارده.

- ربنا يخليكي يا حبيبتى.. بس أنا كنت عايزك تحاولي تحدديلي ميعاد تانى مع

ماما بس فُدّام شويه عشان أكون فاتحت والدى في موضوعنا عشان يساعدنى لحد

الخطوبة وأبقى أتصرف أنا بعد كده.

فصمتت قليلاً قبل أن تقول:

- إن شاء الله.. بس إنت اشتغل الأول وربنا يسهّل.

- إنتى عامله إيه.

- أنا بخير.. بس عندي شوية برد تا عيبتي أوى.

- ألف سلامة عليكى يا حبيبتى.. خدى دواء عشان يخف طيب.

- أنا باخد وربنا يسهّل.

- طيب يا حبيبتى.. هبقى أكلمك لما أستلم الشغل أولك.

- ماشى يا حبيبتى.

- مع السلامة.

- مع السلامة.

وهممت بإغلاق الهاتف لولا أن سمعت صوتًا انتزع قلبي من مكانه فقلت:

- حنان إيه الصوت ده؟!

- أيوه .. ده صوت فرح عندنا في الشارع.

حاولت تصديق كلماتها لكنني سمعت منها صوت الأحران ينبعث من بين شفرتها
فقلت لها:

- فيه إيه يا حنان .. قوليلي ما تكديش عليا فيه إيه؟!

أزادت كلماتي أوجاع حنان حتى انفطرت في البكاء وأسقطت دمعةً حارًا دمعة تلو
الأخرى كدمعة ملاك أبت أن تخرجها حتى تظل البسمة ساكنة على وجهها
حينها شعرت به يتسلل إلى قلبي كالسكين الحاد الذي يمزق الأشياء إربًا إربًا
فتسلل القلق إلى نفسي وقلت:

- قوليلي يا حنان فيه إيه عشان أحاول أعدل الأمور.

لم أتلق الإجابة إلا بعدها فقالت:

- أنا اتخطبت النهارده.

- إيه .. بتقولي إيه؟!!!!!!

حينها شعرت بقلبي يتحطم بأبرد الطرق .. وخيم الحزن على أطلال قلبي بسرعة
بالغة لم أر خلالها شيئًا به .. كضربِ طُمَسٍ على عينه كل ما في الدنيا التي كان يرى
بها كل من أحب وقلبه الذي كان يشعر من خلاله بكل من يعشق. لقد باتت الحياة
بلا أمل ولا هدف ولا حتى حبيب .. فأغلقت الهاتف في ذهول .

فأجهشت عيني بالبكاء .. تلك أول مرة تعرف عيني معنى الدموع الحارقة
 إحساس مرير كمرارة الصبار في الحلوق .. لقد سلبت مني الحياة أعز وأعلى الناس
 إلى قلبي وتركتني أنعم في الوحدة بإرادتها لا بإرادتي .. هل لى أن أصبر نفسى كباقي
 الناس وأقل (قسمة ونصيب) أم أننى كنت السبب في ذلك المصير الذى أعانيه الآن
 وحدى .. كم من العشاق لم تكتمل حياتهم معاً وكم من المحبين لم تبق قلوبهم سويًا
 وكان الفراق سيد قلوبهم؟!

إلى متى سيظل الفراق هو سيد الحب؟!

يأمره بأن ينتهى فى أى وقت يشاء .. ويباعد بين القلوب فى كل لحظة وحين.
 لقد أطل البين علينا وعلى قلوبنا بوجهه المشؤوم حتى فرق بينى وبين حبيبتي
 لكن معركتى معه ستظل للنهية بل وستظل أيضًا إلى الأبد.

وفى اليوم التالى!!!

مَرَّتُ ما جال بخاطرى فى الماضى القريب وقررت العمل من أجل البقاء دون
 الحزن على الأطلال .. فذهبت رأسًا إلى الشركة التى يعمل بها عمى وبالفعل تمت
 المقابلة ونجحت بها ليس من أجل عمى لكن بسبب أننى كنت أفضل السيئين كما
 يقولون وبالفعل تسلمت عملى فى قسم التسويق كمصمم دعائى لم أكن أملك
 الخبرة بالطبع فى هذا المجال .. لكننى كنت مؤهلًا لاستخدام برامج التصميم ولم
 آخذ كثيرًا من الوقت لتعلم خواص عملى الجديد.

بعدها سرقنتى دوامة العمل الجديد مرددًا فى عقلى..

وماذا بعد الآن؟!

لم أجد حنان بجانبى الآن .. فلماذا ولمن أعمل؟!

ينتابنى الملل فى بعض الأحيان نتيجة فقدانى الهدف الرئيسى من وجهة نظرى وهو حنان.

تدور فى ذهنى كثيرًا نوبات من الصراع تكاد تزورنى كلما قررت التخلص منها يشرد ذهنى كثيرًا فى سبب فراقى أنا وحنان .. وفى إحدى الشوارد دلف على عى أثناء عملى مقاطعًا:

- إيه أخبار الشغل معاك يا بطل؟ إن شاء الله يكون بخير؟

- الحمد لله يا عى .. كله بسببك.

- لأ .. إنت اللى إختاروك عشان كنت أفضل واحد متقدم للوظيفة دى.

- ده ما ينكرش إنك كنت السبب الرئيسى فيه.

- أنا أهم حاجة عندى تكون إنت بخير.

- الحمد لله يا عى .. بخير.

- كنت عايز أتكلم عل شده موضوع ممكن؟

- أه .. أوى .. أوى .. إتفضل.

- شوف يا إبنى أنا عايز مصلحتك وإنت عارف كده كويس .. بس عايزك تفكر

بعقلك شوية وتركن قلبك وعواطفك شوية على جنب .. عشان تعيش عيشة كويسة وتكون مرتاح فيها بدل ما تتلطم.

- مش فاهم حاجة.

- على العموم .. هتفهم بالليل هعدى عليك نتكلم مع بعض شوية عشان الكلام

مش هينفع هنا.

- مفيش مشكلة.

- تعالی معایا دلوقتی.

- علی فین؟!

- نسلم علی المدير ونشکره علی شغلك الجديد.

- واجب برضو.

فسحبني عمي كأنما يجرق قطعة أثاث من مكانها وأنا أتبعه في استسلام بعدها
دلفنا إلى غرفة المدير فوجدت فتاة تكبرني بعدة سنوات تجلس على مكتب فخم
وكرسی مذهب وعلیه أدوات كُثُر فهمست في أذن عمي قائلاً:

- يلا يا عمي عشان نخش عند المدير.

- ما إحنا عند المدير.

- طيب ما تقول للسكرتيرة تدخلنا عنده.

- دى مش سكرتيرة.

- طيب دى مين؟!

- هى دى المدير.

فجحظت عيناي من فرط المفاجأة .. أول وهلة أرى مدير شركة يملك جمالاً
رائعاً كهذا أو تكن من نفس المرحلة العمرية التي أخطوبها الآن عجباً .. تجلس كأنثى
متربعة على عرش القلوب في ثقة وكبرياء تأمروتنهى باسم الحب قلوب العاشقين من
أثر القلوب بها وتعلق المحبين بمفاتها.

حينها انطلق الكلام من فم عمي قائلاً:

- صباح الخير حضرتك .. أنا جيت مع ابن أخويا باسم عشان نشكر حضرتك

على تعيينه معانا في الشركة وإن شاء الله يكون عند حسن ظن سعادتك.

فأكملت قائلاً:

- أشكرك يا فندم.

فرمقتني بنظرة استكبار ثم نظرة فاحصة فاحصة وأخذت تتحرك من حولنا في

الغرفة ثم قالت:

- شاب وسيم فعلاً.. لكن قولى إنت مرتبط؟
- تعجبت كثيرًا من السؤال .. ما هو دخل ذلك الموضوع بالعمل لكن قررت أن أريحها خاصة بعد نظرة عمى لى تعجلنى بسرعة الإجابة فقلت:
- لا.
- ولا حبيت قبل كده؟!!
- حبيت.
- ولسه مكملين مع بعض؟!!
- تأففت من أسئلتها والتى تسألنى إياها وهى تدور وتحور فى الغرفة وتقولها بكل برود وصفاقة أمام عمى دون أخذ أى اعتبار له عندها زغدنى فى كتفى كى أكمل فقلت:
- لأ.
- ويا ترى إيه السبب؟!!
- ده شىء ما يخصكيش.
- فاستشاطت غضبًا قبل أن تقول:
- أنا كل حاجة تخص موظفينى لازم أعرفها حتى لو شخصية.
- فرد عمى:
- أسفين يا فندم هو لسه جديد وما يعرفش.
- فقالته بلهجة حادة:
- على العموم مش هحاسبك على الكلام ده عشان إنت لسه جديد وعشان خاطر عمك ولو اتكررت تانى .. إسأل عمك أنا ممكن أعمل إيه.
- فكرر عمى الأسف قائلاً:
- أنا هعرفه غلظه حضرتك.
- عندها خرجنا من مكتبها إلى مكتبى بعدما أشارت لنا بالخروج فقلت لعمى:

- إيه البت أم نص لسان دى؟! -

- البت اللي مش عاجباك دى صاحبة الشركة ورثتها عن أبوها وهى اللي بتمشيها على مزاجها وهى عندها حب فضول كبير جدًا وبتحاول تعمل علاقات كتير مع الناس.

- وده يديها الحق إنها تعمل فينا كده؟! -

- هى صاحبة الشركة وهى شايفه إنها لازم تعرف كل حاجة عن اللي بيشتغل عندها وخصوصًا اللي فى سنهيا.

- واشمعنى بقى اللي فى سنهيا؟! -

- دا كلام يطول شرحه .. خلص شغلك وبعد الشغل نبقى نتقابل على القهوة اللي جنب البيت عشان نقعد نتكلم شوية.

- أولك.

بعدها غادر عى مكتبى عائداً إلى عمله وبعد انتهاء العمل ذهبت إلى الكافيه المتفق عليه فوجدت عى قد سبقنى وطلب قهوته المفضلة فطلبت إحدى العصائر الفريش وبدأ الحديث.

- شوف يا باسم .. الموضوع وما فيه إن البنت دى والدها متوفى وأمها صاحبة مرض .. لكن هى اللي علمتها التفاجر على الناس وإن الناس مش من مستواها وده عملها عقده وخلاها بتدور على عريس .. لكن مفيش حد بيعرف يتعامل معاها كلهم عل شده عد الشركة وميراثها من أبوها وكمان أمها لما تموت هتورث هى عزبة وفيلا عليها .. قصر الكلام .. إنت الوحيد اللي عرفت من غير ما تقصد تتعامل معاها وأنا شايف إن ظروفك مش تمام ومحتاج فلوس كتير عشان تكون نفسك وتشوف مستقبلك .. فأنا شايف إنك تتجوزها وتعيش ملك وترتاح من كل الهموم اللي إنت فيها.

- إيه يا عى اللي بتقوله ده .. ده أنا ما طيقتهاش ربع ساعة تقولى أتجوزها.

- يا إبني إنت عاملتها بالأسلوب الصح .. وده هيخلها مكسورة شوكتها طول

عمرها وبعدها هتكون حياتك أحلى وانت معاك فلوس وشركة وأنا اللي هبقى شغال عندك وكمان زوجة يعنى مفيش بعد كده يعنى .. كل حاجة جايلك على طبق من ذهب أهو.

- ما ينعفش يا عمى .. أنا ما بحسبش الموضوع بالشكل ده أبدًا.
- طيب .. إنت بتحسبه إزاي؟!

- أنا بحسبه بالحب والمشاعر والمشاركة بين الإثنين اللي بيتجوزوا مش بالفلوس.
- ما تأخذنيش يعنى .. هو إنت خدت إيه من الحب .. أو على الأقل هتاخذ إيه منه مش هينوبك يا ابني غير سهر الليالي لوحدك تفكر فيها وهى مش سائلة فيك وكمان تحب فيها واحتمال تكون هى ما بتحبيكش وفي الآخر هتتجوز واحد غيرك عل شده عد تعد النجوم وتندم على اليوم اللي عرفتها فيه.

لم يكن يعلم عمى بما حدث بيني وبين حنان لكنه مَسَّ الجرح وضغط عليه بعنفوان، ربما كان معه حق فيما قال لكننى لن أقدر أن أخالف قلبى مهما كانت الأسباب فالزواج حياة بكل ما تحمله الكلمة من معنى .. فلا أعتقد أننى سأتغاضى عن مبدأى نظرًا لزيادة رصيدي من المال أو لمكانة عالية .. بل الحب والتفاهم والود هم سبيلى للحياة مهما بلغت مشاكل عنان السماء سيظل الحب سيد أمرى.

عندها قال لى عمى:

- فكر فى الموضوع كويس وإوعى تتسرع عشان ما تضيعش الفرصة دى من إيدك وشوف مصلحتك بدل ما إنت بتدور على الحب بس .. بكره لو وافقت بيعى مع الفلوس وتبقى ما حرمتش نفسك من حاجة.

فقمنا من مجلسنا ودفع عمى الحساب وعدنا سويًا إلى البيت .. لم يتركنى التفكير فيما قاله عمى فكلما تغاضيت عنه .. أتذكر ما فعلته معى حنان حينها أفكر فى عرض عمى .. ربما كان هو المخلص الوحيد لى من المآزق النفسى الذى يحاصرني دائمًا .. لكننى قررت الهروب حينها فى غرفتى بالرسم.

الرسم الذى فارقتة طيلة الأيام الماضية .. نتيجة تزامم الأيام والهموم والمشاكل التى لا حصر لها فى حياتى .. فأخذت أرسم وأرسم حتى أفرغت ما بداخلى على الأوراق دون أن أشعر إننى أسقطت على الورق دمعةً ودموعًا كانت هى وحدها السبب فيها . وفى اليوم التالى ,, ذهبت إلى عملى فى حيرة من أمرى أفكر كثيرًا فيما طرح على .. لكننى اعتقدت أن تلك العلاقة ستكون هى المفتاح السحرى لحل مشاكلى جملة وتفصيلاً وراودتنى الشكوك كثيرًا فى ذلك الأمر .. لكن جراحى كان لها النصيب الأكبر حينها للتدخل فى قرارى سواء بالقبول أو الرفض .

وقتها وصلت إلى مكتبى وبدأت فى العمل وما أن أنهيت بعض أعمالى حتى تفاجأت بشيء لم يكن فى الحسبان . إنها مديرة الشركة تدخل مكتبى فجأة .. وما سمعته عنها أنها لا تذهب إلى الموظفين فى مكاتهم .. بل يذهب الموظفون إليها عندما تطلب ذلك . حينها شددت عودى ووقفت فجأة أمامها أتعجب من ما رأيت .. فعرضت عليها الجلوس فأبت أن تجلس ثم قالت :

- مش مهم أقعد .. المهم إنى أتكلم معاك شوية .

- مفيش مشكلة .. إتفضللى .

- أنا هكون صريحة معاك .. إنت شديتنى أول ما شوفتك وعشان كده كنت

عايزة نكون أصحاب ولو عرفنا نتفاهم مع بعض ممكن نتخطب وهكذا .

فتعجبت من جرأتها المبالغ فيها وقلت :

- هو طبعًا شرف ليا إن إحنا نكون أصدقاء .. لكن إننا نتخطب دى تعتبر بالنسبة

لى من رابع المستحيلات .

- وليه بقى إن شاء الله .. مش قد المقام ولا إيه؟!

- العفويا فندم .. بس أنا ظروفى المادية ما تسمحش بكده وأكيد ده شىء معروف

بالنسبة لك .

- عارفه بس ده أكثر حاجة شدتنى ليك .. ظروفك وما تشيلش هم الماديات المهم

إننا نتفاهم .

- مادام الأمر كده .. مفيش مانع.

- أوكى .. هقابلك فى المطعم اللى جنب الشركة بعد الشغل.

- تمام .. مفيش مشاكل.

حقيقة عرض صريح ومغرى بالنسبة لى .. ولم أكن أتوقع أن تكاد تحل جميع مشاكلى فى غمضة عين لكن كما يقال الفرصة لن تأتى إلا مرة واحدة فإن لم أحسن استغلالها فلن تأتى مرة أخرى.

وبعد فترة انتهى العمل والذى كانت شهيتى مفتوحة له فقامت به على أكمل وجه وخرجت متجهًا إلى المطعم فى عجلة حتى وجدتها قابعة على إحدى المناضد تنتظرنى فأسرعت إليها ودعتنى للجلوس.

فى البداية..

أخذت أنظر إلى المطعم .. إنه مطعم أنيق يتضح من مكوناته أنه غالى الثمن ولا يقدر عليه من هو مثلى لكنها نظرت إلىّ وكأنما تفهم ما تنضح به عيني وطمأنتى بعينها على اتفاقنا وأنها هى من ستكفل بثمان هذا المطعم حينها طلبنا طعام الغداء ومن ثم تناولناه إلى أن فرغنا منه ثم بدأنا نتبادل أطراف الحديث:

- إيه أخبار الشغل معاك .. كويس؟

- الحمد لله .. ماشى الحال بس متعب شوية.

- عل شده بس فى الأول .. لكن بعد كده الأمور بتتحسن.

- أنا كنت عايزة أحكيك عن نفسى شوية.

- إتفضلى.

- أنا وحيدة بابا وماما .. بابا توفى وسابلى الشركة أتحمل مسؤوليتها ومن حسن

حظى إن أنا كنت بشتغل معاه قبل ما يموت بشوية

ولولا الفترة دى كان زمانى مش عارفة أدير الشركة أبدًا ولو يوم واحد.

- وبعدين؟

- بس ورثت الشركة باللى فيها .. لكن مستقبلى لسه ما كملش .
- أعتقد كده مش ناقصك حاجة؟
- لأ .. ناقصنى أهم حاجة.
- إيه هى؟!
- الجواز .. ناقصنى زوج يحافظ عليا ويحمينى وأحبه ويحبينى وكمان يحافظ عليا من الناس اللى ممكن تطمع فى الشركة.
- أه .. حتى لو كان على قد حاله زى كده؟!
- أيوه .. عشان أنا واثقة إنك إنسان كويس.
- متشكر.
- ممكن تحكىلى عنك شويه؟
- أه .. أوى أوى .. أنا متخرج من فنون جميلة ومن إسكندرية .. لكن عشت معظم حياتى فى القاهرة كان عندى مشاكل أى شاب عايز يتجوز وهو لسه متخرج وما لعفش يشتغل ويجيب أساسيات الزواج .. لكن الحمد لله اشتغلت.
- فى الشركة؟!
- قبل الشركة وفيها وكنت على علاقة قديمة مع زميلتى فى الكلية لكن ما حصلش نصيب بسبب إمكانياتى المادية.
- خسارة إن أى علاقة تتفركش بسبب ماديات .. ويعدين؟
- مفيش .. سيبنا بعض عشان أمها لقيت لها عريس غنى ومعاه فلوس وفضلته هى كمان عليا لما وافقت عليه.
- مش جايز إنها كانت مجبرة عليه من أمها أو عشان ظروفها المادية ضيقة شوية.
- ولو .. ده يخلها تضحى بحياتنا كلها وبعشرة العمر فى ثوانى عشان عريس معاه فلوس .. أكيد الفلوس هتخلص.
- وبطلت تكلمها؟!
- طبعاً .. وركزت فى شغلى عشان أكون مستقبلى.

- حكاية غريبة.

- فعلاً وإنّى أعرب ما فيها؟!

- ليه؟!

- عشان عمرى ما شوفت واحدة تروح تقول لواحد تعالى نتصاحب وبعدها

نتخطب وكده طيب الرجالة تعمل إيه دلوقتى؟!

- ولا حاجة .. مفيش أنا بس بحب أكون صريحة عشان ما أضيعش وقت.

- عملية يعنى.

- بالضبط كده.

مر الوقت دون أن نشعر بأى ملل بل أفرغت ما بداخلى من الآم وهى أيضاً حتى

استراحت نفوسنا بذلك وعدنا إلى بيوتنا سالمين.

مرت الأيام وعلاقتنا تتوطد أكثر فأكثر حتى أتى يوماً لم أدر ما سيحدث فيه هيا

نرى.. ذهبت فى أحد الأيام إلى عملى كعادة كل يوم .. وما أن مر الوقت حتى طلبتني فى

مكتبيها فذهبت لها فقالت لى:

- إزيك يا باسم .. عامل إيه؟

- الحمد لله .. وإنّى؟!

- بخير.

- كنت عايزة أطلب منك طلب؟!

- أوامرى.

- كنت عايزاك تيجى تقابل ماما النهارده.

- ليه؟!

- عشان تتقدملى.

- وهو أنا وعدتك بحاجة.

- يعنى إيه؟!

- يعنى اتفارقنا كان واضح من الأول لو متوافقين هنتخطب وكمان قولتلك لما ظروفى تتحسن شوية.

- يعنى مش هتيجى؟!!

- لأ.. وكمان مش تاخدى رأيى فى حاجة زى دى .. هو إنتى عايزة تحرجينى وخلص.

- لأ طبعًا .. بس أنا شايفه إنه الوقت المناسب.

- وأنا شايف غيركده.

- يعنى مش هتيجى برضه.

- لأ.

- بعد كل اللى صرفته عليك .. جاى تقولى لأ.

فنظرت لها نظرة نارية غاضبة وصحت بها:

- صرفتى عليا إيه .. هو إنتى أمى ولا أبويا .. ده كان برضاكى عشان ترضى رغبتك

إن يبقى معاكى راجل والسلام .. فحاولتى تشتريه بالفلوس .. لكن لأ أنا أسف مش أنا الراجل ده.

- طيب إنت مرفود.

(16)

فالتقطت ورقة وقلم من على مكتبها وكتبت استقالة سريعة ووضعتها أمامها على مكتبها وألقيت القلم عليها فانزلق بينها وبين المكتب على الأرض فشعرت بالإهانة ولكنني قلت لها قبل ذلك:

- دورى على إنسان يحبك وتحبيه .. مش يحب فلوسك.

وتركتها مغلقاً الباب بعنف ورائى حتى أننى لم ألقى لعمى بالأ وأنا أغادر الشركة لم أعد أحتمل أى خلافات أو مشاكل تُنغص على حياتى .. لا أدرى هل أنا مخطئ حقاً أم إننى أسير فى الطريق الصحيح حينها عدت إلى بيتى الذى هو ملاذى الوحيد وسط تلك المشاكل المحيطة بى.

لم أعد كسابق عهدى رومانسى حالم .. لكننى أصبحت الآن عملياً بانس أبحث كل فترة عن عمل لا يروق لى لسبب ما .. لكننى أهوى الاستقرار تعلمت كثيراً من الرسم ولكننى لم أتعلم منه أكثر من الصبر والصبر أولاً وأخيراً .. فعندما أرسم لوحة أخذ فيها وقتاً كثيراً ربما ساعات أو أيام أو أشهر لكننى وإن تسرعت بها لم تظهر بالشكل المطلوب وإن أخذت وقتها ستظهر أفضل ممّا أتخيل .. هكذا المستقبل كما يجب أن يكون.

وفى إحدى الأيام,,,

كنت أتصفح شبكة الإنترنت كعادتى لتعلم كل ما يطرأ على الرسم من جديد وإذا بى أجد شيئاً لم يتسنى لى أن أدركه من قبل.

لقد وجدت محاضرة في إحدى ورش الرسم كما يطلق عليها وشخص في مثل سنى تقريباً يضع معلومات كورس للرسم وبه رقم الهاتف والعنوان في البداية لم تكن الفكرة قد نالت منى .. لكننى الآن في حاجة ملحة إلى العمل فجمعت بعض المعلومات .. وأخذت أفكر جدياً في الأمر.

وبعد تفكير مرير توصلت لخوضى تلك التجربة .. وأعتقد أن عندى كل ما يلزم للتعليم من دراسة وخبرة في الممارسة والموهبة على حدٍ سواء وقتها أردت أن أبدأ بتأجير مكان مناسب وبالفعل بحثت عنه كثيراً إلى أن وجدته ولكنه يحتاج مالياً كثيراً في البداية .. فلم أجد مجالاً للحصول على المال سريعاً بدون العمل إلا عن طريق حبيباتى .. لوحاتى العزيزة.

طيلة حياتى لم أكن أريد أن أبيع إحداها أو حتى جميعها .. لكننى كنت أؤمن بأنها أغلى شىء فى حياتى فضلاً عن أنها هى إرثى الوحيد لكننى لم أجد مجالاً إلا للتضحية بشىء ما أوريما بأعز وأغلى الأشياء فى سبيل الوصول إلى مبتغى .. فالتقطت بعضاً من اللوحات ونفسى تؤنبنى على تلك الفعله لكننى عندما أتذكر أننى سأدفع ثمنها لبناء مشروعى المفيد والذى سوف يضمن لى العمل فى مجالٍ أحبه أفضل عندى من أى شىء فى الدنيا.

أصعب لحظات على الفنان الحقيقى فى أى مجال هو أن يتركه فنه ويرحل مقابل مادة أو شىء من هذا القبيل .. فما بالكم بى وأنا الذى أقدم على بيع لوحاتى بإرادتى. تعثر عقلى كثيراً قبل أن أقطع أحياله وأذهب إلى إحدى الأتيليمات التى تقتنى تلك اللوحات .. فى البداية كانت لا تريد اقتنائها بحجة عدم وجود أموال أو أن الأتيلية لا يتسع به مكان لعرضها فيه .. وبالتالى كنت أغادر وأررد فى ذهنى تلك الجملة الشهيرة (رضينا بالهم والهم مش راضى بينا).

وبعد البحث المضى وجدت معرضين قسمت عليهم أعمالى فجنيت مبلغاً لا بأس به منهم ونويت الإعداد للمشروع.

في البداية..

تعاقبت على المكان وبدأت ببعض الطلبة من خلال الإعلانات اليدوية والتي توزع في الشوارع وبعض الأدوات الأساسية للطلبة وبدأت المحاضرات.

بالطبع كنت أرهب فكرة التدريس في البداية لأنني أول مرة أقم بها.. لكنني تقدمت فيها رويدًا رويدًا إلى أن وصلت إلى التميز فيها.

مرت الأيام مرور الكرام.. وفي إحدى الليالي جاءني عمى بزيارته المعتادة فأدخلته ثم أردف يشعل سيجارته قائلاً:

- عامل إيه يا باسم .. كويس؟

- الحمد لله .. إنت عامل إيه يا عمى؟

- بخير .. بس متضايق شوية.

- ليه .. أه .. قصدك عشان سيبت الشغل.

- يا ابني إيه حكايك .. هو كل شغل تقعد فيه شويه وتمشى ما ترسى على بر.

- ما إنت ما عرفتش ايه السبب اللى سيبت عشانه الشغل.

- وإيه السبب يا ترى!؟

- الهانم عايزانا نبقى أصدقاء وبعدها مخطوبين وراحت حددت مع أمها معاد

من غير ما تاخذ رأيي في أى حاجة .. وكمان بتعايرني عشان الفلوس.

- وإيه اللى مزعلك يعنى .. طيب ما انت مش معاك فلوس هي مش دى حقيقة.

- ده إحنا لسه أصدقاء وبتعايرني .. طيب لو بقيت جوزها بقى هتعمل معايا

إيه!!

- يا ابني ما تبقاش قفل بقى .. أنا عايزك تركز في مستقبلك وتعرف مصلحتك

فين.

- لأ يا عمى .. أنا خلاص مش ناوى أرجع لو إيه اللى حصل أهانتني .

- يعنى أغيب كام يوم في السفر للشغل .. أجي ألاقك عامل كده في نفسك.

- معلش يا عى .. أنا لقيت شغل تانى .. مشروع صغير عملته ومبسوط فيه.
- مشروع إيه؟!
- ورشة لتعليم الرسم.
- يا ابنى إنت مش هتفوق من اللى إنت فيه.
- ليه؟!
- كل أما أكلمك فى شغل تقولى رسم.
- ما تنساش إن أنا متخرج منه يا عى.
- يا ابنى 100 مرة قولتلك .. الدراسة شىء والشغل شىء تانى خالص.
- معلش يا عى .. أنا اخترت خلاص وكمان عايز أشكرك على اهتمامك بيا وعلى الشغل اللى جيبتهولى فى الشركة.
- بالطبع لم يكن يهتم عى أو يقتنع بأى كلمة أقولها والدليل على ذلك أنه أطفأ سيجارته بقليل من العنف وخرج قائلاً:
- مفيش فائدة فيك.
- كنت فى حاجة ماسة للحديث مع أحد أحبه .. لقد بعد عنى الأحباب جميعهم لكننى لم أجد سوى الحاضر الغائب .. حاضر بروحه وغائب بجسده (أبى) لقد افتقدته كثيراً .. فهاتفته:
- عامل إيه يا بابا.
- باسم .. الحمد لله يا ابنى .. إنت عامل إيه؟
- بخير يا بابا .. وإنت صحتك عامله إيه؟
- الحمد لله يا ابنى .. بس أنا زعلان منك يا باسم.
- ليه يا حاج طيب؟!
- عشان ما كلمتناش بقالك مدة.
- والله الشغل تاعبنى أوى .. وإزايّ ماما وليلى كويسين.

- الحمد لله.

- هما فين؟!

- ماما نايمه .. أصحمالك؟!

- لأ .. مفيش داعى.

- وليلى؟!

- راحت تجيب شوية حاجات من خالتك.

- طيب سلمى عليهم.

- عامل إيه فى الشغل؟

- أهو هو ده المشكلة.

- ليه خير؟!

- هحكيلك.

وبعد سرد طويل قال لى أبى:

- شوف يا ابنى .. أنا ياما زمان اشتغلت كتير وما عمّرتش زيك فى شغلانة وده
عشان كل واحده كان فيها مشكلة شكل .. بس لما كبرت رضيت بأقل مشاكل فى
شغلانة عشان أعيش وعشان كمان لازم أرسى على بر .. واللى عملته صح عمك
عشان عملى زيادة عن اللزوم فمممكن يتغاضى حتى عن حاجات أساسية عشان
شغله .. لكن قيمتك فى شغلك .. لو مالكش قيمة يبقى ما ينفعش تشتغل.

وبمرور المكاملة .. أدركت أنى على حق فيما حدث مما أراحتى نفسيًا حتى انتهت ..
بالطبع كان الخلاف بين أبى وعمى فى ذلك المبدأ لكننى كنت على خطى والدى فى ذلك.
مرّت أيام كثيرة ومشروعى يزداد نجاحًا ومعرفة والعديد من الطلاب يتوافدون
حتى قررت التوسع نظرًا للعدد الكبير الذى طلب الانضمام إلى الكورس ومع مرور
الوقت قمت بالتوسع وازداد المشروع توهجًا وبريقًا.

إلى أن جاء يوم .. انقلبت فيه حياتى رأسًا على عقب.

لقد حضرت الكورس فتاة جميلة ورقيقة .. ترى في عينها بريقًا لامعًا يجذبك إليه في الوهلة الأولى .. لفتت انتباهي وشدت تلايبب قلبي في عنفوان، ورموشها عندما تتحرك أشعر بحركة غريبة تعتمل داخل نفسى .. لقد خطفت قلبي وعقلي عندما وجدتها تتفاعل معى وسط المحاضرات وفي الرسم تعطى نتائج ماهرة عن باقى الطلبة .. تنظر إلى نظرة حاملة تشف ما بها من مشاعر .. إنها حقيقة ليست بجملم.

وتجدد عهدى معها عندما علمت بوجودها بالكورس ولم تتغاضى عن أى محاضرة تعشق الرسم مثلى وتحاول أن تصل إلى أعلى مستوى فيه ومن الملفات الخاصة بالطلبة علمت عنها الكثير .. اسمها منقسم من اسمى (بسمة) وعلمت أيضًا بعض المعلومات العادية ولكن ما لفت نظرى هو أنها خريجة فنون جميلة فسعدت كثيرًا نظرًا لوجود تشابهات كثيرة في حياتنا ومن هنا قررت أن أترك صمتى ونظراتى جانبًا وأتحدث إليها ولقد وجدت المدخل فهنيئًا لى بها.

وفي إحدى الأيام،،

وجدتها قابعة في قاعة الانتظار بمفردها فاتجهت إليها وجلست بجانبها فتعجبت من ذلك في بادئ الأمر فقلت:

- مساء الخير.

- مساء النور.

- إنتى خريجة فنون جميلة.

- أه .. فعلاً.

- كنت عايز أعرف بس إنتى خريجة فنون جميلة .. بتاخدى كورس رسم ليه مع

إن رسمك رائع .. أعذرينى ده حب استطلاع بس.

- ولا يهملك .. كل الحكاية إنى بحب الرسم جدًا لدرجة إنى حبيت أحسن مستوايا

ويس.

- شىء عظيم .. أنا برضو خريج فنون جميلة.

- بجد.
- آه .. ولو عايضة حاجة قوليلي ما بهمكيش.
- ميرسى.
- أنا شايف إن فيه حاجات مشتركة ما بيننا.
- ده شىء جميل يا مستر.
- بدون ألقاب.
- بس ما ينفعش.
- على الأقل ما بينى وبينك.
- وبعد تردد واحمرار الوجنتين:
- طيب يا باسم.
- أول مره أحب إسمى.

فابتسمت فى خجل وشعرت بأننى أهتم بها وبأمرها مما جعلها تدرك حقيقة مشاعرى تجاهها ومن ناحيتى لم أكن أتوقع إننى سأقع فى الحب مرة أخرى.

مرت الأيام،،

والورشة ما زالت تعمل بكل طاقتها وبسمة تتحسن رويدًا رويدًا فى الرسم إلى أن قفزت فى ذهنى فكرة .. يجب أن أستفيد من موهبتها ودراستها تلك يجب أن أعرض عليها أن تشارك فى التدريس معى حتى أستفيد من موهبتها ودراستها ولكى تبقى بجانبى دائمًا .. فى البداية لم تقبل لأنها شديدة الخجل لكن بإصرارى وطمأنتها بأننى سأظل جانبها فى العمل لم تردد فى أن تقبل بذلك .. بعدما تأكدت من تحسنها والذى أهله لذلك العمل.

وبعد أيام،،

كثرت الطلبة وأخذت أتوسع فى الدعاية وتقنين أوضاع الورشة وفعلت كل ما جاء بذهنى للدعاية المتاحة وفى إحدى الأيام جلست معى بسمة لكى تشاركنى أفكارى..

لقد أصبحنا الآن كشريرين أنا بالمال والورشة وهى بالعلم والحب لقد شعرت تجاهها بحب لم يكن بالحسبان .. يكاد يكون أعلى وأسمى من حبي لحنان .. وفى تلك المقابلة تبادلنا الأفكار لتحسين مستوى العمل:

- باسم .. إيه الحكاية .. شايفاك متضايق؟!

- لأولا حاجة .. أنا بس مهموم.

- من إيه؟

- الشغل الحمد لله ماشى بدرجة كبيرة .. بنعلم كتير وندخل معارض أكثر .. هو

ده الهمّ بعينه.

- طيب وده همّ إزاي؟!

- طبعا .. همّ كبير .. كل ما ننجح أكثر كل ما همومنا والتزاماتنا ناحية الناس

تبسكبيرة ونبقى مسؤولين عن إننا نكون فى خدمتهم دايماً.

- مش ورشة الرسم دى من أحلامك اللى كان نفسك تحقّقها.

- طبعا.

- طيب إيه المشكلة دلوقتى؟!

- المشكلة إنى خرجت من التوسعات فلوسى قليلة وناقصنى دعاية كبيرة تعوض

اللى إتصرف.

- وفكرت فى أى نوع من الدعاية؟

- قولت بدل ما أعمل دعاية ورق وساعات بتترى فى الشارع وساعات محدش

بيقراها .. نعمل دعاية فى الجرنال .. هتبقى أفيد وأضمن.

- ومشكلتك الفلوس طبعا؟

- أه.

- طيب بص يا باسم .. أنا كنت شائلة مبلغ أكيد هيساعدك هديّهلك واعمل

الدعايا وإن شاء الله ربنا هيوفقك.

- لأ.. لا يمكن أبداً .. إنتى بتقولى إيه يا بسمه؟!
- زى ما سمعت يا باسم .. هجيبلك الفلوس بكرة .. بعد كده إعمل الإعلان.
- ما يصحش يا بسمه أنا قولتلك عشان آخذ رأيك مش عشان آخذ فلوسك.
- ولا يهكم فلوسى وفلوسك واحد .. وإحنا شركاء مع بعض مش كده ولا إيه؟
- طبعاً شركا فى كل حاجة.
- يبقى تاخذ الفلوس منى وتعمل الإعلان وكمان هزعل منك لو ما قولتليش على
حاجة بعد كده وكنت حساس من ناحيتى.
فابتسمت لها قليلاً ثم قلت:
- وأنا ما أقدرش على زعلك.
فنظرت إلى نظرة حب وود شفت عن ما بداخلها تجاهى .. لم أكن أتوقع منها تلك
التضحية التى تصعب على أناسٍ كثيرين .. فهى اختارت أن تبقى بجانبى دون
النظر إلى المال .. تلك التضحية بينت لى مدى تفاهمها معى وحرصها على مساعدتى
فى حياتى مهما تعثرت الحياة.

وفي اليوم التالي...

اكتملت أموال الإعلان وذهبت إلى إحدى الجرائد المشهورة ذات الانتشار الواسع وقمت بعمل الإعلان وذكرت اسم الورشة وكتبت على الإدارة بالإعلان اسم بسمة فقط .. عرفاناً متى لما ساعدتني به من أجل ذلك الإعلان ورأيت أنه كان واجباً حتمياً على.

وفي ورشة الرسم..

أخذت حنان في تعبئة بياناتها أولاً قبل أن تعلم بجدول المحاضرات ومن ثم حضور المقابلة الأولى للتعرف بي وببين الطلبة جميعاً .. وبالطبع لم أكن أعلم بذلك لكنني فوجئت بها وفوجئت بي في وقتها .. فلم أكن أتخيل أو أتوقع على الإطلاق أن أراها مرة أخرى أمامي هكذا .. وهي لم تكن تتوقع ذلك على الإطلاق.

في البداية حاولت أن أهرب من الموقف .. لكنني تماسكت لما رأيته من كم هائل من الطلبة الذين لهم الحق في سماعي بالمحاضرة التي سألقمها .. لقد قطفنا أنا وبسمة ثمار أول طرح للإعلان .. ولكنني لم أتوقع أن أجنى بعضاً من الأشواك معها. حاولت تجاهلها وتصنعت الانتباه للطلبة .. وعندما تتجه عيني إليها أجدها منتبهة إلىَّ جيداً.

استمر هذا الحال قرابة النصف ساعة قامت بيننا النظرات مقام القلوب تتحدث بعنفوان عن ما مضى..

بنظرات العتاب ..

ولوعة الأحباب ..

وحينما انتهت المحاضرة،،

توقعت مالا يحمد عقباه .. لقد تبعنى حنان إلى مكتبي بعدما دلفت إليه
وشعرت بأن الموقف يتأزم أكثر.. لقد انتهت حياتي مع حنان .. فلماذا أنت؟ ولم؟!

حينها سألتها:

- وهو إنتى مش عايزه تنسينى بقى؟

فأجابت حنان:

- أنا ما أعرفش إن أنا هلاقيك هنا .. أنا هحكيلك.

عودة بالذاكرة،،

فى إحدى الأيام .. كنت أجلس فى بيتى مع أمى وأقرأ جريدة الصباح كعادتى وأثناء
تقليبى فيها وجدت الإعلان فقرأته ثم قلت لوالدى ونحن نتناول طعام الإفطار:

- ماما .. فيه كورس رسم جميل وتكاليفه مش كبيرة .. ممكن أروحه؟

- ليه يا بنتى ما إنتى خريجة فنون جميلة .. وبعدين اللى زيك ممكن يدرس فيه

مش يتعلم منه.

- معلش ما هو مفيش حاجة بتيجى بالساهل .. يمكن لما أعمل كده أعرف

أعملزهم وافتح زهم مكان أو ياخدونى معاهم لما يعرفوا إنى فنانة.

- وكمان أنا عندى فراغ جامد ومحتاجة أرفه عن نفسى وألاقي حاجة تشغلنى أنا

بصراحة مليت من قعدة البيت.

- هه .. طيب هعملك إيه زى ما تحبى.

- ميرسى يا ماما.

- ومن وقتها جيت لما عرفت إن بنت اسمها بسمه هي اللى ماسكة الكورس مش إنت.

- طيب إنتى مش قولتى إنك كنتى جايه عشان بسمه .. روى بقى لبسمة عشان ما تعمليليش مشكلة.

فتعجبت حنان وتحركت بقلب مجروح وقالت:

- أعملك مشكلة ليه .. فيه إيه بينك وبينها؟!

- إسمعى الكلام بقى وامشى من هنا.

- مش ماشية قبل ما أعرف إيه اللى بينك وبينها؟!

وفجأة وبدون أى مقدمات دلفت بسمه إلى المكتب دون طرق .. فهى لم تعتد طرق بابى عند الدخول فهى شريكى وحتى هذه اللحظة حبيبتى.

- أنا هقولك إيه اللى بينى وبينه.

فساد الصمت الغرفة .. وتجهمت وجوهنا للحظة صادمة حينها أصبح الصراع مريراً إلى أبعد مدى فقالت بسمه:

- أنا شريكته فى العمل .. وفى الحياة .. أحبه ويحبنى منذ أن التقينا وأما عن سر اهتمامك بذلك فلا يهمنى ماضى باسم .. لكن حاضره ومستقبله هو شغلى الشاغل.

فنظرت إلها متعجباً من ردة فعلها فقالت حنان:

- وما يهملكيش إنى أنا كنت أول حب فى حياته .. وإنى لسه بحبه لغاية دلوقتى.

فبدا قليلاً من التأثر على وجه بسمه واجتهدت حتى أخفته ثم قالت:

- وأما إنتى بتحبيه سيبتيه ليه .. ولا حنىتى لأيام زمان.

- ما تقول حاجة يا باسم .. قولها عن حبنا .. عن أيام الجامعة.

- كفايه كده يا حنان أرجوكى أنا وبسمة بنحب بعض وما عنديش استعداد إنى

أسيها لو إيه اللى حصل.

فشعرت حنان بفقدانها ماء وجهها فى ثوانٍ بعد كلامى لها فقررت الخروج

بسرعة

تدمع دموعاً غزيرة تنشق لها البحور إجلالاً لمجراها .. دمعة ملاك .. تلك الفكرة التي تراودني عندما تدمع حنان .. أشعر حينها بأنه ليس لها نصيباً إلا من الجراح في حياها.

هل يحدث ذلك لأنني مازلت أحبها حقاً وأشتاق إلى أيامها؟! أم أنني ابتغيت إرضاء نفسي على حساب قلبي؟!

حينها أشعر بسهام الحب تدمى قلبي عندما تدمع وهي تفرقني.. فماذا عساي أن أفعل؟

حينها تبعتها بسمه هي الأخرى تدمع أيضاً فلحقت بها فلم تستجب لندائي عليها إلى أن أمسكتها من ذراعها وأوقفتها ثم قلت لها:
- إستنى يا بسمه إفهى الحكاية.

- حكاية إيه؟! خدعتني وما قولتليش عن ماضيك وحطيتني في موقف الجاهلة بالإنسان اللي حبيته وخليت صورتى وحشة قدامها .. كل ده ليه؟!

- إنتى مش فاهمة دى كنت بحبها أيام الجامعة .. لكن حصل ظروف وانفصلنا ومن ساعتها مفيش علاقة بيننا وأول مرة أشوفها كان النهارده وكان بالصدفة والله .. والإعلان هي قرأته ومش جاية عشاني دى جاية عشانك إنتى.

فتعجبت وقالت:

- عشاني أنا؟!

- أه .. أنا لما عملت الإعلان حطيت إسمك إنتى بس تقدير للى عملتيه معايا والفلوس اللي إديتيمالي وهي كانت بتحسب إن المحاضرة بنت عشان كده جت ولما شافتني في المقابلة استغربت زّي تمام .. وبعد أما جيت المكتب جت تفكرني بحبها .. لكن صدقيتي .. الصفحة اللي تتقفل في حياتي لا يمكن أبداً أفتحتها وللأبد.

عندها نظرت إلى وجه بسمه فوجدت بوادر البسمه على شفاها فتطلعت إلى عينها فوجدت بريق الحب يتبختر بين جنباتها فضممت يدها إلى صدرى وقلت لها:

- انتهى الماضى خلاص .. واللى جاى أجمل وأحلى معاكى إنتى وبس.

فقالتم لى:

- أنا بحبك يا باسم .. وعشان كده ما أقدرش أشوف واحدة تانية تيجى وتاخذك

منى بالسهولة دى.

- وأنا كمان بحبك يا حبيبتى .. وما أقدرش أعيش من غيرك وقريب إن شاء الله

فيه مفاجأة ليكى.

- مفاجأة إيه؟!!

- ما أقدرش أقولها لك دلوقتى وإلا ما تبقاش مفاجأة.

- أوكى.

حينها أصلحت ما يمكن إصلاحه بعدما حاولت حنان أن تبعثر ما تبقى لى من

حياتى .. أعلم أنها ما زالت تحبى وأنى ما زلت أحن إليها فى بعض الأوقات كحب أول

فى حياتى .. لكننى اخترت أن أكون بقلبى مع بسمه.

وبعد تلك اللحظة،،،

أصبحت علاقتى ببسمه مترنحة قليلاً نتيجة زيارة حنان لنا .. لم تعد تأتى إلى

المحاضرات .. لا أدرى ما السبب هل هى رغبتها فى عدم إكمالها وخصوصاً أنها لا

تحتاجها أم خوفها من مواجهتى ومواجهة بسمه والتي لم تستطع فى السابق التعامل

معنا.

وفى إحدى الأيام،،،

طلبت بسمه مقابلتى على وجه السرعة .. لا أدرى ماذا تريد مرة أخرى؟ وعلامات

الغموض تحيط بكلماتها .. فذهبت إليها مسرعاً إلى إحدى الكافيات وما أن دلفت

بداخله حتى وجدتها فى انتظارى وعلامات التحفز تطل من عينها فجلست أمامها فى

تعجب وقلت لها:

- بسمه .. عاملة إيه؟

- أنا بخير.. وإنت؟

- الحمد لله .. خير مالك فيكى حاجة؟!

- لأ.. مفيش غير إني كنت قاعده في حالي .. قومت لقبيت الصورة دى.

ففتحت هاتفها الخلوى ثم وجهته تجاه نظرى حتى رأيت شيئاً عجبياً رأيت إحدى الصور التى كانت تجمعى أنا وحنان أيام الدراسة وهى قابعة تحت ذراعى فقالت لى بسمه:

- انظر إلى الأسفل.

فحركت الصورة فرأيت تاريخاً مدون منذ أيام أى بعد مقابلتنا فى الورشة وحينما تأكدت من التاريخ نظرت إلى بسمه فوجدت التساؤلات تفضح عيها فقررت الخوض فى ذلك الحديث والله معى.

- بسمه .. جاتلك منين الصورة دى؟!

- جاتلى من رقم غريب.

- تقريباً من حنان .. أكيد هى اللى بعثتها.

- ما أنا عارفة إن أكيد هى اللى بعثها .. بس إيه تفسيرك للتاريخ.

- أولاً الصورة دى متصورة من زمان وفعلاً كنا أيام الدراسة ساعتها أما بخصوص التاريخ ف..

- إيه متلخبط ليه؟!

- لأ مفيش .. هتلخبط ليه .. التاريخ اللى مكتوب تاريخ ديجيتال يعنى المفروض تكون متصورة بكاميرا ديجيتال وإحنا كنا مصورينها بالموبايل.

- ما هو يمكن مصورينها بموبايل فيه إمكانية عرض التاريخ.

- هو فعلاً كده بس دى من أيام الجامعة.

- طيب ودى؟!

حينما نزلت على الصاعقة لقد بعثت لها صورتي وأنا أقبلها على وجنتها وهى

التي جعلت الإقناع يكن بمثابة هروب غير مبرر.

- إنت بتحبها للدرجة دى؟! -

- لأ طبعا .. الكلام ده كان زمان .. والله أنا بحبك إنتى دلوقتى وهى عايزة توقع ما بينى وبينك عشان بتحاول ترجعى.

- إوعى يكون دخل عليك إنى صدقت حكاية الصدفة اللى تمت .. للدرجة دى لسه عايز تقابلها وفرحان بلمتنا كبنتا حواليك.

- أنا بحبك بجد يا بسمة .. فكرى كويس وما تخليش الغضب ينسيكى حينا.
- قول الكلام ده لنفسك .. لو كنت عملت حساب للحب ده كنت حافظت عليه وما ضيعتوش من إيدك .. لكن حاولت إنك تجمعنا سوا من غير ما تضحى بأى حاجة عشان حينا.

فقامت من مجلسها وحاولت الذهاب ولكنى أمسكت بيديها بقوة وقلت لها:
- إستنى .. أرجوكى.

- أرجوك إنت سيبنى أمشى .. وعلى العموم أتمنالك حياة جميلة معاها.
فجذبت يدها بقوة ثم غادرت المكان بسرعة حتى أنها تعثرت فى إحدى المناضد وهى فى طريقها إلى باب الخروج.

ومرت الأيام وبسمة لم تعد تأتى إلى الورشة ولم تفتح هاتفها حتى ذلك الوقت لم تعد حلاوة الأيام موجودة بعدما تركتني لقد اعتدت عليها وعلى وجودها بجانبى .. فقد كانت تشاركنى فرحتى وأحزانى وفى إحدى الأيام فوجئت بحنان تحضر إلى الورشة وقد دلفت إلى مكتبى قائلة:

- شوفت بقى مين اللى بيحبك دلوقتى.
- إنتى عايزة إيه منى تانى .. فرقتى بيننا عشان نفسك وما همكيش قلبى واللى عملتيه فيه.

فقالت بغيظ وحنق:

- إنت بتحبها بجد؟! -

- يعنى بهزر معاها.

- لأبس ما توقعتش إنك هتكون بتحيتها للدرجة دى .. أنا قُلت هما يومين وهيعدوا

وبعدهما ترجع لحبك القديم.

- صعب جداً .. وأكيد مستحيل.

- وليه .. طيب؟!!

- لأنك سيبتينى فى أكثر وقت أنا كنت محتاجلك فيه وروحى اتخطبتى لواحد

جاهز ومعاها كل حاجة .. وكمان والدتك مارضيتش تجوزك ليا عشان مش معايا

الى

يكفينى .. لكن على الأقل لو كانت صبرت عليا يمكن كان الوضع اختلف وبقيتى

معايا وكان زماننا عايشين عيشة كويسة دلوقتى .. لكن والدتك استسهلت وإدتك

لحد عمره ما حبك لمجرد إن ظروفه المادية كويسة وقابلت بسمة واتعرفت عليها

وظلعت جدعة معايا وساعدتني بفلوسها عشان أعمل إعلان الجورنال وحببتها

زى ما حبيتك بس الفرق ما بينك وما بينها إنك إتخليتى عنى وهى فضلت جنبى

وساعدتني .

- كل ده شايله جواك؟!!

- وأكثر من كده.

(18)

فاتجهت حنان نحوى وضمتنى إلى صدرها بعدما أسقطت دمعتين من فرط العذاب حينها ترفعت عن ذلك قليلاً نتيجة ما حدث لى منها لكننى أسلمت نفسى لها فشعرت بالحنان الذى افتقدته وحضنها الذى اشتقت إليه واحتوائها الدافئ والذى يندثر فى نفسى فأحطت ذراعى بها حتى ذابت بين أوصالى وانحنى رأسها على رأسى.

حينها كانت المفاجأة .. لقد دخلت علينا بسمه دون سابق إنذار فوجدتنا فى ذلك الموقف المحرج وهو الذى جعلها تتأكد من أن الصور تعتبر حقيقة لا محالة حينها حاولنا شرح الأمر لها فلحقنا بها بعدما غادرت لأنها كانت قد غادرت والدمع ينزلق من عينها غزيراً مريراً حينها أمسكتها حنان من يدها وأجلستها على إحدى الأرائك فى بادئ الأمر فضمت بسمه الإنصات لكنها سرعان ما عدلت رأسها بعد إصرار حنان:

- بصى يا بسمه .. أنا هشرحك كل حاجة .. أنا وباسم كنا بنحب بعض زمان واللى بيننا حب كبير بجد لكن أنا كانت نفسيتى سيئة لدرجة إنى بحاول إنى أرجع حى لباسم لكن ما عرفتش إن حبه ليكى هو اللى غطّى على حبه ليا وعشان كده حاولت إنى أخذه منك .. أنا عايزه أعترفلك بحاجة.

- إتفضلى.

- أنا اللى بعنت الصورة.

- طيب ما أنا عارفه .. إنك أكيد إنتى اللى بعنتى الصورة دى.

- بس أكيد مش عارفة .. إن أنا اللى كتبت التواريخ على الصور عشان أكمل

الموضوع لصالحى وأفرق بينكم.

أخذت أستمع لتلك الكلمات في حيرة .. هل من الممكن أن يحدث ذلك من حنان
التي أحببتها أم أن الحب وحده يجعل الإنسان كالجرّيح يعصف بمن أمامه في سبيل
استعادة من يحب.

- أنا عملت كده عشان بحب باسم بجد ولولا إني عرفت إنه بيعحبك بجد ما
كنتش صارحتك بكل ده.

- أنا أسفة يا حنان على اللي قولته .. أكيد كان بيجح مشاعرك.

- ولا يهكم أنا مقدره موقفك وأنا أسفة أنا كمان إني عملت زيك برضو بس إنتي
عارفه إن ده رد فعل طبيعي لأي واحدة ممكن تلاقى واحده بتحاول تاخذ حبيبها منها.
- أكيد.

- أسيبكم بقى وامشى.

- على فين؟!

- خلاص ما بقاش ليا لازمة ما بينكم .. لكن أكيد هاجي أزورك من وقت للتاني.

- حنان أنا محتاجك معانا في الورشه عشان تدرسي للطلبة.

- أنا ما عنديش مانع ده لو تسمع بسمه بس.

- طبعاً .. ده شرف ليا حبيبتي.

- متشكرة أوى .. أنا بس مسافرة لخالتي هقعد عندها كام يوم وبعد كده هجيلكم.

- تنوري في أي وقت.

- شكراً يا باسم.

غادرت حنان وهي لا تملك شيئاً من ما حدث .. لكنها أراحت ضميرها ممّ كان

يؤرقها .. حينها نظرت إلى بسمه في عتاب قائلاً:

- عرفتي بقى الحقيقة كلها.

- أه عرفت .. بس كنت بتحضنها أوى كده ليه؟!

- يا ستى دى هي اللي كانت بتحضني .. ده أنا كنت قاعد على المكتب وهي اللي جت

وحضنتني.

- آه منك إنت يا مدوّب البنات.

- مش للدرجة دى .. أنا دايب فيكى إنتى بس.

- بجد يا باسم؟

- طبعًا يا روجي.

حينها أخذنا نداعب بعضنا مداعبات لطيفة حتى ذابت الخلافات بيننا وعدنا إلى ما كنا عليه وفي الوقت ذاته قررت أن أهاتف حنان لكي أشرح لها وجهة نظري تجاهها ولكي أشكرها على ما فعلته تجاه حياتي أنا وبسمة.

بالطبع تحدثنا كثيرًا وفضفضنا كثيرًا حينها ندمت حقًا كل الندم لأنني ساهمتولو بشيء بسيط في إضاعة حنان مني في حي الأول الذي تعلمت من خلاله أسي معاني الحب والعشق وأنبل وأطهر مشاعر صادفتني وقتها لقد أحببتها حقًا .. والحق كل الحق أنني أحب حنان أكثر من بسمة وأعترف لكنني لن أعود إلى حنان أبدًا.....

ليتني لم أقابلها أو أحبها....

فالنساء بعدها كذبة....

عدت يومها إلى بيتي....

فرحًا مسرورًا لكنني عادة ما أفكر رغماً عني في حنان وما آلت إليه .. فما زالت داخلي تأتي بين الفينة والأخرى حينها قررت أن أهاتف عائلتي كي أتناسى همومي وذكرياتى معها....

- الو .. أيوه يا بابا عامل إيه؟

- الحمد لله يا ابني .. إنت إيه أخبارك.

- الحمد لله .. الشغل ماشى تمام بفضل دعاك إنت وماما.

- الحمد لله يا ابني .. إيه مش ناوى تيجي تزورنا؟ .. ولا إنت روح وقولت عدولي!

- قريب إن شاء الله .. ليلي عاملة إيه؟

- الحمد لله .. كنت عايز أقولك إنها جالها عريس ظروفه مش قد كده .. لكن هي

مَيَّالَةٌ لِيهِ بَسْ أَنَا حَاسِسٌ إِنَّهُ مَشْ هِيَقْدِرُ يَفْتَحُ بَيْتَ .. خِصْوصًا إِنَّهُ مَا عِنْدَوْشْ شِقَّةَ
خَاصَّةَ بِيهِ وَلَسَهُ بِيَكُونُ مُسْتَقْبَلُهُ.

- جَمِيلٌ.

- إِيهِ الْجَمِيلُ يَا بَاسْمُ؟!

- إِنَّهَا مُوَافِقَةٌ.

- هُوَ بِيَشْتَغَلُ؟

- آه.

- بَسْ أَنَا مَشْ مُوَافِقٌ.

- لِيهِ بَسْ يَا بَابَا؟!

- يَا ابْنِي دَهْ مَشْ جَاهِزْ وَلَا عِنْدَهُ أُسَاسِيَّاتِ الْجَوَازِ بِيَقِي إِزَايَ هَجُوزَهُ أَخْتِكُ؟!

- حَتَّى إِنَّتَ يَا بَابَا .. بَصْ بَسْ أَنَا ظُرُوفِي مَشْ كُودِسُهُ لَكِنْ لَوْ حَبِيبَتُ أَتَقْدِمُ لَوَاحِدَةً

كَنْتُ عَارِفٌ إِنِّي مُمَكِّنٌ أَتُرْفِضُ عِشَانَ مَا عِنْدِي شِ الْأَسَاسِيَّاتِ زَى الشَّغْلِ وَالشَّقَّةِ
وَالْفُلُوسِ بَسْ الْأَهْمُ إِنَّهُ بِيَعْتَمِدُ عَلَى نَفْسِهِ وَبِيَشْتَغَلُ وَيَقْدِرُ يَعْشِبُهَا كُودِسُ أَمَا بَاقِي
الْحَاجَاتِ مُمَكِّنٌ تَتَدَبَّرُ مَعَ الْوَقْتِ.

- بَسْ يَا ابْنِي الْكَلَامُ دَهْ لَوْ عَلِيكَ إِنَّتَ مَشْ مَعَ أَخْتِكِ الْوَحِيدَةِ الَّتِي حَيْلَتْنَا.

- عَادِي يَا بَابَا لَوْ هِيَ مُوَافِقَةٌ نَشُوفُ مَوْضُوعَهُ وَرَبْنَا يَسْهَلُ .. بَسْ إِيهِ أَخْبَارُهُ

سَأَلْتُ عَلَيْهِ وَلَا لَسَهُ؟!

- يَا إِبْنِي بِقَوْلِكَ أَنَا مَشْ مُوَافِقٌ.

- طَيِّبُ هَبْقَى أَسْأَلُكَ أَنَا بَقِيَ لَمَا آجِي.

- طُولُ عَمْرِكَ فُقْرَى.

- لَمَا آجِي بَسْ نَبْقَى نَشُوفُ الْمَوْضُوعِ.

- طَيِّبُ هَتِيَجِي إِمْتِي؟!

- مَشْ عَارِفٌ بَسْ هَخْلَصْ شُويَةً حَاجَاتِ كَدَهُ وَهَاجِي عَلَى طُولِ .. وَمَعَايَا لِيَكُم

مَفَاجَأَةٌ.

- إيه هي؟! -
 - لما آجي هتشوفها.
 - هي إيه دي اللي هشوفها؟!
 - لما آجي يا بابا بقى ... هي ليلي موجودة؟
 - آه خد أهي معاك أهيه.
 - ليلي حبيبتى .. عاملة إيه؟
 - باسم عامل إيه .. وحشتنى.
 - وإننى كمان والله .. كبرتى وبقيتى عروسة.
 - ربنا يخليك ليا يا باسم.
 - كنت عايز أقولك حاجة.
 - خير؟!
 - إيه رأيك فى العريس اللي بابا بيقول عليه؟!
 فصمتت برهة ثم قلت لها:
 - يعنى أنا كده فهمت .. طيب على بركة الله .. مش موافقة؟!
 - يوه يا باسم.
 - أخيراً اعترفتى.
 - خليكى على موقفك لحد ما أجيلكم عشان أقنع بابا.
 - ربنا ما يحرمينيش منك يا باسم.
 - إننى تعرفى العريس؟
 - آه.
 - مين هو؟!
 - دا أخو واحدة صاحبتى وجه البيت لبابا عشان يطلبنى رسى.
 - باين عليه ابن حلال وشاريكي.

- آه ابن حلال بجد.

- ماشى يا بنت الحلال .. أنا جاى قريب ومعايا مفاجأة.

- إيه هى؟!

- إنتى هتعملى زى بابا .. سلميلى على ماما بقى .. كان نفسى أكلها لكن شكلها

نايمة أنا عارف مواعيدها.

- يوصل يا باسم.

- سلام.

- سلام.

وبعد مرور عدة أيام،،،

كنت على موعد مع بسمة فى إحدى الكافيتيريات على ضفاف النيل .. ذهبت

إليها مسرعاً فوجدتها فى انتظارى فجلست وقلت:

- بتفكرى فيا ولا إيه؟

فابتسمت قليلاً ثم قالت:

- طبعاً .. بفكر فيك دائماً.

- أسف لو تأخرت عليكى.

- لأ ولا يهمك.

- أنا كنت عايز أبشرك بحاجة.

- خير يا باسم.

- تقبلى تتجوزينى؟

فتسمرت عينها وتجهم وجهها من فرط الدهشة .. لم تكن مبالغ فيها .. لكنها لم

تتوقع أن يأتى كل شىء بهذه السرعة ثم قالت:

- إنت فاجنتنى !!!

- هى دى المفاجأة اللى قلتك عليها.

فأخذت تفكر كثيرًا في صمت حتى انتابني شعور غريب وكأن بسمه ترفض الزواج
منى لكنها شعرت بما يجول بخاطري فابتسمت ثم أجابت بعينها بالموافقة ..
حينها شعرت بأننى أملك الدنيا فى قبضة يدي .. والحياة لا تتسع إلا لقلوبنا التي
ارتسمت على جدران قصور الحب والعشق .. أسمع أصواتًا ربيعية تتغنى بأجمل
ألحان الهيام ويتراقص قلبى من حلاوة عينها حينما نظرت لى بالموافقة.

- ممكن بقى تحدد لى ميعاد من ماما عشان آجى أقابلها؟
- طيب سيبلى أنا الموضوع ده .. بس خالى أكيد هيبجى عشان مكان والدى وهو
فى حكم والدى الله يرحمه.

- ولا يهملك .. حتى لو جيبتيلى عيلتك كلها .. برضو بحبك.
فتهللت أساريرها من مفعول الكلمة التي سقطت على مسامعها وأكملنا حديثنا
فى حالة رومانسية صادقة تقشعر لها الأبدان ويحنو إليها الوجدان.
عدت إلى غرفتي المتواضعة وقد طمأنت بسمه على أحوالى المادية وطمأنت نفسى
هذه المرة حتى لا أقع ضحية إمكانياتى القليلة حينها جاء عى كالمعتاد لى يزورنى
- باسم عامل إيه؟

- الحمد لله .. إتفضل يا عى.
- شكرًا يا حبيبي .. أنا كنت عايز أقولك على حاجة.
- إتفضل.

- معلش يا باسم .. أنا كنت بحاول إنى أفيدك بأنى أوفرلك جواز مرتاحه ..
عشان ترتاح فى حياتك الى جاية وعمرى ما إديت قلبك أو إحساسك فرصة عشان
تحكم بيهم على الناس.

- ولا يهملك يا عى .. أنا ما أقدرش أزعل منك أبدًا مهما يكون.
- وناوى تعمل إيه دلوقتى؟

- أنا الحمد لله .. فتحت ورشة لتعليم الرسم .. والأمور ماشية تمام وحببت
واحدة منه والأمور اتعدلت.

- بس أنا زعلان منك يا باسم .. بقى ما تقوليش على حاجة إلا لما أسألك؟!!

- معلىش يا عمى أصل كل حاجة جت بسرعة .. وما كنتش مرتبها.

- على كل حال ألف مبروك وربنا يوفقك.

- الله يبارك فيك يا عمى.

- عشان أنا بحبك اتفقت مع واحد صاحى إنك تصممله أغلفة كتب .. أنا عارف

من أيام الشركة إنك بتعرف فى التصميم .. ده الإسم والعنوان إبقى عدى عليه بكرة

وما تقلقش الشغل على الكمبيوتر بتاعك فى البيت .. سلام.

- سلام.

فاحتضننى حضناً أبويًا خالصًا جعلنى أشعربأنى لم أفتقد والدى طيلة الفترة

الماضية وحينها شعرت بأنه أزال كل ما فعله معى فى الماضى بلمح البصر.

(19)

ومنذ ذلك اليوم وأنا أعد إمكانياتي كاملة لكي تساعدني على خوض المقابلة التي ستحددها بسمة لي مع أمها حينها لقد قمت بتأجير شقة بإحدى الأحياء المتوسطة وجمعت بين عملي الصباحي في الورشة .. وفي البيت بتصميم أغلفة الكتب وخاصة المرسومة والتي تتسم بالفكرة المبتكرة واللوحات الشعورية التي يقرأها كل شخص بعينيه بشعور وإحساس مختلف.

وجاء اليوم الموعد،،

حينها بعثت إلى والدي وشرحت له الموقف ورحب بذلك وشعر إنني أصبحت رجلاً يعتمد عليه وقرر المعجى معي بعدما أخذت بسمة موعداً من والدتها وذهبتنا في الموعد .

وبعد المقابلة شعر أبي بأنني قمت بالاختيار الصحيح .. من جهة الفتاة التي سأرتبط بها ومن جهة العائلة المحترمة وهذا ما نطلبه .. وبعد الخوض في تفاصيل الزواج قرأنا الفاتحة وألبستها خاتم الخطوبة والتي أشعر بأن لا داعي لذكرها الآن. عدت مع والدي إلى البيت حيث قبع والدي معي في الغرفة بعد ما أصر عني على استضافته في شقته لكن والدي حسَّاس لأبعد الحدود لذلك قرر أن يبقى معي في غرفتي المتواضعة حتى يسافر في الغد إلى الإسكندرية.

وفي اليوم التالي هاتفت بسمة بعدما سافر والدي وعلمت أن والدتها وخالتها قد تمسَّكا بي،، وافقت والدتها لأنها وجدت ابنتها تحبني مع تحفظها المسبق على

إمكانياتي المتواضعة .. لكن إصرار ابنتها جعلها تلبى رغبتهما في الزواج بي لأنها كانت تريد سعادتها فقط لا غير.

مرت الأيام,,,

وبعد عام من العمل والعناء كنت قد أعددت كل شيء من أجل الزواج الشقة والعمل والعمل الثانى وبعضاً من المال الذى سيساعدنا كثيراً في بداية حياتنا .. حينها تذكرت وقتما رُفِضْتُ نظراً لظروفي المادية لكن في تلك اللحظة أدركت أن المادة تُعَدُّ من أساسيات الحياة ولا مجال للاستغناء عنها .. لكن ما رفضت من أجله في الماضى كان بسبب الوقت الذى لا أمتلك فيه المادة .. لكن من يريد الزواج لا يجب عليه الانتظار حتى تتحسن أحواله ولا حتى التفكير في الزواج وهو لا يملك مقوماته هذه وجهة نظر جميع العائلات في ذلك الوقت من لا يملك لا يتزوج فهاتفت بسمه حينها:

- كنت عايزه أتكلم معاك في الموضوع ده يا باسم.

- قولى يا قلبى.

- كنت عايزة أعرف .. هو إنت لازم تعمل فرح؟

- طبعاً يا حبيبتي .. ده أنا هعمله عشانك.

- عشانى أنا؟!

- أكيد لأنى عايز أفرحك وأسعدك.

- أنا سعادتى وأنا جنبك يا باسم.

- بتسألنى ليه؟!

- أصل أنا وماما شايفين إن مصاريفه هتكون مالهاش لازمة .. وبعدين ممكن

نستفاد بفلوسه في شىء أهم.

- والله يا بسمه أنا ما يفرقش معايا .. بس كنت عايز أعمله عشان تفرحى

لأننا مش هنعيش اللحظة دى مرتين.

- لو معترض يا باسم قول.
- لأ.. لا معترض ولا حاجة .. طيب إنتى متأكدة من ده إنكم مش عايزين
نعمله.
- طبعًا.
- طيب هكلم أهلى بقى عشان نلغيه.
- أوك.
- خلاص أنا هكلمهم ونكتب الكتاب ونروح نقضى شهر العسل فى إسكندرية مع
أهلى هناك ولا إنتى عندك مانع؟
- أبدًا .. أهلك هما أهلى .. وأنا عارف إنى أكيد هكون مبسوطة معاهم.
- هسيبك دلوقتى.
- أوك .. هتوحشنى يا حبيبي.
- وإنتى كمان يا حبيبتي.
- سلام.
- سلام.

حينها أغلقت معها الهاتف ثم هاتفت والدى لأخبره بذلك بعدما أخبرت عمى
فوبخنى لعدم إقامة فرح لى خاصة وأن أمى وأختى كانت تطلبان إقامته لفرحتهم
بى لأننى لأمى الابن البكرى كما يقولون ولأختى كانت تتأهل أن ترتدى فستانًا فايق
الجمال فى تلك الليلة .. وبعد عناء فى الإقناع سعد كثيرًا وأقنع والدتى وأختى وأعلمته
بميعاد عقد القران حتى يحضر.

خلال تلك الأيام كنت أعد كل شىء فى الشقة حتى انتهيت منها قبل الموعد حينها
أضفى ذلك الحدث على دنيائى مظهرًا جماليًا رائعًا فكل ما حولى كان سعيدًا مسرورًا
.. يبعث البهجة فى نفسى ويمنحنى السعادة التى افتقدتها فى يومٍ من الأيام .. كنت

أعد بذلتى ومتعلقاى الخاصة وبجانب ذلك حقيبة خاصة تكفى لشخص واحد ..
أشعر بالارتباك قليلاً فى تلك الفترة نتيجة ما أنا مقدم عليه.

بالطبع لم أكن أتوقع أنى سأرتبك كذلك .. لأننى لم أتزوج من قبل .. لذلك لم
أكن فى حالتى الطبيعية .. لكن السعادة كانت على شفا قلبى الذى يبيض بجمها.
مرت الأيام دون جديد يذكرها،،

وفى إحدى الأيام دلف عمى إلى غرفتى فدعوته للجلوس بعدها قال لى:
- بص يا باسم إنت لازم تشتغل شغل تانى مع الورشة مش هينفع تشتغل
بس فى التصميمات وخصوصاً إنك محتاج فلوس عشان مستقبلك.
- بس أنا شايف إنى كده كويس ومش محتاج حاجة تانية.
- بس الجواز محتاج مصاريف كتيره يا باسم وخصوصاً إنك داخل على جواز.
- والله عندك حق.

- خلاص يبقى ترجع الشغل معايا.
- لأ طبعاً .. إنت عارف أنا سببت الشغل ليه.
- عارف يا ابنى بس استحمل معلش عشان خاطر الجواز.
- مش عارف بس مش قادر أرجع تانى.
- على العموم فكر وقولى رأيك.
- ماشى .. هفكر.

حينها غادر عمى وجلست أفكر فى الأمر وكلما طردته من عقلى عاد يُلحُّ على عقلى
فقررت الاتصال ببسمة لكى تحاول مساعدتى فى اتخاذ قرار فى ذلك الأمر ..
فهااتفها وتحدثنا كثيراً حينها ظللت أرفض الأمر جملة وتفصيلاً لكن وبعد اقتناع
ببسمة بذلك شجعتنى على خوض العمل مرة أخرى خاصة وأنها سوف تدير الورشة
هى وحنان بعدما تعود من سفرها.

بالطبع لم أخبرها بنية مديرة الشركة فى الزواج بى .. لكننى أخبرتها بالعمل فقط

حتى لا يصيبني أذى خاصة وأنا مقبل على الزواج وبالفعل أخبرت عى بموافقتى على العودة إلى العمل ففرح عى لذلك وتسلمت العمل بالفعل.

مرت الأيام وموعد زواجى يقترب رويداً رويداً حتى تقافز قلبي من مكانه مرات عديدة من شدة التوتر المصاحب لذلك .. غير مصدق أننى مقبل على الزواج من الفتاة التى اختارها قلبى وتهللت عند رؤيتها عيناي سعادة..

إنه الحب ولا شىء غيره.

وفى إحدى الأيام،،

استدعتنى المديرية فى مكتبها فذهبت إليها مهرولاً فهى لم تستدعنى منذ أن عدت

إلى العمل وحينما وصلت سمحت لى بالدخول:

- تعالى يا باسم.

- أومرى.

- قَرَّب منى.

- كده كويس حضرتك.

فتصاعدت نبرات صوتها فى حدة قائلة:

- وأنا هحب فيك .. قرب عشان تمضى الشغل ده.

فنظرت إلى الأوراق الملقاة أمامها على المكتب فى تعجب وقلت:

- شغل إيه ده.

- دى أوراق الأجهزة اللى لسه جاية جديدة .. وبما إنك المسؤول عن استلام

العهدَة عايزاك تستلم العهدَة دى عشان نوردها للقسم.

- طيب حضرتك ما بعنتيش الورق ليه لمكتبى عشان أمضيه.

فصاحت بصوتٍ عالٍ مرة أخرى:

- وهو تحقيق ما تمضى وخلص.

فاقتربت منها فى تحفز حتى لا أصطدم بها لأنها تتشبث بالأوراق ولا تريد أن تتركها

لى كى أوقعها بعيدًا عنها .. حينها أخذت تنظر إلى كثيرًا وتحاول أن تلامس يدي وهى تحاول التقاط الأوراق.

لكنى لم أظفر بها أمام تلك السهام النارية التى تخرج من عينيها والدفء الذى يحتوينى عندما أمس يدها التى يكمن بها دفء العشق وفى تلك اللحظة كل ما ظفرت به هو ذلك التوقيع اليتيم على كل الأوراق التى أمامها ولكن بعد صعوبة بالغة ومعاناة.

وفى تلك الأثناء أخبرتها بموعد عقد قرانى الذى بات قريبًا حتى لا تلقى على عاتقى الكثير من الأمور وحتى توقف ألامعياها نحوى التى لن تجدى بعد الزواج.
حينها خرجت من مكتبها فى قمة حنقى لكننى كنت منتشيًا قليلًا من ما حدث.
وفى إحدى الأيام،،

دلفت إلى غرفة مكبتي فوجدت علبة تعلو أحد الكروت المزينة فتوقعت أنها هدية من تلك الحسناء التى تطاردنى ولكن لن أستسلم لها أبدًا.
حينها لم أتطرق لفتح تلك العلبة ونحيبها جانبًا وبدأت فى عملى وأثناء عملى ساورنى الشك من أجلها فوجدت رغبة مُلحَّة فى فتحها فالتقطتها وفتحتها فإذا بشيء لم أتوقع بأن يحدث حتى ولو كان خيالًا .. حينها تلاعبت الظنون بى..

كيف حدث ذلك؟!!!!

ولماذا؟!!!!

فاتسعت عيناى عن آخرهما وجحظتا من محجرهما فوجدت حينها صورة من إحدى شيكات البنوك مُزَّلت عليها توقيعى البائس وذلك بقيمة كبيرة لا أقدر على منحها إلى شخصٍ ما فَحَرَكْتُ عيني إلى اسم المستفيد فوجدت اسمها تلك الأفعى التى كانت تحوم حولى منذ أيام ففتحت الورقة فوجدت ذلك الخطاب وبدأت أقرأ:عزيزى وحببى باسم،،

من غير تعية،،

أنا عارفة إنك محروق دمك دلوقتي من اللى إنت شايفه لكن ما باليد حيلة
عايزاك تعرف إني تعبت معاك أوى لحد ما وصلت للى أنا عملته دلوقتي ده بشوية
مشاعروالاعيب وشوية أنوثة أنا اللى كسبت في الآخر

أنا حطيتلك الشيك وسط الورق اللى مضيت عليه عشان غرض في نفسى
وحرقتلى دمي لما قولتلى إنك هتتجوز وعشان كده بعثلك صورتته
بص يا سيدى إحنا نعمل ديل،،

يا إما إنك تتجوزنى وأدبك الشيك،،
يا إما تدفعه وتريح دماغك.

أما الحل الثالث إنت عارفه الشيك هيروح فين .. إنت شاطر هتجاوب بسرعة
مع إني عارفه إنك مش معاك فلوس وهتختار الأول بس قولت أعمل اللى عليا معاك.
إعمل حسابك مش هستنى كثير حاول تنهى الموقف بسرعة.

باى يا بيسووووو

كنت حينها أستشيط غضبًا ممًا قرأت .. لهذه الدرجة هناك أناس أكثر منالثلعب
في مكره وأشد من الثعبان في سمه .. فأمسكت برأسى محاولًا استيعاب ما حدث
ولكن دون جدوى.

عدت في ذلك اليوم أفكر في الأمر ولم أجد له أى مخرج وهناك معى ثلاثة
اختيارات فماذا عساي أن أفعل!؟

عندها صعدت إلى عمى في بيته ودخلت عليه غرفة مكتبه وألقيت أمامه العلبة
المشؤومة والخطاب وانتظرت أن يفحصهم .. وبعد أن فحصهم بعناية قصصت
عليه ما حدث بالتفصيل فنظر إلى نظرة خوف لم أدرك معناها على الإطلاق لكننى
سأدرك مغزاها حتمًا عما قريب.

حينها وعدنى عمى بمحاولة حل الأمر .. بالطبع لم أدر ماذا سيفعل لكننى وثقت
بذلك بعد وعده لى خاصة وهو من أعادنى للعمل رغمًا عنى بعدما زين لى طريق

العودة وأخفى عني أشواكه وأظهر حلاوته ويسره .. فعدت إلى غرفتي في وجوم وكأن
الدنيا اتشحت بالسواد أمام عيني حتى طمستهما عن آخرهما فلم أراى شىء يذكر
.. حينها

وجدت أن النوم هو السبيل الوحيد الذى يقينى تلك اللوحة الداكنة
الحالكة السواد .. لعلى أجد فى أحلامى لوحة أفضل قليلاً من ما
أرى فى هذه الدنيا.

(20)

في صباح اليوم التالي..

قمت من نومي في تكاسل فوجدت عى بالباب مرتدياً ملابس أنيقة وينتظرنى للذهاب معه لأمر هام فأجلسته قليلاً وارتديت ملابسى وهندمت نفسى قليلاً وغادرنا سوياً إلى مكان لا أعرف هويته.

إنها فيلا كبيرة واسعة جميلة المظهر وأنيقة .. تحمل بين أركانها تحفًا فنية وأوراقًا خضراء شاسعة تملؤها في بهاء وأشجارًا كثيفة وقليل من المياه تقبع في أحد الأحواض تزين المدخل الخاص بها عندها دلفنا داخل الفيلا بعدما أدخلتنا خادمة وأجلستنا في حركة خفيفة تنم عن أن أصحاب تلك الفيلا يعيشون في ترف ورفاهية شديدة وثرء فاحش كما يقولون.

وبعد دقائق استمعنا سوياً إلى دقات تقرب رويدًا رويدًا منّا حتى أن عى قام من مجلسه مشيرًا لى بالقيام مع شدة اقتراب دقاتها .. فتحرك عى جاذبًا إياى معه إلى بداية سلم الفيلا الداخلى المتصل بغرفها ووقف أمامه حينها كنت أنظر إلى الموقف بعين لامعة متعجبًا لا أدري ماذا أقول أو أبداً حينما رأيتها لكن أشار إلى عى بالصمت قبل أن أتفوه بكلمة وأنا فاتحًا فى في بلاهة فتقدم عى خطوتين إلى الأمام وتوقفت هى الأخرى عن النزول من الدرج في خفة وضَمَّ عى يديه أمامه قبل أن يقول:

- أنا ما شوفتش صفاقة أكثر من كده .. إيه اللى عملتيه مع باسم ده.

فضحكت ضحكة هيسيرية عالية رَجَّتْ بها أرجاء الفيلا في عنفوان قبل أن

تقول:

- إنت اللي بتكلم عن الصفاقة يا مصطفى!!!؟

فقال بجرأة وهو يتحدث معها دون أن يهتز في نبرة تعجبت منها كثيراً:

- بقولك إيه أى حاجة مهما كانت ما تستاهلش إنك تدخل فى فيها ابن أخويا.

حدث كل ذلك وأنا أشاهد كأى مشاهد فى المسرح .. لا يقدر على تغيير دوره

فيها على الإطلاق ولم يكتب له إلا المشاهدة والاستماع فقط.

حينها قالت:

- أنا هقولك كل حاجة يا باسم عشان ما تعرفش من عمك عشان بيخاف على

شعوره وعشان كمان ما أحبش أشوفك محتاروجاهل ما تعرفش الحقيقة وده بس

عشان حبيتك.

فقاطعها عى قائلاً بصوتٍ عالٍ أجش:

- سهام.

فاستطردت ولم تنتبه لمحاولات عى لإيقافها والتي تكررت دون جدوى:

- طبعاً إنت نفسك تعرف كل حاجة فهنبداً من الأول .. بس ممكن تستريح عشان

الحكاية طويلة بس إوعدى إنك ما تقاطعنيش أو عمك يوقفنى عن الكلام.

فجلسنا سوياً مستسلمين للأمر بعدما وجدنى عى فى احتياج تام للسمع وأننى

لن أتنازل عن ذلك أمام أى محاولة منه بأن يثنينى عن ذلك فبدأت تسير فى أشكال

دائرية أمامنا وهي تتحدث فقالت:

- طبعاً إنت عارف إنى مديرتك ومديرة عمك فى الشركة لكن اللي ما تعرفهوش

إن أنا مراته .. أه .. مراته هى دى الحقيقة اللي لغاية دلوقتى محدش يعرفها أنا طبعاً

شايفه الذهول فى عينيك لكن لازم تشوف عمك على حقيقته وتعرف اللي كان نفسى

أعرفه لكل الناس..

بص يا سيدى واسمع إنت كمان يا مصطفى عشان فيه حاجات هتسمعها لأول مرة .. وارجع معايا بالذاكرة يا مصطفى عشان تفتكر وتحاول تدوق من نفس الكاس اللى دوقتهولى .. أنا كنت متجوزة عمك من حوالى عشر سنين جواز شرعى طبعًا وسابنى عشان خلافات كتير كانت ما بيننا وأكثرها كمان كانت عشان الفلوس .. إزاي يبقى متجوز واحد مش معاها فلوس .. ورغم إنه كَوْن من ورايا فلوس كتير واشتغل معايا فى مشاريع كتير بس ده ماملاش عينه طبعًا وكان طمعان يكسب أكثر وكل مدى ما بيقل حى ليه بسبب طمعه.

فَنكَّس عى رأسه ونظرت إليه حينها فاستطردت:

- طبعًا هو مش قادر يسمع الكلام ده عشان كنت بحبه جدًّا بس هو كان بيدوّر على الفلوس وبس ما كانش بيهتم أبدًا بيا واحنا فى الغربية .. سافرنا طبعًا عشان مشروعاتنا مع بعض وبعد ما اختلفنا على الفلوس فى يوم انفصلنا عن بعض وما كملناش وسابنى وسافر على مصر عشان يدور زى عادته على الفلوس باختصار كان انتهازى لأبعد الحدود وبعدها طبعًا قررت أكون غنية جدًّا وبعد ما فاتت سنين رجعت مصر وطبعًا ورثت الشركة من والدى لكن كبرتها وطبعًا أغريت عمك بالفلوس عشان يشتغل عندى وده لسبب واحد بس هو إنى أذله زى ما ذلتى وقهرنى بحى ليه.

فتساقطت عبرات من عينها حارقة يتخللها صوتها المبحوح الذى يمتزج بحرقة الماضى وسكون الحاضر وأكملت:

- ساعتها كان فاكرانى نسيت كل اللى حصل لكن كانت جوايا نار بتكوينى كل ما أشوفه أو أفتكريوم من الأيام اللى فاتت عليا ساعتها ما حسيتش غير بالإننتقام وكان لازم أنتقم لحد ما حبيتك بس حى ليك كان مختلف لأنك حته منه كان نفسى فى حد يحببى بس للأسف اللى حببى حببى بس عشان فلوسى مش عشان حاجة تانية فيا .. فعملت الجواز حجتى عشان أحاول أقرب من عمك أكثر لكن ما عرفتش وصدىتى.. لكن بعد ما زهقت من رفضك حبيت أجيب

مصطفى بطريقة الشيك فكرة جاتلى بعد تفكير كبير بس ما توقعتش إنها تجيبه بالسهولة دى.

فقام عى من مجلسه وقال:

- وإيه بقى اللى ما أعرفهوش يا هانم.

- اللى ما تعرفوش إنى كنت حامل وللأسف راح مع كل حاجة حلوة راحت ساعتها. فنزلت على عى كالصاعقة تلك الكلمات وهو فى ذهول تام من ما يسمع غير مصدق ما يقال فحاول تمالك نفسه لكن غلبته دموعه وتساقطت من ما سمع فاستطردت مرة أخرى:

- شوف أن هكون كريمة معاك .. وهحاول أعاملك بطريقتك عشان تحس بوجعها لما تيجي تعامل الناس بيها ويا ريتك بتحس .. أنا هديلك الشيك بس بشرط تدفعهولى وأظن إن الشيك ده حقى وإنه تعويض قليل جدًا قدام ابنتنا اللى ما جاش. فاهتز عى مرة أخرى قبل أن يحاول إخراجه معه ولكنى غادرت بالفعل تارگًا إياه فى سكون دون أن يشعر بى.

عدت إلى غرفتى غير مدرك لما حدث هل هو حقيقة أم خيال؟!

وما ذنبى فى هذه اللعبة التى لعبت بى؟!

وكأنى أشاهد فيلمًا غريبًا .. يحملنى خارج أسوار الواقع .. وبعد فترة سمعت طرقات الباب فخمنت أن عى هو من بالباب فقررت عدم التحدث .. فاستمعت حينها لصوت أقدامه وهو يصعد الدرج مبتعدًا عن غرفتى ومددت جسدى على الفراش .. فنال منى النوم بسهولة ويسر من فرط الإنهاك الذى ألمَّ بى حينها. وفى الصباح،،

فتحت باب غرفتى كى أدخل الخلاء فوجدت عى أمامى واقفًا فذهبت إلى الأريكة داخل الغرفة وجلست وتبعنى عى وجلس ثم قال:

- بص يا باسم .. أنا مش هدافع عن نفسى مع كل اللى حصل ده بس عايزك

تعرف إنى ماليش يد فى حكاية الشيك دى .. هى حاولت تضربنى بيك عشان مقهورة ومتضايقه .. وعشان إنت تهمنى وبحبك ومش عشان عمك وبس أنا دفعت الشيك .. وهو يعتبر حقها طبعاً بس ما عرفتش تاخده منى لما كنت متجوزها فعشان تضمن حقها دخلتك فى الموضوع.

فترك لى عمى الشيك على المنضدة وقام من مقعده وسار خطوتين تجاه الباب وقال:

- وعشان أثبتلك حى لىك تعالى معايا بكره عندنا مشوار مهم.
حينها غادر عمى دون أن أنبس ببنت شفة حينها تعجبت من ذلك لكننى أعلم علم اليقين مدى شغف عمى بالمال وحبه له ومر اليوم بسلام مثله مثل باقى الأيام.
وفى الصباح..

أخذنى عمى معه إلى مكان متسع وقبل أن ندلف إليه أمرنى بإغماض عيني فأغمضتها وإذا بعى يأخذ بيدي ويزج بى خطوتين إلى الأمام وأمرنى بفتحها فإذا بى أمام مكان واسع حوائطه أنيقة .. فضاء .. يصلح للمعرض.
ذلك ما نطق به عقلى من فرط المفاجأة .. حينها لم أتمالك نفسى إلا وأنا فى أحضان عمى بعدما تناسيت ما حدث حينما تحقق حلمى .. عندها سقطت دموى رغماً عنى من حلاوة المفاجأة .. بعدها أخبرت عمى بتركى العمل بالشركة فوافقنى على ذلك وبالطبع كانت تلك هى المرة الأولى التى يوافقنى الرأى فى قرار أخذته ووعدته بتقديم الاستقالة له لتقديمها إلى زوجته الماضية.

عدت بعد ذلك إلى غرفتى منتشياً بعدما علمت أن عمى هو من قام بتأجيله على نفقته الخاصة وقام بتجهيزه خصيصاً من أجل إقامة المعرض فى محاولة منه لإرضائى نظراً لحبه لى .. فقررت حينها أن أهاتف بسمه لإعلامها بذلك:

- ألو .. بسمه.

- أيوا يا باسم.

- بحبك.
- وهوانت متصل بس عشان تقولى بحبك؟!.
- طبعًا وأنا عندى أغلى منك .. هتحقق حلمنا يا بسمة.
- حلم إيه؟!
- المعرض يا بسمة.
- إزاي.
- هقولك .. عمى عملى مفاجأة وأجرلى مكان وجهزه عشان نعمل معرضنا اللى حلمنا بيه.
- الحمد لله أنا فرحانه جدًا .. أخيرًا هتحققه.
- أخيرًا يا بسمة .. أخيرًا.
- وفيه خير حلوكمان.
- بس مفيش أحلى من ده .. قولى يا ستى.
- حنان رجعت السفر من فترة .. هى كانت مسافرة وبدأت كورسات معايا .
- حينها انتابتنى قشعريرة سرت فى جسدى عند سماع اسمها لم تلحظها بسمة
- فتمالكت نفسى وقلت:
- الحمد لله .. كده مش ناقصنا حاجة غير المعرض.
- لأ فى.
- إيه.
- إنت يا باسم .. عايزينك ترجع الورشة.
- تحت أمرك يا أميرتى.
- فتبسمت فى الهاتف من مداعبتى إياها وشعرت بها قبل أن تقول:
- هستناك .. سلام.
- سلام.

وفي اليوم التالي،

ذهبت لتقديم ستقالتى فى الشركة وذهب عى لتقديمها فرفضت المديرية
توقيعها بدون أن أقدمها بنفسى فأمرنى عى بتقديمها لها فدلفت عليها مكتبها
لتقديمها

فقالته:

- هتسينا ليه يا باسم؟!!

- مفيش أنا بس عايز أنفرغ لمشروعى ولمعرضى اللى جاى عشان عندى شغل
كثير.

- تقوم تسينا يعنى ومش عايز تكمل معنا؟!!

- معلىش دى رغبتى وهكون مرتاح كده.

- على العموم مش هقف قدام رغبتك زى ما تحب.

فوقعت على الاستقالة وصافحتها بترحاب وقمت بدعوتهأ إلى المعرض ثم غادرت
إلى الورشة

وفي الورشة،

وما أن وقعت عينائى على بسمه حتى احتضنتها بشده وضممتها إلى فلم أرها منذ
فترة حتنا!نفطر قلبى .. حينها انفطر قلب حنان فى مشهد لم تتوقعه .. فهى لم تتوقع
أن حبيبها يؤول لامرأة أخرى ويحتضنها بدلاً منها فخرج الحب من الجسد أشد
إيلامًا من فراقها له والبقاء بجانبه.

وبعد الترحاب، عدت إلى مكتبى فدلفت حنان إلى فقامت لها وصافحتها ثم قلت:

- أخبارك إيه يا حنان؟

فقالته بحزن مريع:

- مفيش .. زى ما أنا وحيدة.

- ليه .. وهو إنتى مش متجوزه؟!!

- كنت.

- ليه؟!

- أمى جوزتى لرجل أعمال .. طبعًا كانت عايزه تعجل بالجواز فيادوبك فترة صغيرة ما كملتش شهور وبعدها كنا متجوزين .. قعدنا فترة في تفاهم ومرتاحين لحد ما بدأت الخلافات تدور حوالينا لغاية ما اتمكنت مننا وبعدها استجالت العيشة معاه وطلبت منه الانفصال بهدوء وتم وكمان حط فلوسه كلها في صفقة وحصلت مشاكل فيها ففلس لدرجة إنه حتى ما عندوش موهبة زينا ممكن تساعده من جديد أو حرفة أساسية تحاول تخليه يقف على رجليه من تانى .. بس عشان كده ما كملناش.

وقتها دمعت حنان دمعًا ساخنًا انزلق من عينها انزلاقًا .. وهى تنظر إلىّ في رغبة ملحة ومريرة أفهمها .. لكننى الآن لا أصلح لدورها التى تحاول أن ترسمه لى .. أعلم أنها تحبى ولا أنكر أيضًا حبه الذى مازال فى قلبى لكنه ارتكن على أرفف أرشيف قلبى ليحل محله حب جديد صادق مبنى على التفاهم والمودة والحب.

فأمسكتها ووقفنا سويًا وقبلت يدها فى حنان فجعلتنى أعود إلى سنين مضت وعينها مازالت نادمة على موافقتها بزوجها السابق وتدمع دمعًا لم يتوقف إلا عندما احتضنتها بين يدي وقد شعرت وقتها أنها وجدت فيه نوعًا من الأمان ووجدت أنا نوعًا من الطمأنينة والحب الذى تمنيته .. فذابت حنان بين أوصالى وأسندت رأسها على صدرى عندها شعرت بالخجل من ذلك لكننى ربما احتجت كما احتاجت حنان صدرًا حانيًا لا يقسو عليها كنت فى حاجة ماسة أيضًا إلى ذلك الحضن لكى يفيقى من تبعات الحب الأول فأخذت يدها بحنان بالغ وقبلتها مرة أخرى وأخرجتها من حضنى وسحبت ذراعى من حولها ثم قلت:

- حنان أنا كنت بحبك..وهفضل أحبك طول عمري وما أقدرش أنساكي ولا

هنسى

الأيام الجميلة اللى قضيناها مع بعض .. لكن ده قسمة ونصيب .. أنا دلوقتى مرتبط ببسمة .. أنا عارف إن الكلام ده صعب عليكى وبيوجعك وبيقطعنى كمان من جوه .. لكن هى دى الحقيقة ولازم نواجهها مع بعض عشان نقدر نكمل حياتنا عادى.

- بس أنا مش عايزه أسيبك.

- مين قال إن إنتى هتسيبىنى؟!

- إزاي؟!

- إنتى هتدرسى الرسم معانا زى ما اتفقنا.

- أنا أقصد إن أنا بحبك وعايزه أبقى معاك على طول.

- ما ينفعش يا حنان .. ده بالنسبة لى يعتبر خيانة .. الراجل ما ينفعش يعيش

بقلبين أو قلب مقسوم نصين .. لكن ينفع يعيش بقلب فيه ماضى ومستقبل .. وانقى

اخترتى تكونى ماضى .. وبسمة قررت تكون المستقبل.

فنظرت إلى نظرات نارية ترجمتها كذلك:

* حبيبى باسم .. إن كان الفراق هو مصيرنا .. فعندما ألاقيك سأضمك بين

أحضانى حتى لو تزوجت كل نساء العالم .. لأننى أحبك.

* حبيبتى حنان .. لن أنساك إلى الأبد .. تعلمت الحب بين يديك .. فلن أبخل

عليك بحبى لكننى لن أصير خائناً مهما بلغ الحب منتهاه.

حينها افترقنا كأحباء .. لكننا سنتقابل سوياً بعد ذلك كأصدقاء فى العمل.

بعدها خرجنا سويًا إلى بسمة وتواعدنا أمام بعضنا البعض بتحقيق الحلم ومن ثم بدأنا في العمل والاستعداد للمعرض بكل قوة .. والأجمل من ذلك تعاوننا المثمر في اللوحات الفنية الرائعة خاصة التي نتشارك بعملها سويًا وبدأنا في تشجيع الفنانين المبتدئين بتخصيص ركن خاص بالمعرض لأفضل لوحات تنتجها الورشة فذلك الحلم يجب أن يحقق وسوف يحقق بأفضل إمكانياتنا.

ظل العمل مستمرًا لفترة كبيرة لكي ننشئ معرضًا نتحدث عنه الأوساط الفنية وقمنا بتأجيل الزواج لحين الانتهاء من المعرض وبالفعل تم تأجيله وتم إكمال الإعدادات الخاصة بالمعرض إلى أن اكتمل كل شيء وجاء اليوم الموعود:

حينها عَجَبَت الصالة بالزوار الكثر الذين يتذوقون حلاوة الفن وألوانه وتحدثت السعادة من وجوه المدعوين وأوجه حنان وبسمة أيضًا بينما ظللت أتابع أوجه الناس في سعادة وانتشاء وكأنه يوم عيد بالنسبة لي وكانت حينها المفاجأة عندما حضر عمي ومعه أجمل مفاجأة قام بها لقد أحضر أبي وأمي وأختي إلى المعرض يا له من يوم .. إنه يوم الأحلام بالنسبة لي .. كل الأحبة يجتمعون يوم تحقيق حلمي.

وفي تلك الأثناء قمت بتقديم بسمة لعائلتي ففرحوا بها فرحًا شديدًا واحتضنتها أختي ثم أمي واحتضنتني والدي وسط نظرات الانكسار المطلة من عين حنان التي خسرت كل شيء واتفقنا سويًا على عقد قراني على بسمة بعد الانتهاء من المعرض وبعد الترحيب من أبي وأمي والحاضرين والإعجاب المتبادل بين عائلتي وبسمة قررت التجول في المعرض

توقفت أمام إحدى اللوحات فهى اللوحة الأخيرة التى رسمتها من أجل المعرض
وهى باسم الحب..

ظلت أمامها كثيرًا قبل أن يقطعنى صوت أنثوى جذاب قائلاً:

- اللوحة دى للبيع؟

فقلت قبل أن أستدير نافيًا بيعها فوجدت سهام تقف خلفى وخلفها وقفنا
حنان وبسمة فى تعجب فاتسعت عيناي مندهشًا قبل أن تقول سهام:

- وليه يا ترى؟!

حينها بدأت فى ترجمتها كذلك:

*اللوحة دى خلاصة سنين من الرسم والمشاعر المتناقضة اللى مررت بيها بتعب
عن الحب بمعظم مشاكله وخطوطه وعشان كده حاولت أجمع فيها كل مشاعرى ..
أنا مررت بتجارب فى حياتى مهمة لكن اللى حصلنى فى الحب كان أصعب من أى شىء
مررت بيه فى حياتى.
وبعد فترة،،،

انتهى وقت المعرض واستمتع الحاضرون جميعًا به وكنا فى سعادة بالغة تنم عن
النجاح الذى حققناه فى تلك اللحظة .. فأعددنا أنفسنا للرحيل بعد انتهاءه وغادر
الجميع وبات والدى وعائلتى عند عمى فى تلك الليلة إلى أن ظهر الصباح،،
صباح ذلك اليوم المعهود حينما حلمت به كان مخصص لحنان لكنه
الانمخصص لبسمة التى رافقتنى طريقى حتى وصلت إلى حلمى الذى تمنيت تحقيقه.
أما الآن فنجنى الآن ثماره بعد النضج .. إنه يوم عقد القران حينها أعددنا كل
شىء واستغلينا وجود عائلتى بكاملها فى القاهرة وتم عقده ومن ثم انطلقت المباركات
من عائلتى وعائلة بسمة والحاضرين جميعًا.
ولا يزال هناك فرد واحد لم يهتئنا قط ولكنه فضل الابتعاد والمغادرة،، فرد تخيل
أن له قدرًا من السعادة لكنه لم يحظى به،،

إنها حنان .. والتي ظلت تنظر إلى في وهن وخوف بينما باتت بسمه منشغلة بمباركات من حولها .. فتساقطت عبرات ساخنة من عيني حنان في عذاب لاج على وجهها .. لم يلحظه أحد غيري .. حينها قررت تمالك نفسي وقلبي وعقلي حتى أحياء حياة الحب بعدما خذلني العشق.

حينها انشغل الحاضرون بالتهاني لعائتي وبسمه ولاحظت حنان تبتعد كثيرًا عن المكان وكأنه يحمل لها الحزن حملًا ويضغط على قلبها بثقل حديدي خانق مكبلاً إياها باستسلام تام تجرجر قدمها مقاومة إياها في تعنت ومرارة تضر الحلوق.

فتسللت من المدعوين دون أن يشعر أحد حتى بسمه لم تلحظني لانشغالها بصديقاتها الملتفين حولها .. فاقتربت منها وأمسكت يدها وأدتها لتنظر لي .. فنظرت إلى في إنكسار ودمعها يتساقط رغماً عنها فجذبتها بعيداً عن الأنظار ثم جففت دمعها بيدي وسألتها:

- إنتى لسه ما نسيتيش يا حنان.

فأوقفت بكاءها قليلاً قبل أن تجيب:

- مفيش حد بيحب يقدر ينسى.

- بس الواقع اللي إحنا فيه بي فرض علينا إننا ننسى.

- لوعايز تنسى .. إنسى إنت .. لكن أنا عمري ما هقدر أنسى إنك اليوم ده كان لازم

تبقى ليا ومعايا مش مع حد تانى.

فنظرت إليهما متأثراً:

- بس إنتى اللي ضيعتى الفرصة دى من إيدينا وجايه تلوميني دلوقتى.

- أبداً .. أنا مش بلومك أو بعاتبك .. أنا بعاتب نفسي عشان رضيت بحاجة

خارجة عن إرادة قلبى اللي حبك وعن عقلى اللي رافض ينسلك.

- بصى يا حنان .. أنا دلوقتى من حق واحدة تانية لازم أبقي لهما هى ويس ما

ينفعض حاجة تفكرك بيا .. حتى عشان لوجه يوم مش هنعرف نرجع لبعض تانى

أبداً.

- أنا مش عايزة نرجع لبعض بس على الأقل حبي في قلبك ما ينفعش ينتهي
بالسهولة والسرعة دي.

- ما ينفعش برضويا حنان عشان قلبي مش حصالة أجمع فيه أكثر من حب
القلب ليه حب واحد وبس ملكه لما بيدخل القلب لا يمكن يطلع منه حتى لو حاولنا
نطعله بالعافية.

فقالته وقد تساقطت دموعها مرة أخرى:

- حتى أبسط حاجة في دنيتي ومعيشاني عايز تحرمني منها.

- إنتي اللي حرمتي نفسك وحرمتيني من السعادة فما ينفعش ترجعي الماضي
دلوقتي. وبينما كانت مستمرة في البكاء استطرقت قائلاً:

- حنان .. أنا هفضل جنبك ومش هسيبك وكده كده إنتي معايا في الورشة
وهتفضلي حبي الأول .. بس لازم تحطى قدام عنيكى إني متجوز بسمة ومجرد التفكير
فيكى يعتبر خيانة لها بالنسبة ليا .. وأنا عمري ما كنت خاين وبكره الخيانة أوى ..
لكن إنتمنى هفضل معاكي طول عمري.

حينها غادرت وتركته تفيض بما تحويه عينها من دموع .. وفي طريق عودتي لبسمة
وجدتها أمامي عند ردهة القاعة فسألتني:

- إنت كنت فين؟!

- كنت بجيب الفوتوجراف عشان يصورنا .. بالمناسبة ده صاحبي إياد.

فأشرت له بالتقدم لالتقاط بعض الصور التذكارية الخاصة بالزفاف حينها
أعددنا أنفسنا وهندمنا ملابسنا وبدأ إياد في التقاط الصور لنا.

وفي تلك الأثناء، نظرت أمامي فوجدت حنان تنظر إليّ في حزن ووجوم شديدين
وقد رسم على وجهها الشقاء، أشحبه، أكساه ظلمة حينما شاهدتنا نلتقط صور
الزفاف .. فلاحظت بسمة ذلك دون أن تخبرني بشيء حتى لا أتأثر بشيء .. وحتى لا
أحن إلى الماضي من جديد.

بعدها تلاشت حنان من أمام أعيننا كما يتلاشى القمر وسط السحاب.
وبعد اتقاط الصور,,

عدنا إلى المدعويين وصافحناهم وسلكنا طريقنا إلى سيارة الزفاف وأدخلت
بسمة وهممت بالدخول لكن قبل دخولي للسيارة رأيت أمامي حنان وسهام يقفان
بجانِب بعضهما البعض وعيونهم تتسائل .. فنظرت إليهم مبتسماً وأرسلت بعيني
عدة رسائل أعتقد أنها قد وصلت بسلام وياتت في مقاصدها,,

الأولى: حنان

**

لقد أحببتك بالفعل .. لكن وإن شاء القدر تفريقنا .. فلعل وعسى أن يجمعك
القدر ذاته بشخص آخر يحبك أكثر من ما أحببتك.

الثانية: بسمة

**

عانيت معي عند خوضي الطريق .. فصبرت وبات لك الحق في الفوز بالنهاية
بحي لك .. فهنيئاً لك بي وبقلبي.

الثالثة: سهام

**

لا تجعلى المال وسيلة لشراء الحب .. فالحب لا يشتري .. وتأكدى أن هناك من
يحبك وسوف ينتظرك إلى أن تحين اللحظة لكي تلتقيا.

فلاش باك,,

حينما سألوني عن اللوحة أجبتهم بأن الحب في نظري هو أن :

* تضحى عشان تسعد حبيبك وتكون متقبل ده من غير ما تكون أنانى وتفكر فى سعادتك إنت بس.

* تحول المستحيل لممكن عشان اللى بيحب عمره ما يقف عاجز قدام حبيبه.

* إياك تضحى بحبك لأى سبب كان .. الحب أغلى شىء فى الدنيا.

* الحب حياة .. لو الحب موجود يبقى فيه حياة ولو مش موجود اتعدمت الحياة كأنك مش عايش.

* كل واحد بيحب لازم يحافظ على اللى بيحبه ويخبيه فى عيونه ويقفل عليه.

* الإهتمام هو الوصلة اللى بتجمع بين إثنين .. اهتموا إنكم تهتموا.

* فى الحب إشتري وما تبيعش .. عشان لما حد هيبيعك .. هيبيعك رخيص أوى.

* حب الروح مش الشكل .. الشكل ممكن يتغير لكن الروح عمرها ما هتتغير.

* خليك صادق فى حبك وما تكذبش عشان الحب هو اللى هينجيك مش الكذب.

* الحلم إسعى ليه وحققه حتى لو ما كانش عندك إمكانياته..

رتب أفكارك وجهز حلمك,,

وتوكل على الله,,

وحقق حلمك.

وإن سألك أحدهم عن الحب:
قل هو إحساس والإحساس لا يعرف,,
هو كنز لا يفتنمه إلا الأقوياء,,
هو اتصال لا انفصال .. فإن وصلته وصلك .. وإن انقطعت عنه قطعك,,
هو مأوى لك عندما تضل طريقك في الحياة,,
هو مملكة .. إن اكتملت أركانها .. نعمت بحياتك,,
الحب حياة.

NO LIFE WITHOUT LOVE
NO LOVE WITHOUT LIFE
NO LOVE .. NO LIFE

تمت بحمد الله

الشكر لله أولاً وأخيراً شكر خاص

أشكر كل قارئ,,,

قطع من وقته القليل لكي يقرأ تلك الرواية, لكنني وعدتك بالإفادة دائماً وأسأل
الله أن أكون قد وفقت في ذلك.

أشكر كل كاتب,,

من أصدقائي من كتاب جيلى الشباب بلا استثناء .. فهم فعلاً خير أصدقاء.

أشكر كل من يقرأ أعمالي,,,

حقيقة أكتب تلك الكلمات من أجلك أنت .. ليس طمعاً في شيء إلا لإيضاح ما
يحتويه الحب من معانى أسمى وأوسع من أن تجمع في كتاب .. لكن الحقيقة أن
الحب هو المحرك الأساسى للحياة .. فلولا ما تحركنا .. ولا حيننا لقد زرعه الله في
قلوبنا كي نحيا به ونحيا فيها.

obseikan.com

للتواصل مع الكاتب

Facebook : mr.hani.ramadan@facebook.com

OR: fb.me/Hani.Ramadan.official.page

Instagram : www.instagram.com/haniramadaan

Ask : ask.fm/diabamaro

جميع حقوق الطبع والنشر محفوظة للناشر



noon_publishing@yahoo.com

0235860372 - 01127772007